



GLAUBER
OPERA MINERALIA

1651







N VL
17/8

me — 10⁸ — 0

M

U E

defcr

a

MEN

N

Veget

lime

t

In

W A

a

Aqu

MIRACULUM MUNDI,

Sive

PLENA PERFECTAQUE

descriptio admirabilis Naturæ,

ac Proprietatis potentissimi

SUBIECTI,

Ab antiquis

MENSTRUUM UNIVERSALE

Sive

Mercurius Philosophorum

dicti:

Quo

Vegetabilia, Animalia & Mineralia facil-

lime in saluberrima Medicamenta, & imper-

fecta Metalla in permanentia ac perfecta

transmutari possunt.

In gratiam secretæ Naturæ Scrutatorum

editum,

à

JOHANNES RUDOLPHO GLAUBERO,

atque ex Germanico Latinum factum.

Cum S. Cæs. Majest. Privilegio.



Impressum AMSTERODAMI.

Apud JOANNEM JANSONIUM.

M. DC. LIII.

24, 772



P R Æ F A T I O

Ad

L E C T O R E M.



*Vicunque hic de incomparabilis
Subjecti, ab antiquis Philosophis
Solvens sive Menstruum Uni-
versale dicti, Proprietate, natura
& essentia agens libellus occurrit,
& summarum ipsi à me adscriptarum virtu-
tum lectione offenditur, ideoque quia captu-
rem non assequitur, fidem derogandam censet,
ei notum esse volo, quicquid ei virium tribui-
tur, illud nequaquam figmentum, somnium
vanamque esse opinionem, sed diligenti pluri-
maque praxi inventam veritatem habendam.
Quin vero nonnulli sint futuri qui hac in du-
bium vocantes meras impossibilitates judica-
bunt, facillime conjicio, qui perspectissimum
habeo, quanta mysteriorum Naturæ ignoran-*

tiâ præsens mundus, proh dolor, laboret, certus hoc scriptum non omnibus arrisurum: illis qui in Natura cognitione aliquousque pervenere, nimis clarum & apertum, imperitis vero, nudis tantum opinionibus refertis, Cimmerica tenebra judicabitur, altero plus, altero minus a quo factitatum esse credente: verum hoc solatio est, quod nondum natum esse sciam, qui omnibus placuerit, vel placere potuerit; præmium quod miser mundus præripere non vallet, spretis, instar innocua procella, hujusmodi incertis judiciis, in futurum exspecto. Qui omnia Cavillatorum ora obthurare velit, ei, honos sit auribus, multum merda sit oportet, ut vulgus ait: nec aliam quam ingrati- tudinis mercedem pravus mundus sinceris hominibus unquam retribuit. Nonne Christum Salvatorem ipsam Virtutem & Veritatem cum suis Apostolis, Sæctatoribusque persecu- tione tandemque morte afflixerunt? quem si plurimi sæculi nostri scribæ etiamnum penes se haberent, nova interneccione tollere haud erubescerent, cujus multifaria DEI vir- tute edita miracula vel impossibilia vel dia- bolica traducerent, ipsum confestim ad ignem abrepturi. Hæc stupenda malorum ingrati-
tudo

tudo causa est, cur multa humano generi alias proficua bona in tenebris delilescant. Quam primum enim aliquis creditum sibi talentum iuxta CHRISTI mandatum non defodere, sed in proximi commodum fenori dare contendit, extemplo viperina Phariseorum progenies proximi emolumento semper invida, veritatem oppugnat, ut vel optimus quisque eorum ludibria non effugiat. Num plus lucri erit, si omnia tua inventa mundo prostitueris, quam si celaveris? Hanc ob causam plura impræsentiarum non agam. saltem quæ miracula hoc Universali menstruo patrentur, indigitabo: integrum cuique erit, fidem quantam libuerit, dictis adhibere, mea nil intererit, si vel à nemine credantur, mihi satis fuerit, ubi & qua ratione Veritas sive Natura Secreta invenienda sint, ostendisse.

Quod ad Subjectum attinet, cujus Naturam & Operationes delibare constitui, hoc isti est simile, cujus in Opere Minerali mentionem feci, Alkahesti nomine insigne, quam appellationem non absque ratione ei impositam ibidem demonstravi. Cum ergo jam dudum

optima quorundam Philosophorum Menstrua eodem nomine inclaruerint, mihi verò non constet, an illorum meo, meumve illorum viribus ac natura simile fuerit, non valde discrucior: parum enim refert, diversa Menstrua eodem nomine gaudere, etiamsi sibi per omnia non respondeant.

*Nam quemadmodum vinum est vinum, licet in Germania, Italia, Gallia, Hispania ve provenerit, singula tamen vinum sunt, ut ut alterum alteri viribus ac sapore praece-
lat, modo natura viresque, quæ vino inesse debent, in eo deprehendantur. Idem de meo Alkahesto iudicium esto: Scilicet, quod, si vires nomini sint congruæ, ex quocunque de-
mum Subjecto sit extractum, jure merito eodem quoque nomine nuncupabitur. Quod ut melius assequare, Alkahesti nomine intel-
ligo calidissimam, igneam, siccam simulac hu-
midam aquam, corrosiva virtute vacuam qua Vegetabilia, Animalia, Mineralia, non tamen omnia eodem modo, absque strepitu so-
luta in saluberrima medicamenta, ut parte I. Operis Mineralis innui, elaborantur. Quia vero ex quo ista scripsi, multi tale Men-
struum*

truum ex suo quisque Subiecto preparare
 sunt conati, impostores etiam aquam plane
 corrodentem aliis pro eo porrexerunt, se hoc
 secretum à me adeptos esse mentientes, idem
 quod in Opere Mineral. descripsim, tum
 & alter alteri putatitium istud Solvens Uni-
 versale care vendidit, cujus natales atque
 preparatio ipsum venditorem lateret, ut ita
 cæcus cæcum ducens in periculosa avia secum
 abduxerit, id cum mihi innotuerit, nolens
 volens lectori palam facere debui, quæ pro-
 priè sit natura Alkahesti mei, quæque
 ipsius vires, ut erranti sit norma, quæ de
 suo Alkahesto, num meum sit, dijudicare
 queat.

Ergo, hoc incomparabile Subiectum vo-
 catur Solvens Universale, quia ejus benefi-
 cio multa incredibilia in preparatione bono-
 rum pharmacorum, metallorumque præ-
 paratione præstantur: nemo tamen cre-
 dat, quod instar fortis, regia aliussve corro-
 dentis aquæ sive menstrui metalla celeriter
 ac violenter solvat, minime gentium; sed alia
 prorsus ratione operatur, Vegetabilia nempe
 atque Animalia via humida in digestionem sol-

vuntur, in qua solutione puriores partes ab impuris secernuntur.

Mineralia vero ac Metalla possunt & ipsi ipsius beneficio humidâ viâ soluta in bona Pharmaca redigi, vel in meliora metalla lavari, purgari & maturari, sed non eadem felicitate ac celeritate, atque viâ siccâ, quam plurimæ admiranda inexpertis incredibiles mutationes, mox prolixius tractanda perficiuntur. Præter hos 2. solvendi modos, quorum (ut rei possibilitatem monstrarem) nonnullis sciendi copiam feci, adhuc aliud longe diversus occurrit, quo metallaliaque Subjecta celeriter coram oculis meliorantur, atque in optima medicamenta & puriora corpora maturantur, depurantur, transmutantur: Cujus Solutionis rationes cuivis exponere non opus est, maximè, quia iste labor solertem chymicum requirit, paucique sunt, quibus Natura arcana scrutari cordum est, sed plurima chymicorum turba vanis processibus se divexans nil Solidi in Medicina & Chymia intelligit, qui imaginarii artifices, ubi in vera scripta incidunt, eorumque sensum obtusis suis cerebellis non assequuntur, Au-

Etoris,

etoris, maledictis lacerati, industriam, ac indefessum in communicando suo talento praestitum laborem dedignantur, unde fit, ut qui aliquid boni profert, nil prater ingratitudinem expertus, talentum suum defodere, secumque sub tumulum deferre, quam in suum damnum propalare malit. Atque haec unica est causa, cur hujus menstrui usum in praeparandis medicamentis, metallisque meliorandis non sim verbotenus prosecutus, saltem quid ejus adminiculo effici possit, indigitans, ut quid de eo judicandum sit, manifestum fiat, num quod ab aliis pro tali venditatur, isti in Op. Miner. descripto, & hic sub incudem revocato simile sit, nec ne: haud ambigo, quin multi sint animum desponsuri, animadvertentes, suum Alkahest, ista qua meo Menstruo hic adscribo, nullatenus praestare, simulque credituri, non esse rem tam facilem, atque antea putaverant, sed etiamsi ex vili oriatur Subjecto, tamen ejus inventionem & usum longe difficillimum existere. Quicunque enim tale menstruum habet, quo haec sequentia parantur, ille se Solvens Universale, vel Mercurium Philosophorum, apertum ad veram Medicinam & Alchymiam ostium,

IO PRÆF. AD LECTOREM.

*revera possidere gaudebit. Ideo in scrutato-
rum gratiam nonnihil virtutum virumque
ejus, quantum par est, ut magnalia DEI indi-
patesiant, & homo Creatori, omnis boni dato-
ri laudandi & gratias agendi materiam nar-
ciscatur, recensere exordiar.*



DE

DE INGENTI VIR- TUTE VIRIBUSQUE,

nec non admirandi hujus Menstrui
universalis natura & pro-
prietate;



Res præcipuè operationes hujus
beneficio præstari posse operæ
pretium est cognoscere.

Primò omnia Vegetab. & Animalia in
liquorem soluta maturat, venenoque sub-
ato in salutaria medicamenta convertit.

2. Mineralia atque Metalla tam humi-
da quam sicca viâ solvit, venena crudita-
temque corrigit, maturat & figit, ut bonæ
sint medicinæ, & post fixationem bonum
ac genuinum ☉ & ☿ exhibeant.

3. Eadem Met. Miner. Lapidés, aliaque
compacta, 2. prædictis modis non solubi-
lia subiecta solvit, maturat, purificat, ho-
ræque spacio metalla plus exaltat, quam
priorés 2. Solutiones toto die non value-
rant, quorum in melius mutationem in
singulas horas observare licet: solvit Me-
talla ac Miner. in penetrantem Spirituali-
tatem, ut Metallum, à menstruo non secer-
natur,

natur, sed ex utroque humida juxta ac sic
ca solutio fiat, ex qua purior metalli pars
sive illa ☉ sit, sive ☿ (præsertim si plur
junctim fuerint soluta) post præmissam f
xationem arte præcipitatur: unde satis l
quet, in omnibus imperfectis met. bonur
☉ & ☿. vulgari cupellarum examine no
notabile abscondi: quæ Operatio, men
struo tantum grosso modo præparato ab
solvitur: quod si hic hermaphroditus ve
latis ac Spiritualis Mercurius rursus fi
xus ac corporeus evadat, credibile est
eum multis numeris subtiliorem, penetran
torem, efficaciorēque ad solvenda
alteranda & perficienda corpora esse, at
que antea fuerit.

Hic ejus usus est in genere: Speciatim
vero multiplicem suam virtutem abund
exerit, ante cujus descriptionem non in
consultum videtur, quodnam sit commu
ne hujus Subjecti nomen, quidque de eo
vulgus sentiat, subindicare. Quod ut pau
cis expediam, nil est aliud, quam nudum
Sal terræ, ex quo Sal petræ conficitur: ve
rum, quod quodvis terræ Sal, vel vulgare
Sal petræ harum sit virium, quas meo Sub
jecto hic assigno, nullus dixero, cum sua
cuique

cuique usui debeat eisdem præparatio, iuxta quam diversas virtutes expectabis. Verbo : Hoc Subjectum, cunctis universæ terræ incolis, singulisque Ordinibus, notissimum esse convenit, quippe quod non modo homini, sed omni insuper Creaturæ pro varia ejus applicatione, commodare vel nocere aptum natum est. Prætermittis ergo Superioribus Magistratibus, quid cuivis Ordini, boni malive inde oriatur, vel quid eum commonefaciat, facto à Spiritualibus, quos vocant, qui omnino tales esse debebant, initio, aperiā.

Nemo, qui vel per transennam res humanas inspicit, ignorat, quam indefinenter omnes omnium religionum theologi de pulpito suis auditoribus inculcent, ut tales sint, in fide ac vita, quales se, cum subito de hoc mundo ad ultimum iudicium atque severum tribunal sint abripiendi, fuisse optaverint : id quod rectissime fit, neque toties dicitur, quin, ut frequentius & dicatur, & re ipsa observetur, necessarium est & utile. Quotus vero quisque, exceptis paucis, harum rerum satagit? sane, ipsa experientia teste, nec qui dicit, nec qui audit. Cum Christi ad iudicandum mun-

mundum, adventus, ex improvise, cum
omnes imparatissimi erunt, instar fulguris
fulminisve Superiorum Elementorum, ve
furis nocturni instar, continget, (id quod
nemo ibit inficias) temporis illius fulge
tra ac tonitrua. nulla cum re aptius quam
cum hujus Subjecti vi ac potentia conferri
atque adumbrari possunt. Homo enim si
lethifera tormentarii pulveris compositio
ex eo prius confecta est, (de qua 2. Fur
norum parte actum) quam meritò omnes
metuere, eoque semper ad mortem parati
esse debebant; eo mediante oculi ictu, è
medio tollitur. Quæ admonitio si non se
dulo fiat, futurum damnum plerisque ani
marum pastoribus, hoc sibi divinitus in
junctum munus turpiter negligentibus
imputandum erit: Nam Deus nihil frustra
ac sine causa condidit: & quemadmodum
serenus dies, jucundissimaque atque vivi
fica Solis lux, æternam lucem vitamque
cæca, frigida, horrenda, lethalis nox. extre
mas tenebras, damnationem, mordentem
vermem, æternam mortem & cruciatum
impiorum; ita & terrenum fulgur, ful
menque Salis petræ celerrimum ac subi
taneum Christi adventum nobis ad vivum
depin-

lepingit; quod ut Ecclesiastici suæ fidei commissis animabus exponentes, à perdis viis eas revocent, hic notandum offe- tens, nullius sinistram interpretationem nihi, qui hoc publici boni gratia scripse- rim, ob id in meam perniciem cessuram confido.

Juris periti hoc terribile Subjectum spe- ctantes, perpendant, si quando Principi- bus sui lucri causa, sint bellorum autores, quibus urbes evertuntur, agri vastantur, cives in exilium aguntur; vel jus fasque ex gratia pro suo lubitu pervertunt, ju- tum condemnant, malo patrocinantur, perpendant, inquam, alium Judicem, qui nec largitionibus corrumpitur, nec perso- nam respicit, inexpectato adventu suo omnium facta examinaturum, justissimam- que pro sua æquitate sententiam laturum esse.

Medicis, Chyrgis, Pharmacopæis hoc Subjectum, ex quo, vel per quod summa contra naturales hominum morbos me- dicamina parantur, inservit: unde vulga- ris illius Philosophorum dicti veritas indu- bitanter asseritur: quod scilicet ex summo veneno, summa contra morbos medicina sit

fit paranda. Nitrum autem deterrimum
esse venenum, 2. Furnorum Parte evic-
ubi illud ipsi Basilisco præferebam:
quod ex eodem Nitro, eoque mediante
optima Medicina sit præparanda, hic pro-
batum eo. Prima Operis Mineralis part,
quo pacto, mediante Alkahesto, & Vege-
tab. Anim. Metallisque multifaria, aliisque
multis parasangis anteposenda medica-
menta sint præparanda, in gratiam Med-
corum, Chirurgorum, aliorumque Med-
cinæ operam dantium vulgavi.

Multa vero de Medicinis impræsentia-
rum differere animus non est, suffecerit
quarum sit virium, quibusque usibus hoc
universale Menstruū destinetur, common-
strasse. Diximus, illud omni Ordini, su-
periori juxta atque inferiori, Spirituali ac
Seculari, Nobili, ignobili, diviti pauperi-
que prodesse posse: quorum Medicus or-
do haud sane postremus est censendus.
Nam si rem æqua lance trutines, immorta-
lis anima homini ante omnia est curanda
post illam, Corpus ac naturalis vita, ipsi
post animæ salutem charissima: tandem
bona ac facultates, instar accidentis cu-
juspiam, quæ uti in mundum non attulit,

ita

ita nec secum ex mundo deferet, sed tanquam viliores partes mundo relinquet. Sanitatem ergo cunctis mundi opibus longe præcellere, cum sit notissimum, quo pacto hujus menstrui beneficio conservetur, & amissa reciperetur, ut primo loco doceatur, altero, qua ratione honestus victus per illud sit habendus, ipsa ratio flagitat. Si quis enim cornu-copiam habeat divitiarum, morbis doloribusque oblitus, cui usui erunt bona, quibus absque sano corpore frui non detur?

Quocirca prima Animæ, proximæ corporis saluti, tertia demum cura externis bonis naturæ lege debetur. Cum homo veram in Deum fidem habet, cum pacata erga proximum conscientia, tunc demum bonis caducis, hilari animo, temperanter & cum gratiarum actione ad Dei gloriam frui licebit. Corporis sanitatem, honestumque victum ex præfato Subjecto sufficienter peti posse, monstrare aggredior, animæ verò felicitatem viris ad hoc à Deo destinatis committo, quibus pro animabus suæ curæ creditis, sed incuriâ malitiâve neglectis, in avia abreptis, æternoq; exitio perditis, satis exacta ratio olim erit reddenda.

B Huic

Huic promisso ut satisfaciam, quæ in
audita istius Subjecti beneficio in Medici-
nâ edi possint, revelare auspicor, proximâ
post Deum, in naturalibus morbis, hominibus
omni miseriarum genere obnoxio, solatio
ac salutis tabulâ.

Morborum enim vestigantes originem
non invenimus aliam præter Peccatum
quod protoplastæ nostri sua transgressionem
nobis hæreditarium fecêre, omnipotens
vero sit laus, quod mediatorem est gratifi-
catus Jesum Christum, qui suo ad Crucem
usque mortem obsequio cœlesti Patri nos
reconciliavit, primorum parentum inobe-
dientiam expiavit, ex morte liberavit, viam
ad vitam patefecit: nihilominus tamen
maledictio incumbit nobis, ut omnes sum-
mis doloribus in lucem editi, perenni cu-
rarum ærumnarumque tempestate adole-
scentes, molestiis fracti, ac deficientes, ad
extremum terribili morte, contra cujus
vim nullum in hortis medicamen est, abra-
piamur. Sed quia, quicquid vitæ usur-
gaudet, mortem quantum ac quamdiu po-
test, declinat, morbusque ejus prodromus
& est & habetur vulgo, mirum non est,
eam pro virili, quoad Deus permittit, tan-

tispe

quisper vitemus & arceamus. Omnis Crea-
 tura in terra, aqua, super terra, & in aëre,
 ad minimum usque vermiculum, quam-
 diu valet, à morte se tuetur, quin qua ra-
 tione illa ad præfixum usque vitæ termi-
 num sit cavenda, ipse Deus animantibus
 insculpsit, & si fortè una ab alia casu flu-
 diove lædatur, quid sibi sit levamini, cujus
 oppe, si modo ejus copia detur, nec ab eo
 excludatur, illatum damnum reficiat, pa-
 terne est largitus: Solus homo hoc naturâ
 nescit. sed indefesso studio id addiscere ne-
 cesse habet, unde nullum animalium plu-
 ribus morbis miserisique subjacet, quam
 homo, quod totum peccato acceptum est
 ferendum.

Qui miseriarum, cruciatuum, morbo-
 rumque fons cum solum peccatum sit, ob-
 iciet nonnemo, dicens: Quid medicina
 opus erit, si peccato remoto, ipse morbus
 evanescit: atqui facilius erit peccato nun-
 tium mittere, quam tot ingrata decocta
 absorbere. Is responsum habeat: Verum
 esse quod Deo nihil non sit possibile, nos-
 que si fides in Deum sit firma, sine Phar-
 macis à morbis præservari ac liberari pos-
 se: sed talem fidem ubi reperies, quæ
 B 2 etiam

etiam Christi temporibus erat rarissima cum inquit, Si fides sit vobis, quantum est sinapios granum, montes loco movebitis nos verò nec arenæ atomum movemus unde nos omni ferè fide ac fiducia in Deum carere satis liquet.

Non desunt testimonia, quod homines ex indubitante erga Deum fide naturæ leges transcendentia miracula ediderint: Si fides istorum 3. in fornace candente non fuisset maxima, ex igne intacti non prodiiissent: hujusmodi fidei etiam Moses, David, Daniel, Apostoli, alique Sancti a patranda miracula, fuere participes: neque hoc à vero abludit, quod, si quis ex nostra tam perversa generatione firmissimam non vacillantem, sed fiducia plenam fidem habeat, ille non minus quam prisca similia facinora sit editurus: penes quem autem ista fides erit? Hanc ob causam naturalibus mediis, quæ etiam absque hominis fide operentur, nobis contentis esse convenit; cujusmodi Medium naturale est Medicina, morborum, etiam absque fide medicatrix: quod si naturalia remedia fide dem habeant conjunctam, hoc major successus erit, ita ut jure sit dicendum *Ora &*

Labor

Labora, non Cura atque Plora. Quod in hunc finem dicitur, ut exploratum reddam, Fidem etiam absque Medicina, quod Christianum est, & hanc absque illa, quod pecuinum est, sanare. Væ verò illi, qui medicina, pecudis instar utitur, eique energiam, non soli Deo fert acceptam. Hinc me dicinam vilem plus apud fidelem, quam apud incredulum nobilissimam præstare assero, eandemque medicinam in eodem morbo discrepanter operari, cujus causam ægrum, tum medicum sæpenumero fugiat. Complures, soli medicinæ nixi, pretiosissimis quibusvis inhiant, ut plurimum ipsos fallentibus. Opulenti magnam unionum, gemmarum, lapidis Bezoar, auri lævigati, similiumque mortuarum reum vim deglutiunt, unde facilius à morte infestantur, quam si ignobilem herbam assumsissent, solummodo hanc ob causam, quia auxilium à pretioso pharmaco, non à Deo exspectarunt. Hæc verò mea, quam rado, Medicina, magni pretii non est, & insuper maximarum virium, cujus tam pauper quam dives compos fieri, & ab omni curabili morbo, Dei gratia adspirante, liberari poterit.

PRÆPARATIO.

rit:

Antia. ℞. 2. vel 3. libras hujus Menstrui, cujus rodentem naturam ignis vi in non corro- dentem transmuta, & habes Menstruum præparatum, quo hanc Medicinam elabo- rabis, nempe, in hoc menstruo tantam Pri- mi Entis auri, quod passim in mundo, sed præcipuè in aurifodinis copiose reperitur, solve, quantum in calore attrahit, ut fiat solutio rubea, quam cum suo vini solven- tis pondere aliquot dies digere, fiet sepa- ratio partium puriorum ab impuris, feci- bus à medicina ad fundum secedentibus ac removendis, hæc leni calore concentrata rubeus pellucidus erit lapis, solubili salis- simillimus, probè servandus. Medicina erit nulli præterquam Philosoph. Lapidis secunda, post centum annos ejusdem cum primo confectionis die bonitatis, omnia quæ recenseo cum stupore peragens, pro qua dignas Deo gratias nemo mortalium unquam persolverit.

*Vi. p.
360. m.
Vi. A. d.
26*

USUS

USUS HUIUS MEDICINÆ IN GENERE.

HÆc universalis Medicina omnem morbum naturalem, tam recens natum, decrepitorumque, quam robustorum citra omne periculum curabit dosi valde exigua, nulli nauseam pariente, ut vulgares cyathi solent, sed ab 1. ad 8. usque grana, quod summum sit, quolibet liquore, jure calente, vino, zytho, aqua, lacte, pro ægri conditione propinanda. Vires, prout vel ægri, vel morbi natura diversum postulat diversimode edit: si intra præscriptos doses cancellos subsistas, operatio erit insensibilis, roborat, mundificatque humidum primigenium, omne malum modo plane mirabili è corpore foras agit, singulis, alternis, tertiisque diebus assumpta: morborum accidentalium præservatoriū, veneni, aërisque infecti obstaculum & correctorium. Sin major fuerit dosis, evidentior, erit operatio, per sudorem, urinam, sputum, interdum & ἄνω καὶ κάτω pro tuo lubitu, dosin augendo vel minuendo, si & morbi indoles illud ferat, qui pluri-

mus minimo hujus medicaminis pondere sine oculari observatione curatur, sed radicatus notabilem operationem exigit, si minori, invisibiliter agenti dosi, parere recuset: quod hanc medicinam præparant & utenti probè tenendum, ne in excessu vel defectu peccet, sed medium servando cum præmio laudis palmam auferat.

Sed quo minus aberres, usum ejus, in gravissimis morbis mihi probatum, pluribus circumstantis docebo.

In *Peste*, aliisque contagiosis febribus homo Dei gratia præservatur, si grani dimidium, infanti, puerove; mediæ ætati integrum; adultis vegetisque 2. vel 3. administrantur; quod si contagio sit correptus, dosi pro ratione ætatis sit duplicata vel tripla, æger diligenter apertus liberaliter sudet; morbo nondum expulso, postero, vel tertio die dosin repetat, vel donec perfecte fuerit restitutus.

Hic præservandi curandique modus non modo in *Peste*, sed & omnibus contagiosis, frigore, vel æstu infestantibus morbis, cunctisque febribus, observatus, pluribus Pharmacis non eget, hoc unico cum ardentibus ad Deum precibus ad propulsandum

sandum deterrimum Pestis malum, laterum compunctionem, aliasque vulgares febres, cum bono Deo sufficiente.

In *Epilepsia* qua modo geniti, auxilii inopes catervatim extinguntur, hæc Panacea certissimum est remedium, si mox à partu quarta vel media grani pars cum lacte vel recenti, Salis experte butyro exhibeatur, tertio die dimidium granum, octavo die tantundem, & liberatus erit: sin post intervallum paroxysmus redeat, parum aucta dosis tantisper repetatur, donec cesset. Matresfamilias hanc medicinam sibi commendatissimam habeant, quibus liberi, cætera incolumes, hoc solo malo miseri eripiuntur, magno medicorum quorundam errore, isti ætatulæ plenos inefficacis aquæ perlarum cyathos, lapides bezoar cum aqua vel pulvere pæonia, aliisque ineptis rebus infundentium.

Adulti ab uno ad 6 grana quotidie assument, si curæ vacare possunt, sin minus 3. quarto die semel, usque dum nulla morbi vestigia supersint: nihil præter hanc medicinam sumentes, eo die à frigido aëre, resque vel 4. horas à cibo abstineant.

In *Lepra*, similique fæda scabie tutius hæc medicinâ remedium non datur absque mo-

lestia radices mali extirpans: nec unquam optato frustrabere effectu si modo æger viribus pollens curationem feras.

In abominabili, *Gallorum* nomine infamati *Scortatorum morbo*, certius nihil invenies modo dosis eò excrescat, ut non tantum plurimum sudorem, sed & vomitum cur sedibus cieat, alternis diebus sumta, donec æger, quod una alterave hebdomade fieri convalescat.

In *Hydrope* æger quotidie unâ dosi utatur, (subsequente aliquot horarum jejuniis, ut in aliis morbis fieri consuevit,) non verum magna, sed ab uno grano ascendendo, donec nec medicina non vomitum, sed nauseam causetur, quo signo, quanta ægro dosis conducatur, conjicitur: postea detur unum vel etiam 2. grana minus, donec omni aquâ per sudores, sedes, urinas evacuatâ, æger præstina sanitati sit restitutus. Hæc sola Panacea, si morbus non omnino deploratus fuerit, ægro citissime ac felicissime haud dubie salutem reddet.

In *Podagra*, cum *Lepra* & *Hydropis*, apud medicorum vulgus incurabili, hæc universalis medicina mirabilia, brevique tempore plura præstat, quam credideris, i

rem prudenter geras : humorum affluxum
citò retractum , insensibiliter ex corpore
exturbat , doloribus sensim remittentibus ,
tumore fidente , paroxysmus tolerabilior
fit , serius redit. ad extremum emanet.
Doseos eadem sit ratio, atque in Hydrope
præscripsi, ab uno grano ad usque nauseam
ascendendo , tunc , detracto uno alterove
grano dosis quotidie vacuo ventriculo, æ-
re frigido excluso, 4. horarum jejunio con-
tinuetur , donec eâ non amplius opus esse
nimadvertes. Si quis vero dictis meis, quod
cil. hic morbus, omniû propemodum judi-
cio immedicabilis , huic remedio manus sit
laturus, fidem derogabit, ei nullatenus suc-
censebo , qui & ipse , paucis abhinc annis ,
antequàm hujus medicinæ vires perspectas
haberem, idem sentiebam , sed experientiâ
doctior redditus , aliter sentire debui, hunc
morbum , nisi ad *anplu* pervenerit, vel ægri
imbecillitas medicandi tædium respuat, vel
Deus alias ob causas non contra eat , bono
medicamento, si non radicitus, saltem ma-
ximam partem curari posse affirmans. Putet
liquis perinde facere ad curationem, si hac
medicina utens, quotidie variis, vetitis no-
tiisque cibis sese ingurgitet, vinoque ine-
briet:

briet: is insigniter fallitur, cui vel Phil. lapi
 non medebitur: quod enim pharmacum
 ante meridiem corrigit, illud alimoniam
 excessus, frequentissima hujus mali causa
 post meridiem perditum ibit. Sunt, qui vini
 abstinencia liberationem ab hac peste tem
 poris tractu sibi pollicentur, sed hircum
 mulgent, cum non solus vini potus hujus
 mali radix sit & fomes, quo & ob paup
 riem abstemii nonnunquam corripiuntur
 omnis in vino cerevisiaque excessus anfan
 præbere, morboque incrementum dare po
 test, sed non solus producere: plures dan
 tur causæ hujus mali genitrices, quas inte
 haud postrema est Ira, si ei sæpe primas de
 feras; nec immodica Venus, individu
 hujus mali comes, minima censebitur, qu
 Natura plurimum enervata præcedenti
 in alimentis sumendis exorbitantiæ reli
 quias œconomia corporis ejicere non va
 let, sed vel invita illis difficillimorum mor
 borum futuris causis in corpore pro arbi
 trio debacchantibus locum dare adigitur
 ubi enim natura infirmissima est, ibi hosti
 irruptionem facere conatur omnia inter
 necioni daturus, & ut proverbium fert, ubi
 sepes est humillima, ibi omnes transcen
 dunt

dunt, id quod ut plurimum in hujus morbi generatione contingit. Cum corpus immoderato victu maxime obrutū, nimio vini vi irritato concubitu gravissime labefactatur, natura non valet istas reliquias excludere, sed in summum totius corporis detrimentum, ut sibi pro lubitu sedem figant, permittere cogitur. Cunctis insuper Lienis, Hepatisque obstructionibus, (unde sanguine corrupto gravissimi morbi, Scorbutus, puta, Podagra vaga, Erisypelas, diuturni capitis dolores, artuum languor, anima fætens, in Mulieribus, uteri adscensus, menstruorum retentio, cordis palpitatio, deliquium, vertigo, aliique id genus ignoti morbi, uberrima segete pullulant,) hæc catholica, præ omnibus aliis, felicissimè meditatur, si pro ægri morbi que habitu plus minusve per hebdomadem sumatur, mirandos effectus conspicias.

Hanc quoque medicinam Chyrurgiæ studiosis, ut palmariam commendatam esse volo, qua meliorem non habebunt pro omni recenti vulnere carni inflicto, sine potionibus vulnerariis, vel variè mistorum emplastrorum impositione curando, si quotidie parva dosi intus sumatur: hæc
enim

enim omnibus symptomatibus resistit, & sola ex ipso fundamento sanat ac consolida-
dat; sed si ossium fractura adsit, ista suo
loco reposita, assulis bene colligentur: si
vulnus ex punctione sit profundum, tur-
rundaë immitantur, præter quas extrinse-
cus nil opus est, quam vulnus suo loto
muriave mundatum, eâdem humectato
linreamine obligatum ab irruente aëre fri-
gido munire.

Si vulnus sit magnum cum periculo
conjunctum, vulnerario unctum balsamo
emplastroque ex floribus Mineralium
oleo ceræ & terebinthina facto (quorum
componendi modos in prioribus scriptis
tradidi) præterea obligetur, nec alia res
propter hanc medicinam intus assumtanti
opus erit.

In putridis ulceribus hæc ipsa mirabili
præstat, si balsamo vulnerario munda ser-
vata, vulgari ex terebinthina ceraque fa-
cto emplastro ab aëre præserventur, inter
nam mali radicem absque ullo alio admi-
niculo perfectè tollit.

Hæc insuper non minima ejus virtus est
quod per eam Metalla & Mineralia lev-
opera in summam redigantur subtilita-

tem

rem, quæ non tantum intrinsecus adhibita
desperatissimis morbis præsens levamen
afferunt, (ut Parte 2. furnorum, in Spirit.
volatilib. videre est) sed, quia ejus præpa-
ratio nec operosa nec sumtuosa est, extrin-
secus multum conferet, nempe debito
pondere communi aquæ calenti mista, ipsis
thermis potentius in gravibus morbis ope-
ratur, naturales enim, à mineralibus sive
spiritibus sive corporibus impregnata
thermæ tantarum virium esse non possunt,
atque arte factæ, pro medici arbitrio, ma-
jorque conditione debiliores vel potentio-
res redditæ.

Quia vero cuivis hoc universale phar-
macum præparare non datur, plures tamen
illud expetant, hoc mihi monere operæ
pretium videtur, ut qui ejus præparatio-
nem callet, id ex charitate aliis communi-
cet, non ut pro corrupto mundi more, in-
de ditescere velit, sed ut impensos sumtus,
operæque mercedem tantum recipiat. Præ-
terea cum hæc medicina tam in forma pul-
veris, quam liquore, si peregrè sit mitten-
da, non commodè à quovis usurpari pos-
sit, dum guttarum & granorum appensio-
ne facile erratur, non abs re fore judicavi,
cam

eam in pilularum formam redigere, quominus in administratione sit periculi, quarum singulae unum granum pendant, ut æger pendendi labore supersedens, juxta morbi meumque præscriptum unam pluresve pro dosi recipiat.

Hoc pacto tutissime de loco in locum mittitur, ubique infirmis solamen datur: ne tamen in missione aliquid fraudis interveniat, unumquemque admonitum volens ut videat, à quo eam petiturus sit, impetores enim se hanc habere mentituros, carereque venundaturos jam prævideo: cavendum enim ne similiter atque cum Alkæhesto meo factum est, à talibus decipiantur.

Istæ sunt præcipuæ meæ medicinae virtutes, cæteræ brevitatis ergo hic omissæ prudenti lectore ex præmissis haud difficulter colliguntur: iterum obtestor; hæc omnia multoque plura quam scripsi, fideliter præparatam cauteque exhibitam medicinam præstare, imprimis si ardens ac Deum oratio accedat, quæ cum firma in Deum fiducia omni medicamento insignis robur addit, quod atheus nec credit nec audire gestit, sed cum damno olim dolebit.

Vale

Valet quidem medicina ægrum, Dei per-
 missu, vel absque oratione restituere, pa-
 nisque etiam absque gratiarum actione fa-
 mem sedare, ut in brutis videre licet, ve-
 rum hæc donorum DEI perceptio, bel-
 luina est, non humana. Christianorum est,
 in adversa valetudine DEI auxilium prius
 precibus sollicitare, quam ad medicinam
 transeas, & successus haud dubio erit opta-
 tissimus. Falleris, si promiscuè omnes
 etiam diuturnos ac radicales morbos, hoc
 medicamine curatum iri speres, nam de
 stis tantum morbis hîc agimus, quibus
 per naturalia remedia obviam iri potest,
 Deusque ut curentur, permittit. Interna
 quorundam hominum viscera sæpe nume-
 ro à crassis humoribus ita sunt obsessâ, &
 in tartarum mutata, ut impossibile sit vel
 optimis remediis ea primævæ sanitati red-
 dere: nonnunquam pulmo & hepar ferè
 tota computruere prius, quàm idoneo in lo-
 co auxiliū quærat, & quis tum alia nova
 reponet, cum primaria corporis viscera se-
 mel consumpta non, ut astacorum chelæ,
 ranearumque avulsi pedes recrescant?
 DEUS etiam haud raro homini immit-
 tit morbum, quem curari nolit: hi omnes
 C sunt

sunt homini curatu impossibiles, D E U
autem cui omnia sunt possibilia, solus de
speratis cum vult subvenire potens est: at
que hi tantum sunt mihi immedicabiles
non Quartana, Lepra, Podagra, Epilepsia
Hydropisis, quos vulgus incurabiles cla
mat, sed experientia refragante. Et quan
vis morbi, quotannis in pejus abeant, cum
peccatis incrementum facientes, clemens
tissimus tamen D E U s gnavis Scrutator
ribus indies efficaciora medicamenta in
spirat, quibus quod vulneravit curatur
cupit. Inutiles digladiationes vanasque
doctorum disputationes sublatas, earum
que loco veram D E I cognitionem intro
ductas esse optandum est, & mundum pla
ne novum habebimus: per veram enim
cognitionem D E I singularis homini lumen
illucescit, qua destituito cuncta obscur
sunt, spissa caligine tecta, & Naturæ my
steria in occulto latent. Præcipua homi
num cura, labos, studium impræsentiarii
est, proximum odisse, spernere, oppugna
re, imo maledicere dirisque devoverere
quod fieri non debebat; D E O, ut se invicem
condemnent nolente sibi quæ vindictam
etiam reservante. Ubicunque amor proximi

ni exulat, nulla salus est speranda, quanto-
 ere etiam propria opinio defendatur. Cui
 sui arbor absque fructu? multiloquio
 c subtili disceptatione D E U S non acqui-
 scit, cor humile obsequens, mundum
 nice quærit petitque, quod Spiritus san-
 tus inhabitet, in omnem nos ducturus ve-
 ritatem: ubi hoc non invenit, istuc mini-
 nè intrat, sed cor superbum rixosum, men-
 laciorum parenti & tenebrarum principi
 æreditario jure possidendum permittit:
 unde tot lites, turbæ, persecutiones inter
 erditissimi hujus mundi incolas nascun-
 ur, genuina vero cognitio D E I ac Natu-
 æ (cujus pauca tantum vestigia restant)
 erdita est, ut mûndus potius erroneis opi-
 nionibus quam solidâ scientiâ regatur, un-
 le sit, ut propter multas vanitates, (qui-
 bus eruditi cum maximo temporis dispen-
 sio tantum non obruuntur) Natura cum
 suis mysteriis magno hominum damno
 neglecta jaceat.

Hoc in istum tantum finem dictum cu-
 rio, quod nempe tantilla Naturæ cogni-
 tio inter seculi nostri eruditos reperiatur,
 quod malum D E U S aliquando in melius
 onvertat,

Post veræ medicinæ descriptionem
usumque, quâ sanitas hominis conservatur,
vel amissa restituitur, cunctis universi
mundi thesauris longe præferenda :

Sequuntur jam alia Secreta, honestum
homini victum hujus subjecti benefici
acquirentia. Et quemadmodum in præ
fatione innui, hoc subjectum omnibus in
universum hominibus Ordinibusque, Su
periori & Inferiori, Ecclesiastico & Polit
ico, nobili ac plebejo, opulento atque ego
no (aliquid boni vel commonefaciendi
vel suæ cujusque professioni conferendo
prodesse;

Ita nonnullos insignes ejus usus docere
incipiam, ut omnibus pateat hoc Subje
ctum merito universale esse, quod ego semper
per tale judicavi, quodque alii mecum talia
habebunt.

Principio, omnia Fossilia hoc Subjectum
mediate perfectissime examinantur, quia
nam metalla propriè contineant, quod
quantumque de singulis: fossoribus, fusori
busque, ne rem suam profundant, infal
libilis cynosura. Præcellens artificium
quo omnium mineralium valor citra mul
tum laborem & impensas deprehenditur
metal

metallurgis apprime necessarium, Germaniæ præsertim, diuturno bello penitus exhaustæ, ad congerendas brevi spacio gazas, necessitatis puncto contra patriæ hostes promendas: cujus beneficio iam etiam ditissimæ ☉ & ♀ fodinæ (alias in æternum neglectæ) dum celeritè & accuratissimè examinantur, sunt detectæ.

Pyritæ ☉ & ♀ (Gold vnd Silber / etc.) singulari, hætenus incognito compendio, hoc mediante fusi, longe plus metalli fundunt, quam modo vulgari.

Volatiles & immaturi pyrites ☉ & ♀ trium horarum spacio figuntur, ut duplum metalli reddant, quam absque fixatione potuissent.

Hæc tria, omni Magistratui, in sua ditione fodinas habenti, maximè necessaria & utilia sunt, quibus multæ opes comparantur.

Omne ☉ & ♀ ex suo pyrite non purè eliquatum, celeriter ab omni additamento purgatur, ♀ ab ☉ separatur, sola fusione, exiguo labore & sumtu, sed magno pondere.

A veteribus vasis stanneis suum ♀, ☉

& \mathcal{D} facile detrahitur, ipsum \mathcal{Z} , ponder paulo minori, melius quam antea erat redditum, iisdem usibus, quibus vulgo destinatur inservit.

Ex Bismutho multum \mathcal{D} sequestratur bismuto servato, conveniens locis hominibus minerali abundantibus secretum.

Ex veteri cupro multum \mathcal{D} secernitur cupro illaeso, quo artificio regiones huius metalli feraces sibi non parum profuerint.

Quodvis vulgare \mathcal{D} paucarum horarum spacio in \odot eam naturam exaltatur quod si 4. vel pluries fiat, quod brevioris temporis interstitio fit, tantum auri dat, ut impensis præponderans victum necessarium suppeditet.

Aurum ab omni additione \mathcal{Q} , \mathcal{Z} , \mathcal{S} , \mathcal{H} Orichalci, Antimonii, Arsenici similiumve, fusione separatur, & absque cupellis purificatur, singulis seorsim servatis, metallurgis similibusque utile, ex temporis brevitate, exiguis impensis ac labore multum lucri capturis.

Omne imperfectum met. absque aliorum metallorum consortio, solo hoc secreto igne horæ spacio maturatur, ut \odot

&

& D tum in examine, sed absque lucro reddat; indicio, quod sequiora in perfectorum naturam arte promoveantur, magno metallurgorum commodo.

Metalla quoque in eodem Subjecto in formam vegetabilium coram oculis crescunt, intervallo 2. triumve horarum digiti vel palmi altitudine in multos ramos & ramusculos panduntur, sine fructu quidem, sed demonstrationi, ipsa etiam metalla in eo instar vegetabilium germinare.

Alia vero est perfectorum ex imperfectis crescentia & augmentatio lucrosa, vegetabilium germinationi respondens, quod quemadmodum omne semen terræ mandatum in ea germinat in herbam arboremve exurgens, sui incrementum insita vi attractrice ex eadem petit, similiter hic agitur, nempe ☉ vel D in Saturno, Jove, Venere vel Marte tanquam nativo solo ac humore germinat, crescit, ritu herbarum alitur, & de die in diem augefcit. Ars Philosophis non spernenda.

Hoc mediante ex omnibus imperfectis met. & mineralibus, usitato cupellarum examine nil habentibus, sincerum ☉ & D

multiplici modo producitur : argumento quod imperfecta in recessu aliquid perfectum habeant reconditum , sese cum invertuntur conspiciendum præbens. Opus metallis operam dantibus non ingratum.

Hæc sunt præcipua, quæ hujus Subjecti adminiculo in metallicis fieri posse sunt expertus, plura haud dubie me latent latent buntque, alii post me, bonum ex meis scriptis initium facienti revelanda, quod ei ex animo voveo, ut abscondita naturalium DEI miraculorum mysteria in usum generis humani tandem aliquando in lucem proferantur.

Ex modo enumeratis arcanis, quantumvis lectori vilia forte visis, sunt nonnulla, ex quibus commodus victus haberi potest, ut alterius mancipium esse non sit opus, ni voluerit. O quanta res est libertas, quam nemo digne æstimet, qui nunquam ipse servus fuerit : buccæ panis cum quiete prudenti suavior est, quam cum cura, periculo & strepitu multæ sollicitudinis. Bene illi cui cum Paracelsō dicere licet, *Alterius non sit, qui suus esse potest.* Melius autem ei, qui concessa DEI dona bene collocat, proximi non oblitus,

ne temporaria libertas eum in æternæ servitutis barathrum præcipitet.

Postquam hoc Subjectum cunctis terræ civibus conducere ostendens solum ejus usum in metallicis descripsi, non omni homini indifferenter suscipiendis, sed illis tantum, quibus media ad colendas fodinas, metalla quoque liquanda & separanda suppetunt, sive nobiles illi sint, sive plebeji, eruditi (tam spirituales, quam Seculares, à publicis muniis immunes) & rudes, qui ex mercatura, censuque victitant, similesque, qui omnes ex his secretis fructum capere possunt, non autem opifices, pastinatores, ruricolæ. Sed ut & his aliquid utilitatis ex meis inventis proveniat, ordine ostendam.

Principes erunt ingeniosi artifices, Sculptores, pictores, statuarii, ii qui vitra vel etiam vestes, serico, auro argenteo ve pingunt, ceramque in imagines effingunt.

Qui æs incidunt bonam ex eo parabunt aquam corrosivam, qua cupreis laminis, prius idoneo tectorio incrustatis icones rerum, quas voluerint, stylo exarataæ facili negotio magnoque eorum com-

pendio eroduntur, alias longa temporis mora æri cœlo suo insculpendæ.

Pictores sibi inde pulcherrimos è longinquo, Italia puta, Hollandia, Gallia, magnis impensis alias petendos colores parabant, ultra marimum, cæruleum, Smaltam, puniceum, laccam, venetum, cerussam, aliosque suis usibus necessarios.

Sculptores ac Statuarii instrumenta sua condurabant, aciem si lapides cædend sint, diutissime retinentia.

Phrygiones serico quemvis permanentem colorem inducent.

Qui vitra depingunt, levi operâ quovis vitreos colores sive amausa inde parabant, ut eos Venetiis petere opus non sit.

Qui ceram effigiant, eandem impensis dealbabunt coloresque ejus beneficio inducent.

Typographi item Subjectum atramento suo addent, firmissime chartæ adhæsuro, typosque eo expurgabunt.

Horologiariis convenit, si ex eo aqua destilletur, ferrum chalybemve absque igne ferruminans, si ei guttula istius aquæ fortis instilletur, unde ferrum excalescen

ex

extemplo colliquescit, ac si beneficio cupri in igne solidatum fuisset.

Omnes fabri limas cæteraque instrumenta ferrea eo durabunt, ac si ex durissimo chalybe concinnata essent.

Stannarii stannum eleganti candore ac duritie donabant, ut clangorem argenti similem referat, nec facile sordescat, & ob duritiem vulgari ꝛ diutius perennet.

Scriniarii pyro, prano, cerafo, buxo, nuci, aliisque densioribus lignis summum nigrorem inducent, quibus loco Heberi Indici ad elegantia opera utantur.

Pelliones martinæ, vulpinæ, lupinæ, similesque pelles puniceo, coccino, aterrimoque colore inficient, ut nativos colores longe excedant.

Plumarum itidem tinctorum quemvis constantem colorem plumis celerrimè conciliabunt.

Sartores laneis, lineis, sericisque vestibus maculas eximent, suumque splendorem reddent.

Sutoribus si vetera ferramenta huic subiecto imponantur, corium summo nigrore decorabit.

Textores

Textores fila linea tenerrima reddent, ut sericum æmulentur.

Tinctores pannis immutabilem basin dabunt, ut superinducti colores à nullo vino, aceto, urina, muria, aëre vel sole corrumpantur.

Figuli inde vitreum colorem parabunt, Indico Porcellano non absimilem ex quo fictile fiet, aspectu aureum, argenteum vel cupreum, Magnatum mens singulare ornamentum, hætenus mundum incognitum.

Milites, mercatores, viatores, aurigæ, piscatores alique sub dio victum quærentes vernicem ex eo parabunt, cui lineos pannos mergent, nec aëri nec pluviae transitum permittentes, quos ocreis, vestibisque ut in pluviis siccum iter faciant subducent.

Qui tapetes conficiunt, oleum suum lentum reddent impositorum colorum tenacissimum.

In Oeconomia Smegma veneto longe præstantius matresfamilias ex eo parabunt.

Ancillæ vasa metallina summe nitentia reddent.

Fœminæ flavum, pallidum, fuscum facient.

ciei manuumque colorem in lævissimam albedinem mutabunt.

Vetulæ rugas faciei manuumque, clavos etiam pedum levi opera tollent, linumque ad tantam mollitiem excoquent, ut serico parum concedat.

Hortulani omnia insecta tollent, si hoc Subjectum aquæ mistum locis ubi pullulant, affundatur, omnia morientur, vel foras ad necem erumpent, quia istum ignem sustinere non valent. Fructus etiam maturat, si ineunte vere, parum hujus menstrui radicibus applicetur: & si pomorum copia obruuntur, permanens vinum, acetum, vinumque ardens ex iis parabunt.

Pistoribus fecis fermentique vices præstabit, si lupulum in eo solvant.

Cerevisiariis si lupulus eo sit extractus cerevisiam ferventem dabit.

Mulsariis acescentia mulsa, omnem etiam cerevisiam, vinumque Hispanicum acidum potabile reddet.

Pectinum, manubriorumque fabris cornua emolliet, ut eis quævis imagines imprimantur.

Poliones polita armamenta ejus inunctione à ferrugine tuebuntur.

Aucu-

Aucupes optimum eo mediante gluten parabunt, frigore æstuque incorruptibile.

Militum præfecti ad terrefaciendas mulierculas ex ☉ pulverem fulminantem parabunt, cujus quantitas instar pisi super lamina accensa vehementius fulminat quam dimidia vel integra pulveris pyrii libra. Potest idem etiam absque ☉ parari, solo additamento salis Tartari & Sulfuris; parte 2. furnorum descriptus.

Tormentorum præfecti, & qui pulvi tormentario, ignibusque operam dant, multa mirabilia ejus ope præstabunt.

Possent & multa nova opera fabrilia, textoriaque inde parata vicinis communicari, quorum loco pecunia in exhaustam bello patriam inferretur.

Si vinitores de hoc Subjecto pauculum vitium radicibus affundant, uvas præcoces habebunt, mustumque præmaturum caredivendent.

Potest tamen Mustum, vinumque etiam absque hac arte alio modo in dolio maturari, ut callentibus artem semper bona sint vina, licet alii habeant austera. Secretum frigidis climatibus austera vina fere semper proferentibus utilissimum.

Regionibus etiam vini feracibus convenit, si caloris solaris defectu vinum maneat crudum, quod hac arte juvatur, ut facilem emptorem inveniat.

Sed quia major hominum pars, & imprimis plebecula, res nunquam visas vel auditas persuaderi non potest, probe scio, si totam vini meliorandi rationem verbotenus describerem, quod mihi vix centesimus fidem sit habiturus, dicet potius, suos majores etiam prudentes fuisse homines, multasque opes ex vino collegisse absque hujus artis scientia, quam nec ipsi appetant: Si natura vinum non excoquat, sit austerum; aliquando tamen, si non à domino, certe à servo exhaurietur.

Hujusmodi homines incurabiles sunt, nec facile ut veteres canes domantur: junioribus vero curæ non est, quā prudenter rem suam administrent: hinc fit, ut omnia antiquum obtineant. Verum enimvero, ut Vinitor præsentem mundum priori peritiorum esse videat, unico exemplo ad oculum demonstrabo, quo quantum inter se discrepent, ipse perspiciat.

Majores nostri ex vini fecibus nil præter ardentem spiritum eliquare noverunt, quo

ex-

extracto reliquias abjecerunt , interdum pabulo pecudum miscuerunt , rarissime ac Solem arefactas in cineres clavellatos combusserunt.

Meo vero invento res eo rediit, ut longè major spiritus ardentis , mox etiam magna copia tartari , ac tum demum cineres isti inde sint extracti , lucro triplicato. Quod si rem cautius tractes , ex culeo fecum ac minimum 7. vel 8. urnas boni vini exprimes , ex residuo suum vinum ardens tartarumque , ad extremum cineres clavellatos habebis , lucro quater aucto , quæ res majoribus nostris plane incognita fuit. Quot mille centenarii tartari quotannis in Francia, Suevia, Alsatia, Palatinatu, ad Rhenum , Mosellum , Danubium abjiciuntur , patriæ utilissimi, si homines essent , qui artem tenerent. Sed quid attinet docere , si non sit qui discat audiatve: consultius enim est otium captare, quam aliis mutilam operam navare. Persuasus vero sum, post meam mortem nonnullos intellecturos , quam bene mundo voluerim , ex scriptis meis veritatem insigni suo commodo indagaturos esse : Omni rei sua est opportunitas , gemmæ in arboribus præcedunt ,

se-

sequitur flos, ultimus fructus est.

Aliud ruriculis valde quæstuosum. Ex pomis, pirisque expressum mustum hujus Subjecti ope ad effervescentiam promovetur, ut vina inde fiant nativis sapore, durabilitate, viribusque parum inferiora: vel, si contusionis pomorum tædet, bono compendio succus exurgetur in futurum vinum. Secretum regionibus ob frigoris dominium vina excoquere non valentibus, sed pomis ut plurimum abundantibus, necessarium, quo vini istic locorum aimis cari caritas commodissime pensatur.

Plures quidem artes vinarias habeo, sed aujus loci non sunt, qui tantum eas, quæ meo universali Menstruo administrantur, sic tractare decreverim, artes meo judicio nemini antehac notas, huc in medium productas, ut, quousque mundus in bonarum rerum cognitione profecerit, lectori patefiat: sive res credatur, sive non, mea nihil refert, ipse etiam dubitaturus, ni fuisset expertus: sed judicia non debent esse temeraria: sciendum est, **DEUM** mirabiliter dispensare sua bona iis, quos sibi servos ac instrumenta suorum in lucem proferen-

ferendorum miraculorum eligere desti-
navit.

Si agricolæ semen hoc menstruo hume-
ctatum in agrum spargunt, citius mature-
scit, granis pinguioribus: Si emtores de-
siderent, quo pacto magnum ex suo fru-
mento quæstum faciant ostendam. Inte-
gro, non commolito frumento calidam
hoc menstruo imprægnatum affundant, in
dolio bene clauso suum tempus ferveat
aqua omnes vires extrahet, relictis filiquis
in porcorum pabulum cessuris: si cur-
hoc extracto lupulus ferveat, bona erit co-
revisia; si hanc nolis, optimum Spiritum
inde elicies, residuum brevi acetum erit
& si callidus es, hoc vinum ardens, multi-
usibus applicatum plus lucri reddet, quam
si vendidisses. Secretum in frumenti vili-
tate non spernendum.

Adhuc unum habeo, de frumento, fru-
ticum arborumque fructibus addendum
præcipuum inter artes meas vinarias, a
humano genere tanquam insigne DE I do-
num, summa cum gratiarum actione ac-
ceptandum. Nempe, Industriâ, multipli-
cique experienciâ compertum est, quod e-
secali, tritico, avena, hordeo, oryza, ma-
lio

o: pomis item, piris, persicis, cerasis, runis, prunis sylvestribus, damascenis; ydoniis, ficubus: uvis etiam ursinis, cri-
 pis, moris rubi, rubique idæi, berberibus, acciniis, baccis sambucinis, similibusque erræ, fruticum, arborumque fructibus gra-
 us salubris ac permanens potus, cuius vi-
 o sapore, odore, viribusque simillimus, xiguo labore sumtuque præparari possit.
 ro qua largissima bonitate misericordi
 DEO à frigidorum climatum, uvas nun-
 uam videntium incolis dignæ gratiæ unquam agi possunt. Si vix centesimus
 heis dictis fidem adhibeat, hoc me male
 on habet, jam satis expertum petditorum
 mali mundi morum, procaciumque in-
 temperatas linguas susque deque haben-
 em: satis mihi est, scripsisse quod res est,
 neaque scripta necessitate urgente abunde
 emonstrare posse.

Objiciat non nemo, quomodo hoc erit
 possibile, cum mundus tot seculorum tra-
 u tot sagacissimos viros produxerit, quo-
 am nec unus de hujusmodi inauditis re-
 us scripserit; haud dubie mera erunt
 tantamfata. &c. Non sunt somnia, sed
 pius comprobata naturæ secreta. Quid

sibi talis objectator vult; qui ipse omnium rerum rudis omnes similiter idiotas esse sibi persuadet, qui florentis ætatis dies cantando, saltando, comessando, potando, scortando, omnique vanitate in gratia diaboli mundique transigens, in provectiore ætate nihil habet, quo ignominiam teneat, quam quod talia impossibilia esse garrat, qui nec vidit, nec unquam auribus percepit. O perversum & occæcaturum mundum! si tanto Zelo DEI Creatoris tui gloriæ proximique amoris litasses, quanto tuis mundanis cupiditatibus, avaritiæ, superbiæ, usuræ, invidiæ, gulæ, mendaciæ, haud dubie scintillula lucis DEI naturalis illuxisset tibi, nec omnino in mundana caligine, carnisque vanitatemersus perishes. Nihil tam magnum bonumque, vult tam exiguum ac vile est, quin idem an hoc etiam fuerit, licet nobis, quo tempore extiterit, incognitum: nec impræsentiarum quicquam est, quod non cum tempore peribit. Quod si hæc artes humano generi nunquam innotuerunt, quid nos scire refert, modo nobis istis frui, Deoque omnium boni largitori pro iis gratias agere concedatur. Cur non & nos jam scimus

quod

quod Adam, Noa, Abraham, Isaac, Jacob, Joseph, Moses, David, Salomon, Daniel, aliique naturæ luce illuminatissimi homines olim perspectissimum habuerunt? cuius scientiæ obscuræ tantum scintillæ nobis supersunt. Quis speculando assequetur, quod ante mundi finem est revelandum? DEUS antiquissimus œconomus cum suis Liberis famulatioque sapienter agit non cunctas gazas simul promit, nobis turpiter decoquendas, sed per partes, prout sibi honorificum & nobis proficuum fuerit. Fortassis alterum Noæ tempus prioribus est, quo arcam condi jubebat Dominus, ad præsevationem paucorum ipsius timentium. Quis scire potest, quæ post aliquot paucos annos mundi facies situtura? Bene ergo bonæ viduæ in Sarepta, si in tanta rerum angustia Elias vel alius quidam adveniens, cado lecythoque semper repleto ipsam sustentet. Cui rei parvulus bonorum grex in mundo similior est, quam spretæ, ab omnibus derelictæ, obiectæque viduæ? Num DEI potentiam credis imminutam, quo minus suos unum Lotho ex Sodomis educere ac trans montem in oppidum, ubi ab igne & cala-

mitate sint immunes, deducere valeat? S
 quem **D E U S** in summis angustiis serva
 tum cupit, media quibus id fiat, ipse præ
 bet, nec opus est, ut ipsi Angeli eum cum
 Lotho eripiant. Superbus vero mundu
 tam securus est apud sese, ut nullis medi
 sibi opus esse arbitretur, sed **D E U M** per
 petuo dormiturum; nec unquam evigila
 turum stulte credat, ad puniendum malum
 Qui rustico paulo major est, dedecori sibi
 habet, si liberi sui artes doceantur, sa
 opum se ipsis relinquere putans, unde ho
 neste victitent, tempore vero, quo (quod
D E U S clementer avertat) magnis æqu
 ac parvis fugiendum, omniaque sua sunt
 relinquenda, tunc demum, quas quisqu
 opes possideat, apparet, & quam inop
 temporis momento fieri possit: tunc si
 multi pauperum loco esse cupiunt: se
 sapientia (piscatore icto) sera, stultitia est
 unicus ducatus, quem tibi nemo extor
 quere valeat, melior est mille aureis ve
 argenteis. In proximi gratiam nonnulla se
 creta protuli, *bonum vade mecum*, sive
omni-habile multis futura, quod vero sin
 gulis hederas non appenderim, ratione nor
 caret, nec opus est plura de eis deblaterare

Cu

Cui Epistolæ atque Euangelia non arri-
lent, nec eorundem Expositiones curabit.
Si tumore inflatus magnam tempestatem
congruere videt, nec sibi de refugio prospi-
cit, ei si pereat, condolendum non est.

Supereſt multiplex huius ſubjecti uſus
in Medicina, qui ſi rite deſcribendus eſſet,
ingens volumen conficeret, huc non per-
tinet, alibi peculiari tractatu commodius
trahetur. Conſultum foret hoc Subjectum in-
geniſ chymicis ac pharmacopæis notius
& uſitatus eſſe, & tot emortuas herbas,
quasque venales habere non operteret.
Quid quæſo proderit, ſi toto ſanguine ac
corpore intolerabili æſtu inflammato, (ut
in peſte aliisque contagioſis febribus ac-
cidit,) caput humectato orbe roſaceo con-
tegas, tempora pulſusque manuum & pe-
dum aqua confortante, morbi pellendi
gratia obliges? nil omnino: quin potius
malum, experienciâ teſte, ſæpe fit deterius.
Mihi perinde videtur, ac ſi vaporario ni-
mium calente, ancilla linteum frigida tin-
ctum fornaci obduceret, calorem tempe-
ratura, merito rideretur, quin potius, li-
gnis incendio ſubtractis fornax ſponte fri-
geſcet. Simili ratione malignus calidorum

morborum ignis 4. ad summum grani bonæ medicinæ ex intimis cordis penetralibus paucarum horarum intervallo extrahitur, ubi externis refrigerantum vel roburantium epithematis nullus locus relinquitur: quod non uno, sed multis experimentis observavi, veneno ex corde excluso corpori suum temperamentum, viresque cum sanitate sensim rediisse.

Cui usui tot unguenta, olea, emplastra cum parvâ bonæ medicinæ quantitate pluri efficiatur? Integer annus sæpe exiguo ulcere vel vulnere indies in pejus ruenti, impenditur, quia equi posterioribus, ut vulgè ajunt, frenum applicatur, morbi que origini non rite occurritur.

Externorum ulcerum fontes intus sunt siccandi, non foris emplastris imprudenter obstruendi, quæ aliàs absque omni externo remedio parvo medicinæ pondere, paucarum hebdomadam interstitio radicitus curantur.

Talis enim Medicina quærenda, ac reliquæ, apinæ removendæ erant: sed quid agas, cum mundus velit decipi, nec aliud cupiat? Si cui enim medico sit bonum medicamentum, quod ægro ingratorum

cya-

cyathorum loco propinare malit, hoc nec æstimatur nec remuneratur, nam si foftrum postulet, respondebitur, eum vix bis terve aliquot grana pulveris exhibuisse, qui tam carus esse non possit: hinc iste certum pro incerto eligens, juxta visitationum numerum præmium postulat, plenos cantharos præscribit, ut longior sit bibendi mora, ipsoque ægrum frequentius inspiciente, accessuum numerus augefcatur.

Idem in Chyrurgia obtinet, si probus Chyrurgus malum externum bonæ medicinæ adminiculo celeriter curat, debitam mercedem non auferret, sed audiet, tantum pro 2. 3. ve emplastris non petendum esse. Pro acceleratæ ergo curæ mercede ingratitudinem metit, ut multo melius edoctum, aliis similem esse oporteat, malum quod triduo potuiffet absolvere, mensem & diutius fovendo.

Hanc similesque ob causas, vix pauci bonis medicamentis incumbunt, sed veteri more moræ student, si non ægri, ad minimum suo commodo: quod si æger promptus sit ad persolvendum foftrum, ille autem vel ignorantia, vel spontanea incuria rem negliget, gravem ra-

tionem suo tempore est redditurus.

De hisce inveteratis, veram medicinam fugantibus malis multa dicenda essent, quibus si bona medicamina substituerentur, decumbentium tanta turba non daretur. Bonus Medicus, qui secundum conscientiam agit, omni laude dignissimus est, si medicinam ad DEI laudem, proximique commodum facit, dignamque cum Samaritano mercedem à cœlesti medico olim accipiet; sed si seipsum tantum quærit, viderit, quid tunc sit dicturus. Sanguinem innocui effundere, Scripturæ testimonio, abominatio est apud DEUM; si vero medicus vitam suæ vitæ concreditam negligat, utra abominatio erit major? Quam rationem avarus dabit, qui inopem suis bonis in hoc ipsum divinitus concessis cibando ac vestiendo non juvat, eandem reddet negligens medicus, si membrum Christi perire sinit quod servare potuerat.

Si virgo hunc tantum in finem viro nubat, ut fastui luxuique studens vitam cum certa mariti morte in otio transigat, quæ tamen ei auxilio data est, ut eum colat, curetque, in omnibus fidem servans, munda-

dum sobole augeat, nonne talis coram Deo ac hominibus enormiter peccat? Idem medicus facit, si medicinæ det operam, ut cuticulam bene curet, non ut proximo misericordiæ opera præstet. Hoc tamen addendum, quod medicus interdum partibus studere cogatur, divitibus diligentius assidens quam pauperibus, quia vel nullum vel perexiguum à Magistratu stipendium percipit, honesto victui necessarium. Si & suos carere non vult, opulentum à quo præmium exspectat præfert, paupere relicto: cui malo promptum erit remedium, si medico sufficiens victus suppeditetur.

Præsens mundus, hoc tantum agit, qui stat, stet, qui jacet, jaceat, nulli aliud cordi est; suarum quisque rerum satagit, nec incendium ipsum non tangens, extinguere curat. Celeberrimus artium patronus Alexander M. qui perscrutandis Vegetab. Animal. & Mineralibus Philosopho suo Aristoteli annuatim plus centies mille coronatos est largitus, vivere desiit. Sapientissimus Ernestus Dux Baviaræ, Elector Colonienfis quid non in colligenda incomparabilis Germanorum Medici ac Philosophi Paracelsi scripta erogavit? Plures

res huiusmodi Mecænates Germania nostra nuper tulit, Marte vero sibi imperium afferente, Jovi cum Mercurio exulandum fuit, atque etiamnum latitandum, certumque est, si non cito extollantur, suæ dignitati restituti, id maximo patriæ detrimento, summoque exterorum commodo, (quod Deus benigne prohibeat) futurum esse.

Hanc admonitionem feci, ut omnes viderent, quam in corrupto seculo vivamus, quamque vili habeantur pretio viri cordati, quod tamen malum non diu duraturum confido : sed vereor cum pastores in utramvis aurem secure dormient, quod multæ rapaces feræ ex asperimis prodituræ montibus oves sint dispersuræ, caseum cum butyro depasturæ, collectosque greges secum prædam abducturæ.

Vidit itaque benevolus lector, quam mirabilia & incredibilia huius subjecti beneficio præstentur, nec inficias ibo, quin pluribus mihi ignotis rebus inserviet, omni hominum ordini, superiori, inferiori, literatis, literarum expertibus, maioribus, minoribusque ad suam vocationem utilissimum. Dicat quis. Credo equidem, multa insignia ejus interventu patrari, sed quia
non

non simul indicas, universalem Medicinam sive Tincturam ejus adminiculo parari, non abs re fuerit dubitare, num sit sectetum priscorum Philosophorum Menstruum universale, scilicet Mercurius Hermaphroditus, tantopere ab ipsis deprædicatus, ubique reperibilis, ut res odiosa ac vilis in omni sterquilinio invenienda, naturâ frigidus ac calidus, summum venenum, cito occidens, cito sanans, apud omnes reperibilis, quem dives & pauper ex æquo possideant; quem Adam secum ex paradiso attulerit, hujusque commatis plura antiquorū epitheta in ipsum quadrent. Huic ego responsum velim: Veteres meo Judicio alium Mercurium universalem haudquaquam habuisse, cui omnia eorum criteria perfecte conveniant & applicentur. Nonne omnes homines norunt ipsum, suam urinam, ex qua generatur intuentes? nonne est res vilissima quam domi non ferimus, sed foras mittimus, juxta Philosophorum præceptum in fimo quærendam? nonne summum est venenum, si pulvis tormentarius, (vel aqua corrosiva) ex eo paretur? nonne universalem Medicinam ex eo præparare docui? nonne merus ignis,

ignis, purum putum etiam frigus ac glacies est? & si velis, nonne virilia ac muliebria munera æqualiter obit? imperfecta corpora quadrantis horæ spacio imprægnat, ut ☉ generent? ipsum ignis calore imprægnatur, ut hos fructus proferat? an non est summe volatile ac mox fixissimum? Aqua simul humida & sicca est? summe corrosivum, corrosivorumque hostis, rite præparatum? nonne est gravissimum ac levissimum? Cui rei, excepto Nitro, hoc Philosophorum ænigma congruit? Quod enim nigrius corvo, candidius cygno, nocentius serpente, multos discrucians, levius vento, gravius auro, illud tu ames. nonne verus est liberorum suorum (Metallorum) helluo? Philosophorum Azoth, Sapo sapientum, urina puerorum, Sulfur vivum, Sal peregrinorum, Ignis secretus Philosophorum.

Nonne hæc omnia vere insunt Nitro? quâ vero methodo inibi deprehendantur, meum non est hic ostendere, satis sit indicasse in quo subjecto sint quærenda & invenienda quod ante me nemo amore tactus, præstitit. Ulteriori enim demonstratione, quod scilicet ex Nitro verum Solvens

vens Universale (noli tibi Aquam Fortem imaginari) paretur, non opus est. Tunc potes contradicere, aliudve Subjectum, cui ista omnia insint, denominare? Scio, te non posse, si vel totum orbem perlustraveris. Quod non scripserim, Tincturam super imperfecta metalla cum eo parari posse, (quod ipsi veteres philosophi tribuerunt) cogites, me eo usque non profecisse, ulteriusque progrediendi tempore & occasione caruisse, neque unquam ad tam ardua aspirare decrevisse, sed vilioribus contentum esse censuevisse. Quousque vero in Nitro perscrutando penetraverim, ex 2. furn. parte videre licet, ubi aliquot notabiles processus ex grosso subjecto præscripsi, quorum haud ultimus est ille, ubi recenseo me ante aliquot annos calcem Solis in crucibulo voluisse fundere, & quia liquari recusabat, per intervalla fluorem ex salibus paratum addidisse, donec omnia bene fluebant, crucibulo è flammis exempto & effuso, cum ☉ exspectabam, ejus loco plumbum invenisse, fluorem vero rubicundissimum, (licet ex candidissimis salibus confectum) & animâ auri tinctum, auro omni dignitate exuto: quod cum anim-

animadverterem, ibi secretum latere credens, laborem aliquoties iteraverim, sed irritò semper conatu: cujus erroris causa non Subjectum fuerit, sed ego, qui pondera, ignisque, gradum non observaverim, vel ipse Deus noluerit ut plura indagarem. Profecto si iste labor successisset repetitus jam dudum Lapid. Philos. possiderem, quàm nunc vilioribus rebus, detentus familiam cum labore ac particulatim sustentare cogor. Sed posthabito hoc labore, vide scordes, quid exercitatissimus Phil. Paracelsus rudi nitro adscribat, cum dicit: Chymia deprehendit rem in Nitro latere. Inspiciantur Basilii Valentinus, Sendivogius, prisci que Philos. quorum omnia dicta ad hujus Subjecti operationem accommodata videbis, meque ei non nimium, sed minus æquo, (quem complura fugiunt) attribuisse. Possem sanè, si animus esset, omnes Philosophorum terminos cum hoc Subjecto componere, sed cui bono ista prolixitas? qui semel eo pervenerit, quod ego, ei Philosophorum arcana satis erunt manifesta, lubenter fassuro, hoc unicum esse verum Solvens universale, nullumquæ præter hoc. Multi semper rem ex nitro per-

randan

randam esse crediderunt, sed quia hæsitantes nihil cum eo tentarunt, nihil invenerunt. Multi meo tempore Nitrum in Tincturam figere sunt conati, verum quia illud rude, absque debita præparatione & socio suo receperunt, quale igni mandarunt, tale mansit, fortassis utilius, si ei amicabile subjectum jungere novissent. Basilii jubet ei hilarem sociare foeminam, ex quorum amplexu regia soboles prognetur: omnes Philosophi ajunt, Mercurium pondus (sed non vulgaris) Solis ac Lunæ addendum esse, & ex ambobus fieri rem indissolubilem, dum ☉ à Mercurio solvitur, eodem momento Mercurium à Sole coagulari; eadem operâ, corporis solutionem & Mercurii coagulationem fieri. Certum est, unum esse ex Mineralibus, quod cum Nitro nostro conjungitur & figitur, duranteque fixatione omnes colores transit; sed finem rei ignoro, qui istum laborem nunquam absolverim, nec ob ingravescentem ætatem repetere cogitẽ, neq; cuiquam ut incertum laborem cum certo damno experiatur, autor esse velim: qui vero hoc faciens spe sua frustrabitur non mihi culpā imputet, quod ipsi hoc scripto

ansam præbuerim, qui hoc eo tantum finis-
scripsi, ut manifestum facerem, nomen
Universalis non immerito ei assignatum
esse: neque etiam opus est, ut res tanti mo-
menti ingrato mundo innotescat: quid vi-
homini sufficit unde valetudinem fami-
liamque sustentet: affluentia rerum ani-
mum elatum in peccata dat præcipitem.
Sed quia Deus tantum arcanum non fru-
stra in Naturæ gremio occultavit, non æ-
gre ferendum, si quis lumen ad istud quæ-
rendum superne accipiat; nec male inter-
pretandum, si quis bono titulo ad bonum
adspiret, cum ei qui gemmam in via inven-
tam non tollit, tantum criminis impute-
tur, atque illi qui ex hæreditate acceptam
male decoquit & abligurit. Omnes Philo-
sophi uno ore clamant, suum Mercur. ob-
vilem ortum à sciolis sperni, nec pro Men-
struo Univerf. acceptari (monentes ne eju-
vilitate offendamur) quia multi incassum
cum eo operantur, altum sapientes, illud
pedibus conculcent, quod ipsis utile fo-
ret, quærentes quod nusquam invenire li-
cet, vero Subjecto semper oculis prostan-
te. Quantum cæcus pulcherrimis colori-
bus juvatur, surdusque testudinis sono, tan-
tum

am stultus, si ei Naturæ secreta exponan-
ur, ad quæ nec aptus natus est, nec erit.
Neque velle, neque cuiusquam currere ali-
quid prodest, sed sola Dei misericordia, di-
cente Paulo, cui suffragatur Psalteres cum
it Psal. 127. Frustra surgitis mane, cubi-
um itis sero, panem curarum edentes,
quem Deus amicis in somno dat. Unde
ullius industriam curamve huiusmodi ci-
nelium acquirere posse patet, Dei donum
esse, & mansurum, unanimi Philosopho-
rum consensu, cum quibus & nos facimus.
excipiat aliquis, Sed quis tibi hunc Phi-
losophorum esse Mercurium revelavit?
2. Ex proprietatibus, forma ac natura, ei
Philosophis assignatis, eundem agnovi,
quem tu quoque si Philosophicis oculis
itaris, talem agnosces, qui se à superbis
occulere suevit, & revelare cui Deus vult.
si peritus hortulanus Germanus casu in
orto, mirabile illud vegetabile *Noli me
angere*, (quod primitus ex Orientali India
allatum, magna cura in multorum Magna-
um paradisis admirationis ergo colitur)
conspiciat, de quo tam portentosa legisset,
quod sc. in terram decideret, contactum
omnem respuens, licet illam herbam nun-

quam oculis spectasset, an non certo deprehendat, eam ipsam esse herbam? Non potest se aliam esse vires ei tributæ luculenter arguent. Sic cui Deus oculos aperuit, ut in Subjecto omnes proprietates deprehendat, quas Philosophi suo Mercurio universales inesse affirmant, nonne eo acquiescens alius investigare desinet?

Postremo, Sal Nitrum unica est vegetatio, generatio & augmentatio omnium Vegetabilium, Animalium & Mineralium, eorundemque destructio & reformatio, generatio, perpetuâ Elementorum Circulatione, ut res ex quo orta in idem dissoluta redeat. Vegetabilium enim Nitrum in corporibus Animalium, intercedente digestionem ac Separatione, in Sale Minerale generari nemo diffitebitur: esse quoque Nitrum seu Sal terræ Vegetabile, Animaliale & Minerale, quod de nullo alio Subjecto quam Materia universali dici potest. Et quemadmodum optimus Vegetabilium, Animalium ac Mineralium conservator est, ita eorundem est Mors & Destructor, eoque ab iisdem & amatur & odio habetur. Vegetabilia illud amant cur in terra crescentia inde nutrimentum petunt

unt, cum terra mortua, sive, salis ex-
pers semini nec nutrimentum nec incre-
mentum præstet, attestante Christo, cum
dicit: Vos estis Sal terræ: si autem terra
sine salis sit destituta (vel sal sua falsedine va-
uum) insulsa mortua est, nullosque fru-
tus proferre potest. Ignarus fimum ter-
ram feracem reddere ait, sed immerito, non
enim fimum sed sal in fimo latens illud fa-
cit, ex vegetabilibus post putrefactionem
eorum generatus, rursus in eadem trans-
mutatur, eorum seminibus radicibusve in
terra adhibitus: idem animalia in cibis ap-
petunt, quo corpora à putredine conserva-
ta roborantur.

Nemo enim tam rudis est, qui non ex-
perientiâ didicerit Sal viventium ac mor-
tuum præservatorem esse. Objiciat igna-
rus, quod etiam alia Subjecta præservandi
i polleant, Myrrha puta, Aloë, aliique bal-
amei liquores, qui carnes, piscesque à pu-
tredine custodiunt. Huic respondeo, Non
Aloë, Myrrhamve, sed earum sal istud ef-
ficere. Mel quoque & Saccarum præser-
vare, instet, quæ tamen salia non sint.
Talem non intelligere naturam salium:
ita dulcia, illa amara sunt salia, quæ per

putrefactionem conversa in acerba vel acida mutantur: omnis etiam ex vino, aliisque Vegetabilibus, Spiritus ardens, alia corpora præservat, ille tamen, licet salis formam præ se non ferat, nihil est aliud quam purissimum Sal vini volatile cum Sulfure fumi-
mistum: nullum enim Principiorum sincerum est, ab admistione cæterorum in totum liberum. Idem facit acetum, quod merum esse Sal, uberrime possem, si tempus ferret demonstrare. Cui sensus tantum sunt obtusi, ut unam rem mediante putrefactione in aliam abire non intelligat, et nec maxima volumina profuerint. Ex dulcissimo musto, saccaro, melle solius putrefactionis & fermentationis interventu acidus Tartarus, forte acetum & spiritus ardens volatilis fit: mox Tartarum, acetum, Spiritus ardens in Sal nitrosum redi-
bit; quod pauci intelligunt, ii præcipue qui nihil nescire vulgo creduntur. Non solus homo delectatur Sale absque quo sanus esse nequit, sed & omnia animalia. Mures præ omnibus Sali inhiant, quo non invento, parietes Sale efflorescentes lambunt, & urinam reddunt summe nitrosam. Columbæ vetustate corruptos salisque præ-

prægnantes muros frequentant. Gallinæ
avenacea nuper ab equis comesta, & sale
gravida grana ex fimo colligunt, ea recenti
avenæ præferentes, unde fœcundiores eva-
dunt, Sale deglutitos lapillos in ventricu-
lo concoquente, primam testarum mate-
riam; sed si in corte conclusæ falsa terra
non potiuntur, debilis ventriculus arenu-
las vel silices futura ovorum putamina non
digerit, ideo ventosa pariunt ova, vel alie-
nos cortices, si dentur, devorant, ut suis
partibus suos conficiant. Mineralia in ter-
ræ visceribus crescentia, (experientiâ te-
ste) gaudent sale, ex quo sibi corpora ad-
sciscunt & incrementa faciunt : similiter
extra terram eodem matura ac meliora fieri
amant; inter quæ Nitrum, ut dictum, sin-
gulari erga metalla sympathia est prædi-
tum. E contra, tam Miner. quam Anim. ac
Vegetabilia falsa horrent, si illegitime con-
grediantur, vel per illud corrupta destruan-
tur. Sal enim debito more adhibitum uni-
cum esse Vegetab. Anim. ac Mineralium
conservatorem, auctorem & perfectorem,
salis liquet, quod omnes Philosophi con-
fessi sunt : quos inter Plato salis aliquid di-
vini adscripsit, cui posteri sunt adstipulati,

multa in sale, etiam ipsum Lapid. Philosophorum quærentes; sed nescii quodnam esset verum Sal, & quis applicandi præparandique modus, ulterius progredi non potuerunt. Hinc quivis facile videt, cur veteribus secreta ista ars Alchymia sit dicta, nempe, quasi tractatio & fusio quædam Salis; quam item ob causam istis verbis familiariter utuntur, *In Igne & Sale Magisterium consistit*. Innuentes, beneficio salis & ignis veram, tam ad hominum sanitatem quam metallorum perfectionem medicinam comparandam esse.

Si Deus vitam prorogans, obstacula non objiciet generis humani bono *quid Sal & Ignis sint*, olim propalabo, ut incredibiles mundo adhuc incognitæ horum 2. corporum vires omnibus patefiant.

Unum addam. Philosophi materiam universalem obscure indiguitantes dicere, eam ubique reperiri, quam pauper æque ac dives habeat, nec quisquam absque ea vivere possit, unde vulgus Aërem, pluviam, nivem Martialem, rorem Majalem somniantes, in iis materiam universalem quæsivere: & cum labor felicissime cessit, aliquid Salis nitrosi sunt adepti. Certum est,

Astra

Astra semine suo catholico gravidare Aërem nubesque, mox forma pluviæ, nivis, rorisve decedentes, terram fœcundatam germinationi aptam reddere, rursusque à calido aëre sursum latas nitrum suum terræ relinquere, denuo ab astris imprægnari, delabi, terræ fertilitatem conciliare, ne terra unquam hujus universalis seminis inopia laboret, sed jugiter rerum vegetationi incumbat, perpetuaque Elementorum circulatio conservetur. Hinc Hermes scripsit *Idem esse Superius, quod est Inferius*, nec tamen ab Astris petendum, cum majori compendio in propinquo & ante pedes sufficienter habeatur. Verba sic sonant.

VERBA SECRETORUM
HERMETIS.

“**V**erum est, & ab omni mendaciorum
“involucro remotum, quodcunque
“Inferius est, simile est ejus quod est Supe-
“rius, per hoc acquiruntur & perficiuntur
“mirabilia Operis, unius rei. Quemadmo-
“dum etiam omnia ex uno fiunt per confi-
“derationem unius: ita omnia ex uno hoc
“facta sunt per conjunctionem. Pater
“ejus Sol est, Mater Luna, Ventus in ute-
“ro gestavit, nutrix ejus est terra, mater
“omnis perfectionis. Potentia ejus per-
“fecta est, si mutetur in terram. Terram
“ab igne separato, subtile & tenue: à gros-
“so & crasso, & quidem prudenter cum
“modestia & sapientia. In cœlum hoc à
“terra ascendit, & à cœlo rursus in terram
“descendit, & potentiam ac efficaciam su-
“periorum & inferiorum recipit. Hoc
“modo acquies gloriam totius mundi.
“Propulsabis quasi tenebras omnes & cæ-
“citatem, hæc enim fortitudo est, omni alii
“fortitudini & potentie palmam præri-
“piens: omnia namque subtilia & crassa
“du-

"duraque penetrare ac subigere potest.
 "Hoc modo mundus conditus est, & hinc
 "conjunctioes ejus mirabiles, & effectus
 "mirandi, cum hæc via sit, per quam hæc
 "mira efficiantur, & propter hæc Hermen-
 "tis trismegisti nomine me appellarunt,
 "cum habeam tres partes Sapientiæ &
 "Philosophiæ universi mundi. Consum-
 "matum est verbum meum quod dixi de
 "Opere Solari.

Hæc sunt verba antiquissimi Philosophi
 Hermetis, ob perfectam Naturæ cogni-
 tionem merito Philosophorum Parentis,
 quibus satis innuit suam Aviculam sine
 alis (quæ dies noctesque volans non defe-
 tiscitur) Superiorum & Inferiorum Ele-
 mentorum, Superioris itidem & majoris,
 nec non Inferioris & minoris mundi con-
 servatricem spiritum & vitam in Nitro de-
 litescere. Quod ut rudis plenius intelli-
 gat, perpendat modo Aërem, in quo Spi-
 ritus universalis, primum omnium rerum
 Ens, habitat, sine quo nullum animal vel
 horæ quadrantem vivit, nec ullum Veget.
 ac Minerale producitur, nec ipse etiam Sol
 lucet, nec ignis ardet: quemadmodum
 excrementa Veget. Animal. & Mineralium
 perenni

perenni circulatione in alimenta transmutantur: elementa in excrementa, & hæc in alimenta redeunt, indefinenter renovatione ac transmutatione, quam solus homo non assequitur. Novit agricola, delapsa quotannis folia arboribus novum vigorem & nutrimentum dare, pecoris excrementa lætissimum gramen producere, Mineraliumque feces vel recrementa, à quibus Metallum semel est separatum, brevi ab Astris imprægnari, ut liquata idem metallum reddant, quo paulo ante fuerant exuta: & metallorum scorix passim suis fodinis redduntur, ubi spacio annuo vi attractrice à Spiritu universali resectæ imprægnantur, ut metallum altera vice fundant. Annon terra, ex qua Sal petræ est extractum, aëri exposita, aliud Sal petræ aliquot mensium intervallo reddit, quoties velis, ac si ei nihil fuisset detractum. Annon omnia calcinata, videlicet Calx viva, ex lapidibus, conchis, lignis, herbis parata, ex quibus ignis Spiritum universalem egit, ingenti appetitu novum Spiritum universalem attractum in corporeum Nitrum redigunt? Nonne calor, virtusque Solis est Solis Excrementum sive superfluum, quibus

quibus nutritur ac sustentatur? Si calor Soli nullus esset, Aër nitrosâ essentiâ nunquam redderetur gravidus, nec foecunda pluvia destillaret, nec terra fructus ferret, Solique recens nutrimentum cibumque ipsius conservatorium præberet: unde consequitur, Excretum excernentis conservationem & alimentum semper esse. Sed hic jubet Plato quiescere: alibi plura, DEO volente, dicentur.

Audivimus, in Sale, & speciatim in Nitro, licet ab imperitis spreto, tam ad veram medicinam quam ad Alchymiam utiliss. ac potentissimas vires inveniri, neque operæ pretium esse, ut quis vilitate ejus offendatur; cogitandum potius, quod coram mundo ac imaginariis Philosophis despicabile est, idem apud Deum verosque Naturæ Mystas pretiosissimum esse.

Manet ergo quod in rerum natura melius Subjectum, quo plura ac majora miracula patrentur, non dari quam Sal Nitrum: unde & ego verum Mercurium Philosophorum ex eodem parari posse constanter affirmo: me vero Lapidis Philosophorum ex eo præparationem nosse, non dixero, quod nec unquam sum aggressus: Sed
quæ

quæ in metallorum correctione, aliisque bonis artibus de eo tradidi, sola me docuit experientia, cui acquiesco, istaque omnia si res postularet rei que familiari conduceret, per partes singulatim demonstrare non erubesco, ut omnibus palam fiat, ea omnia præstari posse, sed non à quovis; cum nec hoc sine scripserim, ut omnibus prostant, alias plenius Scripturus, sed ut penes amicos hæc manerent. Vix credi potest, quantas mihi scripta mea molestias crearint, dum alter hinc prolixis literis me obruit, modo hoc modo illud enucleatum volens: nonnulli magno quæstionum catalogo me adoriuntur: si decimo cuique respondere voluissem, vix panem edere licuisset. Si quis cogitaret, mihi alia agenda esse, non tam impudenter flagitaret: unicuique proclive est judicare dum uni atque alteri vaco, alia familiæ meæ utiliora præstari potuisse; pretiosius est tempus, quam ut inutiliter in aliorum gratiam teratur. Sunt qui objectant: Quid tibi decedit, si ego fiam conscius; ars penes te remanet, putantes alios debere offam præmansam, absque labore & sumtibus ipsorum ori ingerere. Idem mihi quoque arrisisset, si alii
me

me suarum rerum fecissent participem, in
suavi otio victitaturum, sed nullus fuit qui
fecit. Maluisssem sæpe in amænis pratis,
aliorum more, me avium cantu recreare,
quam in summo æstu & fatore furno invi-
gilare: verum, quia alia discendi via non
est, laborum me jam non poenitet, qui
DEI ope fultus, eradicatis spinis agrum
conseverim, fructus suo tempore exspe-
ctans, quod cum bono Deo præstolabor,
proximo, si modeste petierit, opellam
meam non negaturus.

Coronidis ergo Subjungam, Si quis for-
te cogitet dicatve, quid me ut hæc ab om-
nibus Philosophis summâ curâ absconsa
Mercurii universalis signa ac criteria in
lucem produxerim, impulerit, cum ingra-
tus mundus hoc beneficio indignus sit,
nec hoc unquam de meis demerebitur, sed
margaritas porcorum ritu conculcaturus
sit? illi responsum reddo; Me quidem hoc
jam pridem damno meo didicisse, quod qui
malo mundo gratificatur, suam mercedem
jam acceperit, nec quid amplius exspectan-
dum habeat. Sed ideo non jubemur bo-
num intermittere, bonisque propter malos
illud celare: DEUS plus timendus quam
ho-

homines, ut creditum talentum in proximo emolumentum fenori demus, expressis verbis præcipiens.

Si omnis homo suum talentum supprimet, simul & Deus ipse & magnalia ejus oblivione sepelientur, quod fieri non debet. Tum & magna est invidorum caterva sibi ipsis nil boni voventium, nedum ut proximo consulere velint. Nihil in mundum inferentes, nihil ex mundo efferemus præter bonam conscientiam. Quicquid enim possidemus, non nostrum est, sed à Deo in id accommodatum, ut in bonos usus collocemus, bonam olim rationem reddituri. Quemadmodum turpe est, si pauper sit superbus, sic longe turpius, si dives sit avarus. Cum me ergo D E U S liberalis bonorum dator, præ multis aliis, bonis artibus donarit, non in cum credo finem, ut hoc talentum defoderem, sed in proximi commodum conferrem; rationem olim non sim redditurus, si tale instrumentum esse detrectem, quale ipse me fecerit? Varie sua dona D E U S dispescit, huic magnam largitur auctoritatem, & potestatem, isti vires, illi opes, alii sapientiam, alii artes & sagacitatem, alium curis ac laboribus

poribus mergit, prout cuique salutem esse
movit, singulis pro donorum multitudine
multam rationem reddituris. Et quia ne-
mini constat, quando Dominus admini-
strationis nostræ rationem sit exacturus,
semper caveamus, ne ob male locata dona
malam rationem reddamus. Hanc ob cau-
sam, meo talento aliud lucrifacere con-
tendo, & à prædicto metu me liberare, re-
liquos vitæ dies, si Deo videbitur, absque
grandi labore, cura ac turba, quibus ha-
tenus sudavi, ad Dei gloriam, proximique
commodum tranquille transacturus. Si
Dominus voluerit, tempus & occasionem
præbebit meliora edendi, sin minus Velle
pro Fecisse lector accipiet: sunt sane plu-
res magni momenti Scientiæ penes me,
quibus posteris ad altiora secreta tutissi-
mam semitam sternere possem, verum quia
meam familiam citra proximi detrimen-
tum meo sudore honeste sustentare semper
tutius, contra genium meum, antiquis la-
poribus manus applicare coactus plura
edere prohibeor. Inerat quis: Si plura
comperta habes, per alios istud agito, ma-
nibus ab opere suspensis, labores disposuif-
e tibi sufficiat.

Qui hæc dicit, perfidum mundum sibi nondum notum esse fatetur: si fidelium operarum compos fieri potuissem, mei jam pridem liberaliter prospectum esset. Hodie non ita comparatum est, ut multi credunt, homines jam sunt perfidissimi nullius promissi observantes, suum quisque per fas vel per nefas quærit: beneficia malo pensantur, quod mihi non semel accidit: Si quem adoptavi, fidum collaboratorem futurum, contrarium evenit: quam primum aliquod secretum didicit, me ipse se doctiorem credens varias discedendæ causas finxit, si palam & cum bona venia fieri non potuit, illud clam tentavit: vel tam petulanter se gesserunt, ut Deo gratias agerem, à talibus liberatus: unde factum, ut semper oleum operamque perdiderim. proverbium illud, *Qui sua recte curata vult, ipse Dominus servusque sit oportet*, verum esse sentiens.

Vix cujusquam verbis ac pollicitationibus fides est habenda, diabolus ex profundissima abyssu egressus in mundum venit, homines pro lubitu acturus: sed perfidia domesticorum sæpe tanta non esset, si non ab aliis seducerentur; sunt enim qui

occa-

occasionem captantes eos alliciunt, & quid domi viderint audiverintque eliciunt. unde irritati ad bonam frugem redire non possunt, non perpendentes, hanc rem ipso furto turpiorem, nunquam in ipsorum commodum cessuram.

Siquis ab alio, quod ipsius non est, nec penes ipsum id aliis communicare, elicit, eoque in autoris præjudicium clam vel palam utitur, celator furi æqualis habetur, neque unquam apud bonos de hoc crimine se purgabit, consultius facturus si domesticos proditores aliena offerentes reprobaret, dicens, si hoc tuo facis domino felicitatis tuæ autori, quid mihi facturus es, si licebit? Sed contrarium faciunt, dicentes, tu mihi & ego tibi tacebo, veteris veri verbii immemores, *Nullum flum tam occulte netur, quin aliquando soli exponitur.*

Idem faciunt, quibus Secreta sub silentii sigillo sunt concredita, si violata fide aliis ea communicent, rem autoris damno divulgantes. Hujusmodi dolis mundus abundat: quilibet ergo cui bonum secretum obtigit, circumspiciat, quos in familiam recipiat, & cujus sint fidei. Beatus ille, qui sua cum suis peragere potest, is

absque curis in silentio & otio sibi victum comparabit.

Ante omnia detur opera, ut tibi cum istis res sit, qui Deum timent; licet in omnibus voto non respondeant, fideles tamen habebis operas, cum qui DEUM timet, etiam homines timeat, peccata vitet, & Domini benedictionem in opere suo consequetur, malorum vero labor sine fructu perit.

Quærat quis: quomodo ingenuos à falsis discernam? R. Ex operibus, non ex verbis: putris enim arbor non potest bonos fructus ferre, nec bona arbor malos: quemadmodum enim arboris indoles: ita & hominis natura ex fructibus agnoscitur. Non qui humanitatem ac diligentiam præ se fert, fidem meretur: cum vulpes caudâ blanditur, gallinas meditat; mali sunt feles, qui foris lambentes post scalpunt. Cum facta verbis consonant, tunc fides habeatur, sed pauci tales inveniuntur, multi vero qui foris splendentes, intus fraudibus scatent. Qui igne ustus est, ignem novit, vitatque, & alios cavere jubet, inexpertus vero suo damno sapere incipit. Quicquid humile, rectum & sincere

rum

rum est, à Deo est, & à Diabolo mundoque odio habetur. Omnis Natura sui simile amat, dissimile odit: si homo est subdolus, superbus, mendax, ferox, invidus, immisericors, tenax, diaboli gerit imaginem, nec duobus dominis servire potest, sed uno neglecto alterum amabit. Ex fructibus enim, non externa specie cognoscendi sunt. Si vinum gustes, num bonum vel vile sit, num suave vel austerum, judicabis. Pomum interdum foris pulchrum, intus vermibus exesum amarescit. Veterum est placitum, (Nemini credi posse, nisi modium Salis cum eo consumseris) experientiâ verissimum. Quæ hominum perfidia, post meam ætatem, ignis siccantem vim non diutius ferentem, præcipua causa est, quod multa bona penes me, intermortua pereant. Confido autem brevi affuturos, qui meum Laboratorium inter se diribituri, ubi ego substiti, naturæ secreta ulterius rimabuntur, & ad optatum finem, mea præmonstrata face adjuti, perducent: quod mihi multo erit gratius, si mea immensis sumtibus, laboribus curisque inventa secreta pluribus innotescant, quam si mecum sine fœnore sint sub tumulo defodienda.

da. Cui fini me promptissimum in posteritatis gratiam, & consultorem & adiutorem pro virili semper præstabo.

CONCLUSIO.

COrdatum Lectorem, sicubi me nimis Caperte scripsisse judicabit, ne id mihi vitio vertat, humanissime rogo; quod enim feci, non mei sed proximi gratia bono animo feci, fretus, omnes ingenuos ac bonos mea scripta potius favore excepturos, quam odio & invidia rejecturos esse, neque permissuros, ut humilis stylus veritatis, quæ sinceritate gaudet, sit fraudi, sed bonum animum quo hoc factum est, spectantes defendent ac tuebuntur. Quod si diabolus, qui ferre non potest, ut homini aliquid boni conferatur, sua instrumenta in me armare conatur, mea scripta ex insito fastu & scientiæ tumore traductura, ipsum hic & alibi ita depinxi, ut agnoscat, cujus filius ipse sit, cujusque instinctu sese efferens firmissimæ veritati obviam ire audeat, veterum proverbio, *Ars non habet osorem nisi ignorantem*, fidem factururus. Ad hæc eum rogatum volo, inanibus literis

ris mihi parcat, citra damnum non cuivis respondere valenti; Si vero mei indigni consilii egens cum modestia & sine meo detrimento istud petierit, ei meam opellam non negabo. Sponte etiam me offero omnibus tam magnis quam parvis, qui vel minimo beneficio me à juventute in hunc usque diem sunt prosecuti, quibus, ubi mihi per literas innotuerint, meum consilium (quia mihi nec ☉ nec ☽ est) mihi præstito beneficio longe præponderasse, nec turpissimam, Deo juxta atque bonis invisam belluam, *Ingratitudinem*, sed sincerum pectus Germanum, Christianumque erga amicos & inimicos amorem sub testamento meo hospitari, ac dominari, cum bono Deo reapse ostendam: Quo hic tractatulus conclusus esto.

F I N I S.

[Faint, illegible text on the main page, likely bleed-through from the reverse side.]

M
C
ota
lundo
lucide
ale per
& M
aci
S
Mirac
tica
Jo
apud

M I R A C U L I
M U N D I
C O N T I N U A T I O ,

I N Q U A

Tota natura denudatur , & toti
Mundo nudè ob oculos ponitur ; imò
dilucidè & apertè demonstratur, fieri posse, ut ex
Sale petræ omnium Vegetabilium, Animalium
& Mineralium summa Medicina paretur,
ac ideò Sal petræ jure ac meritò verum
Subjectum solvens, sive Menstruum
Universale (rumpantur illa om-
nibus Farnerianis Asinis)
appellari queat.

*Miracula Divina manifestandi, & Herme-
tica Medicinæ studiosos docendi gratia con-
scripta, & in lucem edita Studio
& Opera*


J O H A N . R U D . G L A U B E R I .



A M S T E L O D A M I ,

A p u d J O A N N E M J A N S S O N I U M .

c l o d c l v i i i .



A D

LECTOREM

PRÆFATIO.



Quoniam, Benevole Lector, scripta mea, Miraculum Mundi, & Primam Prosperitatis Germaniæ Partem, Libello meo Apologetico, cui titulus, Testimonium Veritatis, satis ac sufficienter contrà schedas Farneri calumniis, & mendaciis scatentes defensa, eorumque utilitatem apertè ac dilucidè demonstratam esse arbitror; Vereor tamen, ne Apologetica illa defensio, licet artis Arcana plurima, & lectu satis digna in apertum producat, Lectoribus prolixiore suo ambitu tædium aliquod paritura sit. Eâ de causâ, ut hoc tædium Lectori ademptum in delectationem & voluptatem commutem, consultum mihi visum fuit,

A D L E C T O R E M

delectationis & auctarii gratiâ , *Continuationis Miraculi Mund*
 titulo , succedanea subdere ceteris ex-
 cellentia quædam Arcana , & quidem
 quatuor numero , quæ quin commo-
 dum allatura sint maximum , nullus
 dubito.

Horum primum offero Rusticis , Vi-
 nearum cultoribus , hortulanis , & omni-
 bus iis , quos ruris cultura occupatos te-
 net , ut sine ovium , vaccarum , aui-
 equorum fimo & excrementis , ac usi-
 tatâ stercoratione agros & rura sua
 stercoreandi & pinguia reddendi modum
 & rationem novam addiscant , & quo-
 tannis majus commodum & emolumen-
 tum ex iis percipiant.

Alterum dono omnibus civibus , Mer-
 catoribus , aliisque hominibus otiosis , qui
 divitiarum copiâ affluentes nesciunt ,
 quonam pacto aurum & argentum suum
 augere

P R Æ F A T I O.

ugere queant. His sine fædo fæne-
 ationis lucro, & proximi sui incom-
 modo, aurum & argentum suum longè
 meliori, & honestiori ratione augendi
 modum & viam monstro.

Tertium largior omnibus Deum a-
 nantibus, & conscientiae suæ ratio-
 nem habentibus Medicis, ut paucis
 impensis, & paucò labore, ac bre-
 vi temporis spatio medicamenta admo-
 dum salubria, & efficacia parare ad-
 discant, miseris egrotis, ut Christia-
 nos decet, debito auxilio succurrant,
 ac honestè sibi victum & amictum ac-
 quirant.

Quartum, tanquam Universale Me-
 dicamentum, omnibus magni nominis,
 & authoritatis personis exhibeo, ut
 ejus beneficio valetudinem bonam con-
 servent, aut eam amissam recupe-
 rent.

AD LECTOREM

delectationis & auctarii gratiâ , sub Continuationis Miraculi Mundi titulo , succedanea subdere cæteris excellentia quedam Arcana , & quidem quatuor numero , quæ quin commodum allatura sunt maximum , nullus dubito.

Horum primum offero Rusticis , Vinearum cultoribus , hortulanis , & omnibus iis , quos ruris cultura occupatos tenet , ut sine ovium , vaccarum , aut equorum fimo & excrementis , ac usitata stercoreatione agros & rura sua stercoreandi & pingua reddendi modum & rationem novam addiscant , & quotannis majus commodum & emolumentum ex iis percipiant.

Alterum dono omnibus civibus , Mercatoribus , aliisque hominibus otiosis , qui divitiarum copiâ affluentes nesciunt , quonam pacto aurum & argentum suum augere

10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100
101
102
103
104
105
106
107
108
109
110
111
112
113
114
115
116
117
118
119
120
121
122
123
124
125
126
127
128
129
130
131
132
133
134
135
136
137
138
139
140
141
142
143
144
145
146
147
148
149
150
151
152
153
154
155
156
157
158
159
160
161
162
163
164
165
166
167
168
169
170
171
172
173
174
175
176
177
178
179
180
181
182
183
184
185
186
187
188
189
190
191
192
193
194
195
196
197
198
199
200
201
202
203
204
205
206
207
208
209
210
211
212
213
214
215
216
217
218
219
220
221
222
223
224
225
226
227
228
229
230
231
232
233
234
235
236
237
238
239
240
241
242
243
244
245
246
247
248
249
250
251
252
253
254
255
256
257
258
259
260
261
262
263
264
265
266
267
268
269
270
271
272
273
274
275
276
277
278
279
280
281
282
283
284
285
286
287
288
289
290
291
292
293
294
295
296
297
298
299
300
301
302
303
304
305
306
307
308
309
310
311
312
313
314
315
316
317
318
319
320
321
322
323
324
325
326
327
328
329
330
331
332
333
334
335
336
337
338
339
340
341
342
343
344
345
346
347
348
349
350
351
352
353
354
355
356
357
358
359
360
361
362
363
364
365
366
367
368
369
370
371
372
373
374
375
376
377
378
379
380
381
382
383
384
385
386
387
388
389
390
391
392
393
394
395
396
397
398
399
400
401
402
403
404
405
406
407
408
409
410
411
412
413
414
415
416
417
418
419
420
421
422
423
424
425
426
427
428
429
430
431
432
433
434
435
436
437
438
439
440
441
442
443
444
445
446
447
448
449
450
451
452
453
454
455
456
457
458
459
460
461
462
463
464
465
466
467
468
469
470
471
472
473
474
475
476
477
478
479
480
481
482
483
484
485
486
487
488
489
490
491
492
493
494
495
496
497
498
499
500
501
502
503
504
505
506
507
508
509
510
511
512
513
514
515
516
517
518
519
520
521
522
523
524
525
526
527
528
529
530
531
532
533
534
535
536
537
538
539
540
541
542
543
544
545
546
547
548
549
550
551
552
553
554
555
556
557
558
559
560
561
562
563
564
565
566
567
568
569
570
571
572
573
574
575
576
577
578
579
580
581
582
583
584
585
586
587
588
589
590
591
592
593
594
595
596
597
598
599
600
601
602
603
604
605
606
607
608
609
610
611
612
613
614
615
616
617
618
619
620
621
622
623
624
625
626
627
628
629
630
631
632
633
634
635
636
637
638
639
640
641
642
643
644
645
646
647
648
649
650
651
652
653
654
655
656
657
658
659
660
661
662
663
664
665
666
667
668
669
670
671
672
673
674
675
676
677
678
679
680
681
682
683
684
685
686
687
688
689
690
691
692
693
694
695
696
697
698
699
700
701
702
703
704
705
706
707
708
709
710
711
712
713
714
715
716
717
718
719
720
721
722
723
724
725
726
727
728
729
730
731
732
733
734
735
736
737
738
739
740
741
742
743
744
745
746
747
748
749
750
751
752
753
754
755
756
757
758
759
760
761
762
763
764
765
766
767
768
769
770
771
772
773
774
775
776
777
778
779
780
781
782
783
784
785
786
787
788
789
790
791
792
793
794
795
796
797
798
799
800
801
802
803
804
805
806
807
808
809
810
811
812
813
814
815
816
817
818
819
820
821
822
823
824
825
826
827
828
829
830
831
832
833
834
835
836
837
838
839
840
841
842
843
844
845
846
847
848
849
850
851
852
853
854
855
856
857
858
859
860
861
862
863
864
865
866
867
868
869
870
871
872
873
874
875
876
877
878
879
880
881
882
883
884
885
886
887
888
889
890
891
892
893
894
895
896
897
898
899
900
901
902
903
904
905
906
907
908
909
910
911
912
913
914
915
916
917
918
919
920
921
922
923
924
925
926
927
928
929
930
931
932
933
934
935
936
937
938
939
940
941
942
943
944
945
946
947
948
949
950
951
952
953
954
955
956
957
958
959
960
961
962
963
964
965
966
967
968
969
970
971
972
973
974
975
976
977
978
979
980
981
982
983
984
985
986
987
988
989
990
991
992
993
994
995
996
997
998
999
1000

per
novis
do,
dori
dum
Ter
antib
m l
pen
a ter
hem
dean
or de
i bon
arav
Qu
am
7 a
es
ve
ent.

P R Æ F A T I O .

augere queant. His sine fædo fænerationis lucro , & proximi sui incommodo , aurum & argentum suum longè meliori , & honestiori ratione augendi modum & viam monstro.

Tertium largior omnibus Deum amantibus , & conscientiae suae rationem habentibus Medicis , ut paucis impensis , & paucò labore , ac brevi temporis spatio medicamenta admodum salubria , & efficacia parare addiscant , miseris ægrotis , ut Christianos decet , debito auxilio succurrant , ac honestè sibi victum & amictum acquirant.

Quartum , tanquam Universale Medicamentum , omnibus magni nominis , & authoritatis personis exhibeo , ut ejus beneficio valetudinem bonam conservent , aut eam amissam recuperent .

AD LECTOR. PRÆFAT.

Deus Omnipotens Divinam suam
Gratiam largiatur, ut paterna ejus bona
ad eum usum adhibeamus, quo ipsius lau-
dus & honor, ac proximi nostri amor au-
geatur, & promoveatur. AMEN.



I. ARCA-

I. A R C A N U M

*Agricolis, Vnitoribus, & Hortulanis
dono datum.*



Etsi prælum hoc, quo ingentes arbores, succum eliciendi gratiâ, uti in primâ Prosperitatis Germaniæ parte jam indicavi, premantur, & quòd hæctenus pluribus, qualenam sit, investigando cerebrum frangentibus, multum negotii faceffivit, in tertiam Prosperitatis Germaniæ partem reservare constitueram; Consultum tamen mihi visum fuit ejus descriptionem in hunc Tractatum conjicere, illudque describendo Boni Publici gratiâ in lucem producere: Idque potissimum eâ de causâ, quia Deus Omnipotens mihi jam alios copiosum ex omni ligno salem petræ eliciendi, & quidem sine hoc prælo, modos revelavit; Nec tantum ex ligno ipso, verum etiam, ex omnibus Vegetabilibus, Animalibus, ac Mineralibus, ita ut negotio admodum facili, brevique temporis spatio, sine prælo, & putrefactione lignum & Sal in Salem petræ converti queant: Imò ut trium, aut quatuor horarum intervallo quodvis Vegetabile, aut Animale, ut & omnis generis Sales ita transmutari possint, ut in pinguem, fervidum, ac sulphureum Salem abeant, qui postea admodum

facile aëris beneficio animari, & in Salem petra convertitur. Sal talis, licet instar Salis petra non statim flammam concipiat, & ardeat, jam tamen eò est deductus, ut in agrorum macrorum, & sterilium stercoratione idem præstet, quod fimetum cujusvis pecoris aut pecudis in agris pinguefaciendis efficere solet. Hinc eodem sale quamvis arenam puram putam, & omni pinguedine destitutam ita pinguefacere illicò licet, ut frugibus ferendis, & reddendis apta evadat. Nemini autem sit verisimile, quid Sal aliquis corrosivis suis viribus spoliatus præstare valeat. Ideò Christus non frustra dicit discipulis suis: *Sal terræ estis*. Terra, quæ Sale caret, mortua est, nec fructum ferre potest. Sal enim hic inversus non solum arenosis, & planè sterilibus agris, vix parum erycæ edentibus, sed etiam fertilibus pinguefaciendis inservit, ut singulis annis conferantur, & fructus emittant. Maximum profecto est Dei donum, quo ingratiissimus hic Mundus planè indignus est. Crebrò contingit, ut agricolæ fimo necessario destituti agros suos non conferant, sed eos vacuos, & inanes relinquere tamdiu cogantur, donec eos conferendi facultas sese offerat. Sed quid hoc commodi affert ipsis, qui Magistratui interea debitum tributum pro ipsis solvere debent, nihil tamen commodi ex ipsis percipientes. An non satius esset, ut tertiam, aut quartam duntaxat ejusmodi, bonorum partem possiderent, quotan-

quotannis fructus debitos reddentem. Hoc pacto certè Rus ejusmodi, quod aliàs rustici unius sustentationi vix par est, decem aliis alendis sufficeret, si ligno, aut Sale hâc ratione inverso pinguesceret. Pari omninò ratione etiam vineæ pinguescere possunt, ut frustra non colantur, sed uvis ferendis luxurient.

Sic etiam arbores fructuum feraces, & prata ac pascua in ferendo gramine segniora eodem Sale ità emendari possunt, ut meliores fructus, & pinguius gramen ex ipsis prodeant. Sed hæc de his hac vice sufficiant; plura in tertia Prosperitatis Germaniæ parte, Deo dante, sequentur. Intereà illa frumenti ac vini copia ex parte consumetur. Nullus autem dubito, excellens hoc Dei omnipotentis munus à bonis Patribus familiâs quæsitum, in honore habitum, & ab hac horâ usque, ad mundi finem, honoris Divini & salutis multorum millium hominum promovendæ causâ, effectui datum iri.

Hic autem ligni proprio suo igne in acetum acerbum exprimendi, & hunc succum acidum, Salis fixo in carbonibus combustis, aut cineribus remanentis beneficio iterum coagulandi, & in salem sterilia rura pinguefacientem, aut aëris beneficio in Salem petraæ abeuntem, redigendi Modus artificium profectò est excellens & singulare, quod inutile lignum quodvis utile, & emolumentum insigne pariens reddit; quales inventiones tanta commoda afferentes hæctenus

à nemine literis proditæ sunt. Atque eò melior etiam est hæc, quam illa in cineres clavellatos ligna redigendi inventio, in quâ omnis succus acidus in fumum abiens, omninò perit, & amittitur, & ex maxima copiâ ligni, pauci admodum cineres remanent, ac ex eorundem sale paucissimo vix decima pars ad agros pingues reddendos, aut mutationem in salem petræ apta reperitur. Non ipsi etiam cineres., sed Sal in ipsis latitans agros pinguefacit, & in Salem petræ mutatur. Itaque hic meus succum lignorum eliciendi, & in bonum Salem coagulandi modus longe præferendus est illi, qui cineres clavellatos ex ligno parat. Nec solum torcular hoc ligneum fertili ex omnibus lignis succo exprimendo inservit; Sed etiam iis in locis summa cum utilitate usurpari potest, in quibus ligno carentibus, & multis paludibus, ac limosis stagnis refertis cespites, lignorum loco usurpandi, ex fundo eruuntur. Etenim cespitum ille succus, æquè ac lignorum, ad agros pinguefaciendum idoneus est, adeò ut nulla regio causam habeat conquerendi, quod sibi de aliqua Universalis illius Thesauri mundani parte à Benignorum omnium Creatore copiosè non prospectum sit. In altis regionibus lignorum copia proluxa suppetit, ac humiles cespitum ingentem vim suppeditant. Sicut igitur in regionibus editiorem situm habentibus lignorum ineffabilis multitudo putrefactione perit, aut cre-

scens,

scens, & decrescens nulli usui, aut commodo inservit: Ità idem quoque cespitibus contingit in humilioribus, & depressioribus locis, in quibus sæpenumero ingentes tractus ne minimam quidem ulli homini utilitatem conferunt, & nihilominus magnos penetralibus suis thesauros abscondunt. Cum paludosis & uliginosis districtibus ità comparatum est; si gramine obducti bestias admiserint, ut gramen illud depascant, emolumentum quid adhuc hominibus afferunt: Sin vero uligine nimiam obfessi fuerint, ut humanis vestigiis ferendis pares non sint, omni prorsus utilitate carent. Sunt paludosi tractus musco solo vestiti, qui nec pecora nec pecudes alere, nec cespites suppeditare possunt, eò quod nimiam arenam, aut nimis largus muscus gramen impediunt, quominus nascatur, & cespites igni concipiendo idonei conficiantur. Et tamen illi ipsi tractus igne pressi fertilem expromunt succum, quo finitimi campi, ut plurimum arenosi, fertiles reddi possunt. Paludes verò illæ nihil aliud continent, quàm pinguedinem illam, quæ ab aqua pluvia ex vicinis territoriis altis & arenosis extracta, ac collecta in terras & valles inferiores convehitur, ac in muscum concrescit; Undè jure ac meritò sterilibus illis terris arena constantibus, easdem pinguefaciendi gratiam, reddenda esset. Hac igitur ratione fieri posset, ut plurimis terris vastis & desertis, quæ nullo prorsus emolumento genus humanum afficiunt, fer-

fertilitas summa conciliaretur. Quæ dico, cum veritate ipsâ conveniunt, & forsan temporis progressu verissima comperientur, & plurimis locis prodesse poterunt. Hoc autem tempore rusticis mera somnia esse videntur, ac captum in ipsorum cerebris cerevisiâ semper distentis sedentem superant. Cæterum sicuti quævis palus pinguis finitimas terras editiores & steriliores, arenâque oppletas pinguefacere potest; ita Oceanus Universalis est Medicina & pinguefactio omnium, quas lambit, regionum editarum & sterilium, quibus sale suo contento perfectam fertilitatem, & feracitatem largitur. Unde Benignitatis & Bonitatis Divinæ Providentia incredibilis liquidò patet, ac jure, meritoque Omnipotenti Deo pro sua hac curâ paternâ ab omnibus hominibus gratiæ indefinentes, & maximæ habendæ, & tam ingentia ipsius munera, & beneficia nunquam ex memoriâ deponenda sunt. Quomodo autem Sal marinus arenosus & omni pinguedine destitutas terras, pinguefaciat, & fertiles reddat, exactius postea demonstrabitur. Obiter hîc in mei torcularis ligna prementis descriptione ejus rei mentionem facere volui. Quantò melior igitur est mea ex lignis succum conservandi ars, & inventio, illâ inventionem, quæ ligna in cineres clavellatos redigit; tantò etiam potior & excellentior est, meus Modus arcanus, quo ferè totum ligni pondus, exceptâ sola inutili aquâ & Phlegmate, quod



- A. Ist der Ofen darin das holtz gebresset wirdt.
 B. Der deckel darmit der Ofen geschlossen wirdt.
 C. Die thur an dem Ofen dardurch man die kohlen aus nimbt.

- D. Seind die röhren darinnen sich der holtzsaft
 Condensirt vnd heraus rint.
 E. Ist ein fas darin der holtz essig laufft.

C
quod ligno
servatur
tempores n
ignorum
dunt ab ig
to esse qu
et lignum
umatur,
ere ponde
atur, ma
Qui hoc
ge: & fin
acet suc
tinet qu
quo cor
libra un
num, du
es ciner
ls idone
ringues
ultione
cum tum
rix dimi
rius pro
ad cuju
in tam n
Exce
ores lul
modi m
entur;

quod ligno adfuit, in transmutatione illâ conservatur. Facili enim conjecturâ, qui mentis impotes non sunt, providere possunt, quod in lignorum combustione illâ apertâ nobile Sulphur ab igne consumatur, & nulli emolumento esse queat. Si autem res itâ institui possit, ut lignum non ardeat, & ardendo non consumatur, sed seipsum consumendo, sine omni ferè ponderis jacturâ, in Salem Sulphureum vertatur, magni momenti negotium conficeretur. Qui hoc præstare novit, scopum profectò attingit & finem optatum consequutus est. Carbo licet succo suo privetur, ferè tamen eandem retinet quantitatem, quam habuit lignum, ex quo combustionem paratus est. Talium carbonum libra una comburendo in cineres redacta, vix unum, duos aut tres lotones dabit, ex quibus paucis cineribus dimidiam, tertiam, aut quartam Salis idonei, qui in Salem petrae mutetur, aut agros pingues reddat, partem agrè eruas. Nam in combustionem nobile Sulphur, tanquam maxima pars cum fumo evanescit, & ex unâ carbonum librâ vix dimidia aut quarta lotonis unius pars Salis istius prodit. Ideò haud exigua est ars Sulphur illud cujus virtutes sunt maximæ, conservare, & in tam nobilem Salem convertere.

Excellentissimi hujus Arcani agricolas & viniferos lubenti animo participes fecissem, ut ejusmodi munere affecti grato animo mei recordarentur; ni maximum ingrati animi crimen, quod
magis

14 MIRACULI MUNDI

magis ac magis in ingratis hujus Mundi incolis animadverto, me impulisset, ut illud adhuc aliquandiu mihi reservem, & apud me delitescere patiar: siquidem gratum hominibus non accideret hoc tempore, quo vini ac frumenti ubique maxima est copia. Si verò aliquando, quod pro dolor timendum, Ira Divina ingruerit, ima summis miscuerit cunctisque rebus ablatis terræ pinguedinem consumpserit, quod Deus tamen prohibeat, tunc munus hoc Dei gratum acceptumque foret, quod forsan temporis hujus feris bestiis risui & ludibrio futurum esset. Vasi vino, aut frumento abundanti, & pleno si quid amplius infuderis, in eo non remanebit, sed recidet. Ità etiam hoc tempore summâ omnium rerum affluentia ubique locorum luxuriante, & nullius rei penuria laborante nihil nisi mera superfluitas ejusmodi arcanorum revelatio esset. Onerentur mente captorum, insanorum, & temulentorum hominum aures vel infinitis verbis ejusmodi arcana lucrosissima detegentibus, ea tamen susque deque habita ludibrio, & sannis excipient. Fecit id Farnerus ille impius, omnium ejusmodi ludionum & sannionum improbissimorum antesignanus, qui irridendi initio facto, cunctis magnorum miraculorum, & ditissimorum munerum irrisoribus viam stravit, ut etiam tam ineffabilia beneficia risui haberent. Ideò non necessarium esse dico, ut talia in lucem producantur. Agricola & vinitores iis contenti esse
pote-

poterunt, quæ in præsentia ipsis denudantur. Acidus enim, expressus, & ad dulcedinem reductus lignorum succus in agrorum pinguefactione & stercoratione longè plura præstabit, quàm alicui verisimile fieri potest. Si futuro tempore necessarium fore animadvertero, ut plura & meliora in apertum producam, eorum revelatione neutiquam supersedebō, ideò aliquandiu adhuc remoraturus *Prosperitatis Germaniæ Tertiæ Partem*, & exspectaturus, quo hujus Mundi res evasuræ sint. Equidem certus sum, scripta mea futuro tempori longè gratiora fore, quàm huic eadem esse comperio: Causam jam indicavi. Quò majore autem ludibrio mea scripta ab impia Farnesianorum sannionum turbâ hoc tempore excipiantur, eò majore honore sequuturis annis ab hominibus afficientur. Sed omissis istis nebulonibus præli toties dicti descriptionem, ac expressi, iterumque coagulati lignorum succi usum aggredior.

*De figura, usu, & utilitate praeli, sive
torcularis, cujus adjumento ex lignis sine
magno labore copiosè exprimitur suc-
cus idoneus, ex quo Sal petra
paratur.*

Forma, sive Figura.

Primò struatur ex lateribus Fornax rotunda
eam figuram habens, quam in typo præsent
litera A commonstrat. Emuletur autem vitria-
riorum furnos, ita ut ab inferiore parte largiore
sensim exurgat in acumen rotundum, in fastigio
foramen rotundum, & unum pedem latum ape-
riens, per quod ligna injici queant. Foramin-
aptandum est operculum ex laterum materia ea-
dem coquendo paratum, quo foramen illud clau-
datur. Inferioris partis latus unum, januam ha-
bere debet, per quam carbones extrahantur. Al-
terum verò perforatum sit oportet foramine,
cui aptetur canalis, seu fistula ex terra figulina
vel latericia excocta & tres aut quatuor circiter
orgyas longas, in qua fumus ex lignis injectis
per ignem expulsus in acidum succum conden-
setur, & destillet in dolium ligneum, quod suc-
co ex canali defluenti recipiendo, ipsi canali ap-
positum est. His omnibus dicto modo paratis,
fornax usque ad summitatem lignis impletur, &
si ligna non satis sicca fuerint, ipsis usque ad for-

nacis

nacis summitatem coacervatis fruticum sicciorum, & aridiorum fasciculus imponitur, cujus ope cò facilius accendantur. Postquam ligna accensa fuerint, & probè arserint, fornacis foramen in summitate arctè operculo occludendum, ac fumo omnis exitus adimendus est, ut nullum exitum inveniens descendere, & canalis inferius patentis foramen quærere cogatur. Quando igitur ligna paulatim incandescunt & flammam tamen emittere nequeunt, calor ex ipsis succum omnem exprimit, & in canalem propellit, in quo ex fumo in succum aut acetosum liquorem mutatur, ità mutatus ex canali in appositum dolium destillans, aut defluens. Lignis omnibus in carbones conversis, & nullum amplius fumum emittentibus, tota fornax, ubicunque aërem admittere potest, imò ipsum etiam foramen, cui canalis aptatus fuit, madefactis cineribus oblinatur necesse est, ut prunæ suffocatae in fornace refrigescant, & carbones integri maneant. Exempti ad usus necessarios adhibentur, cum bonitate cæteris respondeant, quos carbonarii in sylvestribus locis parare solent. NB. Hoc intelligatur velim de ejusmodi lignis, quæ mediocris crassitiei se in carbones redigi patiuntur. Nam si succum expellendi causâ in fornacem frutices, & virgulta conjeceris, nil nisi carbonum scobem, & pulverem nancisceris, qui post omnem succum expressum in fornace non oblitâ, ut prius faciendum docui-

B mus,

mus, sed apertâ tam diu relinquendus est, donec in cineres abierit, qui ad succum expressum coagulandum requiritur, ut ex iis, quæ de coagulatione succi mox dicturi sumus, patëbit. Discrimen igitur hoc inter ligna observandum erit, ut frutices, & virgulta post succi expressionem in cineres comburantur; crassiora verò ligna post eandem operationem suffocentur, & in carbones mutantur. NB. Ubi carbonibus non indigeris, aut eosdem vendere non potueris, eisdem apertâ fornace, ut in cineres comburi finas, necesse est. Si in ejusmodi loco hæc operatio institueretur, in quo lapides invenirentur idonei, ex quibus calx cæmentaria igne conficiatur, operæ pretium esset, ut strues lignorum & lapidum mutuâ impositione in fornace miscerentur, quod Chymici *Stratum super stratum* vocant, ac post succi expressionem fornax aperiretur, quò ligna in cineres converterentur. Dum autem in cineres abeunt, eâdem simul operâ & lapides calcinant, ac in calcem mutantur, quæ aëri exposita, itâ tamen, ut aquâ pluvîâ madefieri nequeat, in pulverem minutum dilabatur. Huic pulveri cineribus lignorum misto affunditur succus ille acidus ex lignis expressus, ut duæ hæ naturæ contrariæ mutuis laboribus se exercent, & probè uniant: quâ in operatione acetosus ligni Spiritus acrimoniâ suam amittit, ac Sal ligni & lapidum fixus alteratur, itâ ut ex utrâque Naturâ, contraria prodeat media Natura, & sua-

vior

vior Sal, qui aëri expositus, & diu in eo conser-
vatus ex eodem vitam sibi attrahit, & in opti-
mum Salem petræ transmutatur. NB. Hæc mix-
tura eo pacto aëri exponenda est, ut sub tecto
manens superius tecta, & à lateribus aperta, plu-
viarum injurias vitare, & nihilominus aërem at-
trahere possit. Si ab aëre exsiccata fuerit, urinæ
hominum, aut pecorum & pecudum affusione
rursus humectanda est, ut nunquam penitus ex-
siccetur. Hæc si ritè peragantur, optimus Sal
petræ unius, unius & dimidii, aut ad summum
biennii spacio ex hâc materiâ copiosè prodibit,
qui extractus, purificatus & coctus in purissi-
mas Crystallos concrevit. Residua materia in
pristinum sub tecto locum projecta, & eodem
modo tractata biennii intervallo novum Salem
petræ producit, qui eâdem ratione excoqui pot-
est. Nam mixtura illa semper bona manet, mo-
dò sicce urinam, uti diximus, affuderis. NB. qui
citius Salempetræ acquirere cupit, post acidi
spiritus cum cineribus conjunctionem, & utrius-
que præcipitationem, & mortificationem, ex
materiâ illâ conjunctâ aquæ affusione salem ex-
coquere, eumque urinâ solutum per vasa circu-
latoria digerere poterit, ut unius anni spacio
optimi Salis petræ compos fiat. Succum ex li-
gnis exprimendi, & eâdem simul operâ calcem
ex lapidibus conficiendi labor hic in omnibus
his civitatibus, & locis effectui dari potest, in
quibus ligna & lapides copiosè in promptu sunt.

Si autem in sylvis instituenda esset eadem operatio, fornax ex lapidibus structa non requireretur, cum ligna coacervata, & in struem composita cespitibus viridibus tantummodò tegi & operiri queant, & planè quidem eo pacto, quo Carbonarii in carbonibus suis conficiendis utuntur, habitâ tamen hîc ratione foraminis in latere, cui canalis aut fistula adjungenda est. Succo expresso, acervus ubique obturandus est probè, ut aëri nusquam aditus aliquis concedatur, si carbones conservandi sunt. Refrigerati & exempti in urbe venales exponuntur, aut ad alios usus necessarios adhibentur, aut fabris ferrariis venduntur, ita ut succus expressus, qui vase nullo exceptus, alias fumando evanisset, nihili planè constet. Sin carbones non desiderentur, aut etiam venundari non possint, in cineres comburantur, ut coagulando spiritui & in Salelem postea aëris adjumento intrâ certum temporis spacium in optimum Salem petræ transmutando inserviant. NB. Animadvertendum quoque hîc est, quod succus expressus etiam secum vehat acre, & fervidum oleum colore subrubro, quod non abjiciendum, sed unâ cum Spiritu illo acido cineribus affundendum est, ut unâ cum cæteris naturam Salispetræ induat, si cum Salibus putrescat. Ad alios verò usus, qui vult, idem adhibere potest, utpote quod & alias utilitates suas habet. Omni ligno facilè putrescenti, & pluvix exposito, aut in aqua stanti illini-

tur,

tur, ut conservatum non tam faciliè putrescat, cum aqua ligno non adhærere possit, sed defluere cogatur, aut impediatur, quò minus ligni poros penetret. Eodem rustici & aurigæ loco adipis, quo rotarum axes oblinunt, uti possunt, præsertim sevo aut resinâ condensato. Optimus autem ejus usus, si salempetræ excipias, quantum mihi quidem hætenus constat, in eo consistit, quod lixivio acri ex calce & cineribus parato solutum & coctum smegma evadat admodum calidum, & fertilitatem concilians; si macra, & arenosa rura eodem conspergantur, & humectentur. Etenim ea admodum fertilia & feracia reddit, quod non tantum in agris præstat, sed etiam in arboribus, & vitibus, adeò ut una eodem plena tonna tantum ad agrorum stercorationem conferre valeat, quantum decem fimo equino, aut vaccino repleta plaustra solent: Faciliusque dolium ejusmodi smegmate repletum in longè remotos agros ac vineas, quàm decem plaustra fimi, quod aliàs certè magno labore, & haud paucis sumptibus in vineas deferretur scopulis, & rupibus insidentes, ut pingues reddantur. NB. Si ad vinearum stercorationem hoc smegma adhibendum esset, ejus nimia copia unâ vice mox ab initio adhiberi non deberet, ne vites pinguescendo luxuriantes nimium excrescant; Ideò modicus ejus usus requiritur, qui in arborum stercoratione non ita attendendus est, quanquam & hîc mediocritatis

excessus damnum infert , bonarum rerum quidam fit excessus , qui detrimentum afferrat. Arbor aut vitis nimium pinguis stercoratione evadens crescendo luxuriat , & plures fructus emittit , quàm ferre , aut maturare potest. Lignum ipsum fit nimis pingue , & molle , ut hyberno tempore frigoris injuriâ facilè lædatur. Unde in omnibus rebus mediocritatis limites non transgressuro modum adhibendum esse patet. Nigrum hoc smegma ex lignorum oleo confectum Dei donum profectò est maximum iis in locis , in quibus terras arenæ steriles reddunt. Hinc admirabilis Creatoris nostri sapientia liquet , nos ita quasi alloquentis : *Vos rudes & imperiti homines , cur hunc locum incultum relinquitis ? Quoniam eum nullo frumento conferere potestis , volui , ut lignum produceret , & vobis materia suppeteret , quâ eum pinguem reddatis , si velitis.* NB. Nam satis superque notum est , quod animalia , & vegetabilia putrescentia terram stercorent , & pinguem reddant , quod rustici jam etiam didicerunt , eandem etiam sine putrefactione stercorantes , & pinguefacientes , quando nimirum frutices , & arbores quæ , bellis longum tempus durantibus , ex arvis & agris excreverunt , succisas & excisas comburunt , cineribus rura conspergunt , & iisdem pinguedinem subministrant. Quod autem acidum spiritum , & calidum oleum , quæ comburendo evanescunt , capere , invertere , & cum cineribus ad sterco-

rationem usurpare nesciant, nemini mirum videri debet, cum nemo adhuc idem ipsis dixerit. Mihi tamen persuadeo, hunc agros stercorandi modum temporis progressu in usum, & consuetudinem abiturum, non ita citò tamen, ob copiam frumenti cujus hujus pacis tempore magnam, ubique locorum multitudinem diligens cultura suppeditat. Si autem futuris temporibus *novum bellum*, quod Deus avertat, nostras regiones inundaturum, & multos annos, ob hominum, equorum, & aliarum rerum necessariorum penuriam, rura inculta mansura & pessum itura essent, tunc arbitror, & non citius, hanc artem necessariam fore, & quæsitum, ac investigatum iri.

Quæ autem alia succus lignorum dictus præstare queat, quominus hîc enarremus, opusculi brevitate impedimur. Hoc tamen auctarii loco addimus, acidum hunc Spiritum, si rectificetur, in multorum bonorum medicamentorum præparatione, in artibus mechanicis, in multorum pulchrorum colorum confectioe, metallorum ex lapidibus & mineris extractione, & omnibus iis, ad quæ vulgare acetum usurpatur, eadem omnia commodè effectui dare; imò longè commodius, quia vulgaria vini & cerevisiæ aceta acrimoniâ suâ longè superat. Solus autem, & per se efficax est medicamentum, quod multis incurabilibus morbis medetur; Aquæ calidæ mistus, & in balneo ad corpus lavandum usurpatus longè efficacior est thermis illis ex terrâ

prorumpentibus , præcipuè in omni scabie , membris paralyfi Gallicâ solutis , ac fistulosis & fœtidis ulceribus , crura, & alia corporis loca obsidentibus. Item in Podagrâ, Calculo , Contracturâ , Schiaticâ , paralyfi , morbis uterinis, & omnibusejusmodi ægritudinibus , aliàs thermarum ope curandis , quibus acetum hoc ex lignis expressum viribus suis salubribus longè antecellit.

Idem facit & oleum illud calidum cum Spiritu per expressionem expulsum , quod in curandis illis externis affectibus & ulceribus miras vires exserit. Pro quo certè , ut pro maximo dono , quod ubique locorum faciliè reperitur , nemo eorum , qui gravibus morbis onerati sunt , gratias fat magnas Deo omnipotenti agere potest : Inprimis autem pauperum , quibus nummorum non est tanta largitas , ut ipsis Pharmacopœos cumulare queant. His proprio labore lignis tam excellentem , & efficacem medicinam extorquere licet. NB. Hoc loco etiam illud observetur oportet , quod balneum succo lignorum dicto temperatum ingressuro , prius hujus aceti plena cochlearia aliquot epotanda sint. Totum enim corpus permeando acetum hoc cuncta superflua & naturæ noxia per sudorem ejicit , & omnes lienis , epatis ac pulmonis obstructions referat : Præcipuè autem , quando acetum ex ejusmodi ligno aut herba elicitur , quæ peculiaribus ad eliminandas istas ægritudines viribus do-

dotata est. *Exempli gratiâ.* Vitis, fagi, & betulæ similiumque acetosus Spiritus internorum viscerum obstructions tollit. Ex quercu, aliisque lignis durioribus paratum acetum medetur sanguinis putredini, omnibusque ex eâ morbis profectis, ut Morbo Gallico, lepræ, omnis generis externis ulceribus, scabiei, fistulis, & ulceribus apertis. Omnibus item contracturis, epilepsiæ, Apoplexiæ, & paralyfi. Sic acetum fraxini, cerasi, pruni, pruni sylvestris, mespili, arbuti, & similium arborum quæ fructus nucleos habentes ferunt, Podagram, Chiragram, gona-gram, & calculum renum ac vesicæ curat. Ex Balsamicis herbis, hypericone puta, salviâ, veronicâ, Saniculâ, Betonicâ, pulmonariâ, epaticâ, saxifragâ, & aliis ejus farinæ salubribus herbis expressum acetum omnes epatis, & pulmonis, internas læsiones, cunctosque internos affectus ex verberibus, casu, aut offensione aliquâ exortos aufert. Adeò efficax est hic lignorum succus medicina, ut plurimæ sumptuosæ, & magni pretii compositiones Galenicæ ipsi cedere, & primas deferre cogantur. In balneo conficiendo aquæ decem libris una Spiritus acetosi libra adjungenda est, dosisque hæc ægroti, & morbi ratione vel augeri vel minui potest.

Ante Balnei usum, spiritui cochlearibus exhauriendo, aliquot olei, quod cum spiritu exivit, guttulæ adjungi possunt, quæ spiritui opem

ferant, ut corpus promptius permeet, & morbum fortius aggrediatur, & citius expellat.

In podagricis doloribus, membris affectis, & in calculo renibus affricatum idem oleum cum Spiritu haud contemnendum lenimen ægris affert.

Ut paucis dicam, hic lignorum, & herbarum succus, si legitimè paretur & usurpetur, pulchra, & instructa Galenicorum Pharmacopolia, licet plurimis pictis & deauratis vitris, pyxidibus, vasis superbiant, pudore suffundere poterit.

Nullus autem dubito, quin temporis progressu Medici conscientia suæ habituri rationem ejusmodi coctiones inutiles abrogaturi, & in earum locum meliores & utiliores præparationes reposituri sint, ut Deus debitâ laude celebretur, & miseris ægris succurratur.

Nam quamvis acida hæc aqua totius herbæ vires non contineat, nihilominus tamen pro efficacia herbarum aquâ in Medicinâ & usurpanda, & habenda est, quandoquidem illa in Pharmacopoliis usitata paucas admodum vires possidet, ut experientia quotidiana apertè testatur; cum purum putum herbæ phlegma sit, & potissimæ vires ipsaque Herbæ essentia in putaticiis fecibus remaneant, licet aliquid odoris & saporis aqua secum in destillatione abstulerit. Aspiciatur sicca aliqua herba, quam aëris aut Solis calor omni phlegmate & humiditate insipidâ pri-

vavit,

vavit, ac consideretur, an suâ efficaciâ, odore, & sapore orbata sit. Ac licet temporis diuturnitate omnis sui saporis, & odoris jacturam fecerit, potissimæ tamen in eâ virtutes adhuc delitescunt. Imò quamvis per destillationem etiam acetum ipsi ademptum sit, ac imperitus aliquis putet, in residuis carbonibus nigris, & vilibus lignorum, aut herbarum nihil omninò virium restare, cum tamen in iisdem optimæ adhuc, & efficacissimæ vires reliquæ sint, delitescentes in optimo Sulphure, & Sale. Vires autem in ipsis efficaces adhuc latitare, & rusticis haud ignotum est, qui hyberno tempore iis ardentibus frigus à se amoliuntur, & cibos coquunt, quod tamen phlegmate per destillationem separato nunquam facient. Tantas vires possident carbones illi nigri, & ab imperitis hominibus contempti, qui etiam nobilissimi Solis vires, & proprietates æmulantur, eâ de causâ meritò *Soles terrestres* appellandi. Quicquid enim in superiori firmamento Astralis ille, & Sydereus Sol efficit, idem & terrestres Soles, carbones nimirum, superioris & magni Solis vicarii, effectui dare possunt. Superior omnes res vitæ & facultatis crescendi participes reddit. Idem inferior Sol præstat. Sole hyberno tempore longius à nobis recedente, cuncta terræ Vegetabilia quasi emoriuntur: Eodem tempore verno, ad nos redeunte, cuncta quasi resurgunt, reviviscunt, crescunt, se movent, augent & nutriunt. Insecta ipsa,

quæ

quæ in antra, & cavernas terræ, frigus fugiendi gratiâ se abdiderunt, ac quâsi mortua jacuerunt; viva iterum in lucem prodeunt. Quæ effecta omnia Soli superiori accepta ferenda. Eadem & inferior Sol effectui dare solet. Etenim quando in conclavi aliquo muscæ, aranei, & alia ejus farinæ infecta, ingruens frigus vitantia, in rimas se receperunt, ac in iis quâsi mortua latent, ut primum conclavis illius igne aliquo incalescentis calorem senserint, vitâ pristinâ quâsi recuperatâ ex nidis & latibulis suis propunt, & perinde ac si verno tempore Sol nobis appropinquans ipsa pristinæ vitæ iterum compostes fecisset. Imò si in conclave ejusmodi calefactum magna infecta, ut ranæ, angues, lacertæ, aliaque similia, ut & herbæ emortuæ frigore reponerentur, æquè ac si magni Solis Elementaris radiis illustrati essent, ad pristinam suam vitam redirent, revirescerent, & crescerent. Si igitur hæc contemptus carbo, qui imperitorum judicio omni succo & omnibus viribus nudatus est, præstare potest; quidnam quæso medicinam artis adjumento ex tali carbone paratam esse præstituram putes?

Sed Medicorum putaticiorum aliquis hic diceret; Quis ex tam arido & insipido carbone medicamentum aliquod pararet? Nec maxime corrosivo liquore sol vitur, nec intensissimo igne liquatur, si aër nullus ad ipsum accesserit: cujus si vel minutissima portio ipsum attigerit, flammam

mam mox concipit, flammâque conceptâ consumitur, ut præter paucos cineres sali commixtos nil aliud restet. Reliqua omnia combustionem consumpta pereunt, & evanescent; quæ vires omnibus rebus emortuis vitam restituentes, & viventia quævis reficientes, hîc autem cum flammâ & fumo in auras dissipatæ, si ulla ratione capi, & conservari possent, nullus dubito quin magni momenti medicina acquiri possit. Huic ego respondens quæro, cur tanta efficacia non conservetur, & ad medicinam optimam conficiendam usurpetur, priusquam ustione evanescat, & in auras abeat? Quicumque Philosophus modum hoc efficiendi ignorat, vilis profectò est Philosophus, qui erubescere omninò deberet, quod aliis scientia & eruditione ipsum superantibus ex nimia superbia se præponat, & eosdem contemnat. Qui palpabili & coagulata aliqua materia, antequam usta consumatur, & evanescat, uti nescit, quo pacto eandem ex chao suo eliceret, & concentraret? Quod verò non unusquisque nobile hoc sulphur multis vinculis arctissimis irretitum, & fortissimis custodibus custoditum liberare sciat, neutiquam mirum est. Etenim haud facillè obsequitur, nec cuivis vocanti adest. Ex omnibus Philosophis nullus est, qui clarius & apertius doceat, quo pacto vinculis suis expediri queat, quàm Sendivogius expressè dicens: *Hoc sulphur in obscuro carcere captivum, ac vinctum delitescere, & à fortissimis custo-*

custodibus custodiri. Solum autem Salem incurabile ipsi vulnus in pugnâ inflixisse. Clarius auctore laudato, hoc nemo dixerit. Qui igitur nescit, qua ratione vitalis illa virtus vinculis suis expedienda, & ad summam medicinam usurpanda sit, citatum Sendivogium audiat, qui ipsum clarè docebit. Si ab eo non didicerit, non est cur ipsi adjumento esse quis laboret.

Similitudine rem proponam: Homo ex tribus compositus, corpore, spiritu, & anima constat. Corpus est visibile, immobile, crassum, terrestre & corruptibile: Spiritus invisibilis, vivus, mobilis, & tamen mortalis: Anima verò hominis pars nobilissima immortalis.

Pari ratione & in Vegetabilibus & Mineralibus anima aliqua animadvertitur, quanquam pauci sunt, quibus ejusdem extractio innotuit. Sicut igitur in homine anima nobilissima pars est; Spiritus verò vilior; & corpus vilissimum: Ità etiam cum Vegetabilibus, & Mineralibus comparatum est. Animam Vegetabilis, aut Mineralis alicujus acquirere desideranti separanda est anima illa fixa & constans artis adjumento ab illo corpore crasso, inutili, & mortuo. Quamdiu enim crassum corpus nobilissimæ animæ adhæret, tamdiu hæc debito modo se movere nescit, nec suam nobilitatem demonstrare potest: sed à crasso suo corpore vincta & captiva detinetur, donec ab aliquo vinculorum solutionem callente liberetur. Corpore autem crasso deposito,

sito, vinculis soluta & libera mox vires suas exserere potest. Medicorum igitur cura hæc potissima esto, ut loco corporis viribus destituti, & mortui, animam fixam & vivificantem ex Vegetabilibus adipiscantur, ut eâ in morbis curandis utentes longè majora præstent, quam nunc quidem faciunt.

Hanc dissertationem eâ tantum gratia hîc inserui, ut indicarem, integrum corpus parvi admodum momenti esse, & nobilissimam solummodo in eo partem, *animam* scilicet, idoneam reperiri, quâ aliquid boni in medicinâ præstetur.

Quemadmodum autem in Mineralibus præter fixum & incombustibile Sulphur aliud reperitur combustibile, & fugax: Ità etiam duplex Sulphur reperitur in Vegetabilibus, in quorum per retortam destillatione cum phlegmate, & acido spiritu, pingue quoque & combustibile oleum expellitur, quod suis quidem viribus pollet, sed neutiquam ea præstare potest, quæ pars in nigris carbonibus residua efficere solet. Quò constantius enim, & fixius fuerit medicamentum, eò fixiores & diuturnioris moræ aggritudines aggreditur, sicut è contrario fugacia medicamenta in iisdem debellandis minus efficacia deprehenduntur.

Quod de Vegetabilibus tradidimus, spiritum nempe volatilem, aut fugacem, & animam constantem ac fixam ipsis inesse: Idem quoque de Mineralibus intelligendum, quæ præter combusti-

bustibile Sulphur etiam fixam & constantem animam possident.

Quicumque verò conjunctionem animæ Vegetabilium, cum Mineralium animâ noverit Medicamentum consequutus est, quod hominis animam stupendâ ratione corroborare potest. Vegetabilium enim, & Mineralium animæ coagulati sunt Solis radii, qui necessariò vivificantem virtutem continent, cum ipse Sol omnes res vitæ participes reddat.

Veluti autem homo, si Solem, aut vicarium ejus, ignem, terrestrem solem, tantummodo aspexerit, etiam si in profunda & admodum frigidâ cellâ sederet, ac calefacientes, ac vivificantes ejusdem vires non sentiret, tamen nudo ejus aspectu cor suum recreari, & corroborari animadverteret: Quanto verò majorem corroborationem & recreationem cordis sensurus esset, si vini aut alterius alicujus herbæ animam cum auri animâ conjunctam interno usu adhiberet ad curandum corpus suum, cum quo animabus illis maxima intercedit familiaritas. *Simile enim simili gaudet*, & eidem jungi desiderat, ac proinde nemini absonum, & à veritate alienum videri debet, quod animam Vegetabilium, æquè Auri, quàm humidi radicalis corporis humani augmentum esse posse asseram. Nam Vegetabilium anima nil aliud est, quàm Essentialis Sal Universalis, qui in omnibus rebus reperitur.

Cum

See further on

notam deductum aquæ limpidæ & claræ similitudinem habere, sapore fervido, & igneo linguam ferire, & odorem sulphureum, sed jucundum exhalare.

Sed diceret quis, numquid virium ejusmodi aquæ claræ inesse potest? Quâ ratione Aurum Potabile nuncupandum, quod flavum aut rubrum esse deberet? Huic respondeo, in albore ruborem absconditum in tenera ipsius juventute non conspici, sed cum ipso ad majorem ætatem, ignis auxilio, perveniente prodire, ac pulchritudinem suam, cum robore & efficacîâ summâ in lucem prodere. Ità enim Philosophi dicunt: *Nisi aurum nostrum albaveritis, non rubescere poteritis.* Et alio in loco: *Si quis Aurum scit destruere, quod amplius non erit Aurum, iste ad maximum pervenerit Arcanum.* Iterum alibi: *Aurum nostrum non est aurum vulgare, sed aurum in potentia, non in forma.* Dictorum, & sententiarum talium tota Turba Philosophorum plena est, ex quibus exactè demonstratur, quod verum Aurum Potabile non mox externo aspectu rubrum esse debeat, sed nomen illud mereatur, si modo aurea, & rubra illa vis & efficacia in interno ejus principio delitescat. Nam si albor rubedinem absconditam non tegeret, in ruborem nunquam abire posset. Aurum meum Potabile ignis adjumento coagulatum, & ad stabilitatem in igne redactum in sanguinei coloris lapidem mutatur, & in fusionem corporale Aurum non reddit, nisi Metall-

cum corpus ipsi adjungatur, in spirituale & Philosophicum Aurum se recipit, ut corpus induendo corporale evadat.

Hoc meum Aurum Potabile est *Lac Virginis* quod exiguo calore coagulatur: Hoc Coagulum in *Draconis sanguinem* transit, qui coagulatus necessario *Salamandrum* constantem reddere debet. Nunquam quidem hactenus eum paravi, nec parandi occasionem nactus sum; sed lacte Virginis meo, tanquam optimâ Medicinâ Universali contentus patienter exspecto, quid Divina Gratia mihi tempore futuro largitura sit.

Ut autem pergens demonstrem, quod meum Aurum Potabile etiam Mineralibus medeatur, eadem emendet, ac aurea reddat; nonnullos modos illud tam siccâ, quam humidâ viâ efficiendi hîc apponam.

Modus per humidam viam periculum faciendi, an Aurum potabile meum verum Aurum Volatile philosophicum sit.

℞. **A**uri Potabilis mei ʒj. & vitri alicujus fortis & parvi dimidiam partem implenti ʒj. aut ʒss. Argenti vivi vulgaris (NB. Vitrum illud in fundo rotundum esse debet, sive portio alicujus matratii parvi, aut violæ alicujus fuerit, ut Mercurius se in unum globum in fundo colligere possit) impone, ac vitrum cum Auro Potabili & Argento vivo arenæ usque ad altitudinem

linem liquoris immitte, calefac, & in sufficiente calore per horam unam relinque, ut phlegmate exhalato Aurum Potabile in album Salem residueat. Hoc facto, Sali isti rursus aquæ pluvix tantum affunde, quantum coquendo perdidit; ut vitrum eo usque, aquâ pluviâ reple, quousque antea Auro Potabili repletum erat, ut aliquandiu supra Salem illum quiescens, eodem sortuto in idem Aurum Potabile convertatur, & eundem colorem, eundem saporem, ac easdem vires habeat, ut antea habuit. Mercurius effuso Auro Potabili liberatus in fundo durus & fixus, instar optimi Auri, eadem magnitudine, qua vitro inditus est, reperitur. NB. Si forsan errore commisso Argentum Vivum non satis tinctum, & ad debitum gradum non deductum, nigrorem aliquem obtinuerit, ex vitro eximendum, & crucibulo alicui parvo imponendum, ac prunis probe candefaciendum est, ut Auri colorem debitum recipiat, quem etiam optimo Ducatorum Auro respondentem consequetur, & in omnibus examinibus probum & constans permanebit. Illud verò Aurum Potabile, quod ad Mercurii coagulationem adhibitum est, sæpius ad eundem laborem adhiberi potest, hac tamen cautione adhibitâ, ut semper sequenti vice minus Argenti Vivi ad hanc operationem sumatur, quam prioris vice sumptum est, eò quod Aurum Potabile successivis ejusmodi laboribus usurpatum sensim virium suarum jacturam faciat.

Modus hic Mercurium coagulandi, etiam in aliis Mineralibus & Metallis coagulandis usurpari potest, modo Metalla in ténues bractéas reducta imponantur. Nam nimis crassa imposita tam brevi temporis spatio tota ab Auro Potabili ad debitum perfectionis gradum digeri non possunt, sed intus cruda manent, atque ideo hujus rei accurata ratio habenda est. Si labor hic rite peragatur, metalla magnitudine, figurâ, & formâ eâ quâ imposita sunt, penitus in purum & verum aurum transmutantur, unum tamen citius, & commodius altero, prout auro vicinius fuerit. NB. Si metallum debito modo non tractatum sed adhuc nigrum ex Auro Potabili exemptum fuerit, probè candefaciendum est, ut Aureum colorem sibi adsciscat. Qui etiamnum dubitat, Saturno impositum per Cineritium sive Cupellam purget, ut se Aurum verum habere certus sit & omni dubitationis scrupulo liberetur. Nam tali Auro Saturnus & Antimonium nec quicquam detrahet, quod ipsum examen clarissimè demonstrabit.

Modus per siccam viam faciendi periculum, quomodo imperfecta Metalla à meo Auro Potabili transmutentur.

℞. ʒj. **A**uri Potabilis mei, sive Lactis Virginis, & vitreâ patellâ, cui imponendum, arenæ calidæ immisâ omnem humiditatem
 evapora,

evapora, donec Salis alibi ferè $\frac{3}{4}$ lb. remaneat. Hunc crucibulo impone cum $\frac{3}{4}$ lb. vel $\frac{3}{4}$ lb. laminati Argenti, aut Cupri, aut ferri; stannum, & plumbum nulla laminatione opus habent. Crucibulum cum Sale & Metallo prunis ligneis immitte: Sal instar ceræ illicò liquatus mox metallum totum penetrabit, & in Aurum mutabit, quod quarta horæ unius parte, aut ad summum dimidiâ hora peragitur. Effuso ex crucibulo sale, Metallum lamina in eodem reperitur, eandem quantitatem & figuram retinens, quâ immissa est, & penitus in aurum purum putum transmutatum. Stannum, & plumbum, utpote facilis fusionis in grana liquantur puri puti Auri naturam obtinentia. Si crucibulum nimio igne nimis calidum evaserit, usu quoque venire potest, ut & argentum, cuprum, atque ferrum in grana abeant, id quod studiosos Artis celare nolui.

Hæc sunt, artis Studiose, duo ista mei Auri Potabilis examina, illud per viam siccam, & humidam examinandi, quibus si ritè perfunctus fueris, à scopo non aberrabis. Transmutationem autem hanc lucrosam esse non assero, & jam superius inficias non iui, me eum in finem tantum hæc omnia divulgare, ut artis possibilitatem oculis subjiciam. Quamvis enim Aurum his examinibus acquisitum verum, & purum putum sit Aurum, omnibus Auri examinibus solitis satisfaciens, nihil tamen utilitatis adfert, eò quod Aurum hoc Potabile, antequam potestatis dictæ

gradum consequatur, eos sumptus requirit, quos Aurum ejusdem beneficio acquisitum compensare nequit. Imo si aliquod commodum adferret, malè tamen faceret, quicumque Medicinam tam regiam tantillo auro consequendo impendere vellet, cum alii modi aurum suppeditent, & peccatum profecto ac dedecus summum foret, tam pauca pecuniæ causa Medicamentum ejusmodi præstantissimum & excellentissimum velle consumere. Nec eum etiam in finem illud memoriæ prodidi, ut ad Aurum faciendum adhibeatur, cum ille mihi scopus tantum propositus sit, ut toti Mundo ob oculos ponam, homines adhuc hodiè reperiri, quibus Divina Gratia præparandi & conficiendi optima medicamenta artem largitus est. Aliis aliquid ex meis scriptis addiscendi, & opus hoc ad ulteriorem perfectionem adducendi occasionem arreptam non invidéo. Sed impius velim neutiquam sibi persuadeat, se ad male faciendum, & malitiam exercendum, instrumentum hoc consequuturum esse. Deus, qui novit, quid sibi faciendum sit, ea non faciet, quæ nobis libuerint, & placuerint. Veritatem à me scriptam singulis horis demonstrare possum, quâ demonstratione etiam acquiesco.

Variis variorum judiciis scripta mea exagitationum iri, facili quidem conjecturâ assequi, sed neutiquam impedire valeo. Nec tamen etiam curo, unico hoc solatio nixus, quod Veritatem indubitatam scripserim, & eidem coràm toto mundo

do patrocinari queam. Quid verò mihi quis ob-
licere posset, facili conjecturâ assequor : Nihil
scilicet aliud quàm hoc, quod meum Aurum Po-
tabile judicet esse nudam Auri communis solu-
tionem, quæ aliis metallis adjuncta Aurum per
ipsa præcipitatum, & in pristinum corpus rever-
tens reddat, ità ut Verum Aurum Potabile neu-
tiquam sit, atque hæc Auri vera transmutatio di-
ci non possit. Objectionem hanc ut refellam,
rogo; An corporale Aurum commune sine Cor-
rosivo aliquo liquore solvi queat? Nam hoc
meum Aurum Potabile omni corrosione carens
igneæ est aqua omnibus Corrosivis maximè con-
traria, cum nihil aliud sit, quam Nitrum fixa-
tum, sive Sal Sulphureus, quibus salibus profe-
ctò nulla cum Auro Vulgari familiaritas inter-
cedit, & eæ vires neutiquam insunt, ut illud
dissolvant. Imò si fieri posset, ut Auri Vulgaris
corpus iisdem Salibus fixis solveretur, ac meum
Aurum Potabile tali solutione dissolveret, ne-
cessarium utique esset, ut solutio illa Auri colo-
rem flavum, aut rubrum indueret. Sed res ità se
non habet, cum meum Aurum Potabile adeò
clarum & limpidum maneat, ut ipsam fontium
aquam splendore suo pellucido longè superet.
Huc accedit, quod Auri corporei solutio manus,
ungues, capillos nigro colore tingat; meum
Aurum Potabile è contrario illud minime faciat,
atque ideò Auri Philosophici titulo jure ac meritò
gaudere debeat, & possit. Omnes enim Philo-

sophi, qui Medicinæ Universalis possessores veri fuerunt, expressis fatentur verbis; *Aurum suum, aut ejus solutionem manus colore nullo inficere*, quo indicio & signo Vulgare, & Philosophicum Aurum distinguunt. Hinc necessario sequitur; meum Aurum Potabile ex vero Auro Philosophico paratum esse, cum nullo colore manus tingat.

Esto autem, quod Auri Vulgaris solutio men- strui alicujus non corrosivi ope peracta esset, qualis mea non est, attamen imperfecta Metalla, & Argentum Vivum vulgi in digestionem penitus non tingeret, & transmutaret, sed superficiem eorum solummodo, instar cæterarum solutionum omnium, Auri præcipitati colore obduceret, qualis pulvis idem præstans ex Vulgari Auro parari potest, cujus parandi modum in scriptis meis tradidi. Eo obductum Argentum perinde deauratur, ac si Argento Vivo vulgi, & Auro deauratum esset: Superficies igitur tantum deauratur, Argentum verò ipsum nullatenus transmutatum in pristino suo statu manet. Sic Aurum solutum in Salis spiritu, Vitrioli Veneris adjumento, cujusvis ferri superficiem deaurat, sed ferrum ferream suam proprietatem & naturam retinet. Aquæ copiosæ tali solutioni affusæ si Argentum vivum, stannum, plumbum, Ferrum, aut Bismuthum imponatur, Aurum ex Corrosiva aqua præcipitatum instar porosæ spongiæ Metallo imposito adhærere solet. Ut primum autem
 aqua

aqua commovetur, Aurum præcipitatum instar limi turbidi per aquam se dispergit, impositumque metallum sine ulla transmutatione idem est, quod ante fuit.

Si etiam ulla Vulgaris Auri Solutio imperfectiorum Metallorum integrum corpus tingeret, quod tamen fieri nunquam potest, necessario Metallorum, ac imprimis Lunæ puræ superficiei externæ eadem affricata, aut illita corporum externas superficies deauraret; id quod Aurum Potabile meum non facit, sed Argento illitum illud omnis generis coloribus, quales infiniti in Pavonis cauda apparent, colorat, & pingit, adeò ut haud facile deleri possint, & indubitato sint argumento, non Vulgare, sed secretum Aurum Philosophorum, hoc meum Aurum Potabile esse.

Omnibus, his atque aliis similibus Objectionibus facilimè responsionibus debitis occurrere possem, si mihi objicerentur: Sed neminem tam audacem fore puto, qui melius quid in medium non adducens se oppositurus sit iis, quæ totius Mundi judicio bona judicantur.

Si cui meliora nota fuerint, eidem & hæc nota erunt, nec ab ipso contemnentur. Ignaro perinde est, quidquid contemnat, sive bonum, sive malum sit, quia ignorat, quid distent æra lupinis. Hujus rei testis est Farnarrus iste, de quo jam ad nauseam usque verba facta sunt. Cui verisimile fieri non potest, quod Universalis Medi-

cina sit, ille experiatur, ut ipsius rei veritatem exploret. Experienciâ rem investigare recusans, de me iudicium ferendi pruritu supersedeat, ne se ipsum iudiciis aliorum subiciat, & se purum putum asinum esse prodat. Sapienti sat dicitur; Stulti nullâ doctrinâ sapere discunt.

Disputent autem & iudicent de hoc meo Potabili Auro Imperiti, quantum velint, nihil ipsis nisi hoc unicum occino: Si quid melius habetis, in medium producite, & examini requisito subijcite. Sin minus, ora invida obturate, & illud non contemnite, quod intellectus vester stupidus non capit, & quo aliquid melius producere nescitis.

*De mei Auri Potabilis Veri usu
in Medicina.*

Quid multa verba jam faciam de maximis mei Auri Potabilis in Medicina viribus & virtutibus? Magnum de ipsis librum conscribere necessarium non autumo, siquidem ejusmodi scriptiones sæpè plus obsunt, quàm prosunt. Et enim adeò invaluit scribendi cacoëthes, ut vel colorato alicui Vino adusto tantas vires sæpius adscribere non erubescant, quantæ vix Auro Potabili ipsi adscribi possent. Haud abs re quidem est, quod nonnunquam in vili admodum re plus virium lateat, quam in pretiosis, & sumtuosis margaritis reperitur. Sed quia unusquisque verum

rum à falso discernere nequit, & contrà iis fidem adhibere cogitur, quæ auribus haurit, fieri non potest, quin à veritate aberrans sæpè boni loco malum eligat; cui vitio Examen medetur, quod rerum veritatem explorare solet.

Si mihi mei Auri Potabilis vires accuratè essent describendæ, volumen ingens replendum foret, id quod hujus loci non est, sed Deo dante propediem expedietur libello, qui multa alia meorum optimorum medicamentorum comprehendet, & sub *Pharmacopœæ Glauberi* titulo lucem videbit. Hic paucis mei Auri Potabilis usum innuam.

Quoniam igitur meum Aurum Potabile, ut jam sæpius inculcavi, ignis est concentratus, & in formam liquidam redactus, & tota ipsius essentia nulli alii rei nisi tenero, penetranti, flamma tamen carenti igni similis dici potest; cuius in promptu est conicere, ad quid conferat, & quem in Medicina usum habeat.

Ex omnibus elementis purissimum, subtilissimum, penetrantissimum, & efficacissimum est ignis, & quidem nemine contradicente. Ignis enim vis, calor nimirum etiam densissima corpora, ut Metalla, & Vitrum penetrat, & nihil est, quod ipsi viam obstruere possit. Aqua, terra, & aër facilè excluduntur. Deus ipse Omnipotens cum igne comparatur, à quo omnia spiritum & vitam accipiunt, & sine quo nihil vivere, ac se movere potest, cum omnia sine ipso mortua, dura, & frigida

gida mancant, ut ex hominis aliorumque animalium corporibus patet, quæ viva semper calent, mortua glacie quavis frigidiora evadunt.

Quamdiu igitur vitæ scintilla illa in hominibus, aliisque animalibus debito cibo & potu nutritur, ac alitur, tamdiu etiam alimenta sua attrahit ac in vigore suo perseverat. Ut primum verò nutrimento sibi detracto destituitur, vita mox debilitari, & deficere incipit, sicut lampas accensa, si oleum non affundatur, tandem lumine suo extincto spoliatur. Siquidem ergo hominis vita ignis merus apto cibo & potu solo fovetur & sustentatur, lampadis instar, quæ sine olei affusione, & aëre, sine quo nullus ignis ardere, & nulla vita vivere potest, lumen suum conservare nequit; quærere quis posset, quid causæ sit, quod homines adeo faciliè morbis corripiantur, qui optimi cibi & potus ad sustentandam vitam aptissimorum penuria nulla laborant? Huic respondeo; quod in ejusmodi hominibus crassi, crudi, tenaces & frigidi humores aditus ad vitæ punctum & scintillam occludant, ut nutrimento subtracto hæc spoliatur. Exemplo nobis est lampas accensa, in qua filum seu ellychnium olei impuri affusi fecibus obstipatum & obrutum nihil olei amplius ad flammam ardentem admittit, & facit, ut eadem extincta evanescat & emoriatur, licet olei affatim adsit. Sic & in arbore vetulâ, licet magna fimeti stercoreantis copia adhibeatur, perpetua non est vegetatio, sed cuncta tandem

dem emoriuntur. Mortem hanc promouent crudi, crassi, & tenaces humores radicibus se insinuantes, & iis obstructis nutrimentum debitum arbori subtrahentes, sicuti in hominibus, & lampadibus accensis fieri solet, quod modo diximus.

Omnia causas suas naturales habent, quod Deus procul dubio ita ordinavit, & naturę indidit, ut cunctis rebus suo ordine ad interitum properantibus, nihil omnino constans & stabile in rerū natura reperiatur, omnia occasui & morti obnoxia sint, & sola æternitas, & divina stabilitas patefiat.

Aqua limpida multorum annorum decursu per canales & fistulas ligneas transcurrens illas tandem limo replet, coarctat, ac sibi ipsi viam & cursum suum obstruit. Hęc est aquę fontium clarę & frigidę operatio. Calida idem longē citius exsequitur, ut patet ex thermis Aquisgranensibus, & aliis, in quibus frequenter canales, fistulę & aquę ductus aperiendi & mundandi sunt, quod aquę liber meatus conservetur. Omnium citissime talem operationem edunt aquę illę, quę calidę refrigerando mox feces in vasis deponunt, & ea obstruunt. In vasis apertis idem fit, si nimirum aqua fontis limpida & pellucida in ahenis pluribus vicibus calefiat, & calefacta toties refrigerat: tandem enim aheni interioribus partibus tenax adhærebit limus, qui ultimo in durum lapidem convertetur. Si talem operationem efficit aqua fontis pura & limpida, quid illam facturam censes, quę sua natura est turbida

turbida, crassa, salsa, & limosa? Hinc non solum nova & recens pressa vina, siue turbida ista musta, feces suas ad fundum demittunt, & tartarum suum dolii lateribus affigunt, sed etiam vetera, sed novis minus copiose, idem faciunt.

Quandoquidem verò potus ejus generis turbidi hominibus nutrimentum præbent, necessarium omninò est, ut viscera corporis interna, eorundem fecibus obstipata, vitæ nutrimentum suum, sicut lumini sæculentum oleum, subtrahat. Cuncta enim illa, quibus homo vescitur, & quæ bibit quotidie, temporis progressu internorum viscerum ductus & meatus in corpore humano obstruunt, & ignem vitalem suo nutrimento spoliant. Quò magis igitur hoc nutrimentum vitæ subtrahitur, eò citius lumen, aut ignis vitalis exstinguitur, ac frigida & tenebrosa mors propius accedit, & superior evadit. Hinc natum vetus dictærium: *Cocta comede, clara bibe, vera loquere, ut diu vivas*. Diceret vero aliquis: Turbidos igitur potus vitabo, ac coctis & probe paratis cibis vescar, ut ad mortem viam non sternens diuturniore vitâ fruam. Benè quidem hoc dictum, cum ad valetudinem conservandam sobrietas in cibo & potu, ac crassorum, crudorumque ciborum, & turbidorum potuum vitatio multum conferant: Sed quod tandem morbis obnoxius non futurus, nec moriturus sit, non sequitur. Nullus enim cibus adeò coctus, nullus potus adeò clarus est, qui occultas suas feces se-

cum

cum non vehat, quibus temporis decursu longiore vasa interna non obstipentur, & morbi non introducantur, sicut modo, puram aquam fontanam meatus suos temporis progressu obturantem idem facere, exempli causa, demonstravimus. Pari ratione etiam arboribus in montium jugis altissimis, licet clarissimâ aquâ pluvîâ nutriantur, alimento ab obstipatis radicibus subtracto, tandem moriendum est.

Interea non dico, quod quercus, aut alia arbor ferâ in silvestribus locis sola aqua pluvia, & foliis, quæ quovis anno decidunt, nutrita non diutius duret, quam arbor aliqua frugifera quæ singulari studio & labore in hortis stercoreatur, & colitur. Notum enim est, sæpius contingere, ut quercus aliqua ad millesimum durationis suæ annum perveniat, cum è contrario culta ejusmodi arbor vix centesimum attingat, id quod nutrimentorum diversitati acceptum ferendum. Cervus in sylva, & corvus in aëre vivendo centesimum ætatis annum excedere possunt: capti, & optimè nutriti vix quinquagesimum superabunt. Homo aliquis solo pane & aquâ victitans proculdubio viam suam in longè plures annos prorogaturus esset, quam si delicato cibo & potu uteretur, id quod manifestissimum quidem, hominibus tamen neutiquam cordi est, qui nimîâ deliciarum copiâ fruenter onere nimio naturam gravant, unde viscerum obstructions oriuntur, & ad morbos via sternitur. Arbor fimeto nimio stercoreata
nimiam

nimiam sibi pinguedinem simul & semel adsciscit, id quod radices obstruit, & nutrimentum impedit, quominus trunco, & ramis suppeditari queat, unde mors ingruens arboris vitam extinguit. Quid consilii ergo? dices: Si obstructions præcipuæ morborum, & mortis causæ existunt, nullane sunt remedia, quorum ope obstructions ejusmodi præueniri, aut si invaluerint, omninò tolli queant? Utrumque fieri posse ajo, nimirum ut & maturè præveniantur, & etiam penitus tollantur, si vires acquisiverint: id quod ejusmodi medicamentis perficitur, quæ naturæ amica, & iis contraria sunt, à quibus obstructions, & constipationes illæ originem suam trahunt. Nam frigidi, tenaces, impuri, & aquosi humores necessario calefacientibus, attenuantibus, incidentibus, penetrantibus, & igneis medicamentis attenuandi, emolliendi, incidendi & aperienti sunt, quandoquidem diuturna experientia docuit, omninò fieri non posse, ut obstructions, qualescunque etiam fuerint, sine calefacientium, & penetrantium medicamentorum adjumento auferantur. Ex omnibus Medicamentis istis certissima & efficacissima reperta sunt Spiritus volatilis salis communis, aut Vitrioli corrosionis expers; Spiritus volatilis Tartari crudi; Spiritus Urinæ, & Salis Ammoniaci, alique similes spiritus ignei, qui in amoliendo ejusmodi obstructions, suas vires optimo cum successu exercent. Quia autem volatiles illi spiritus plærumque

rumque obstructions tantum incipientes , & non confirmatas aggrediuntur , & resolvunt , fixiores verò & inveteratas non adoriuntur , utpote tantum virium non habentes , ut illas debellent & ejeciant , quæ à sui similibus , i. e. fixioribus medicamentis ejici volunt , quod peritorum Medicorum nullus diffitetur , in eo totius rei cardo versatur , quo pacto ejusmodi Medicamenta acquiri possint , quorum auxilio non solum recens exortæ , sed etiam inveteratæ , & confirmatæ obstructions ex corpore humano exigantur. Herbis & similis naturæ rebus illud effici nequit , ut præsens tempus ipsum apertè testatur , quo nullus ejusmodi obstructionibus obnoxius herbarum & similium rerum ope curatur. Nam postquam æger palliativam curam diu frustra adhibuit , mors tandem ingruens post multas ollulas liguriendo exhaustas ipsum abripit , quod tamen facili negotio Medicina aliqua bona caveri potuisset. Etenim quo pacto fieret , ut frigida , crassa , cruda , & non probè parata medicina frigidos & crassos humores calefactos , incisos , & emolli-
tos educeret ? Perinde esset ac si quis glaciei frusto frigido , aliud glaciei frustum liquare , & in aquam reducere vellet : id quod tamen sine igne nunquam effecturus esset. Ideò ad frigidas , & tenaces istiusmodi obstructions calefaciendas , extenuandas , & everrendas penetrans , igneum , vivum , & bonum Medicamentum adhibendum , & Syrupi , conservæ , ac

julapia frigida, mortua, & mucosa removenda sunt.

Satis mirari non possum, quando mihi de vita hominum in mentem venit, quod ea tam parvi æstimetur, & tam temerè ac petulanter ex pura putaignorantia negligatur. Adeò cæcus, & pertinax est præsens Mundus, ut hoc credere nec velit nec possit, licet ipsi digitis demonstretur. Nemini tamen hæc pervicacia plus obest, quam innocentibus, qui hæc non intelligunt, & ea tantum credere coguntur, quæ dicta auribus hauriunt. Cætera casui & tempori cum reliquis erroribus committunt, quibus, ut & aliis abusi- bus, hoc si Deo placuerit, remedium aliquod tan- dem aliquando subministrabit.

Concludimus igitur, & statuimus, præcipuam & potissimam morborum ac mortis occasionem, & causam existere tenaces, lentos, ac crassos hu- mores, qui corporis viscera interna sensim & pe- detentim occupant, obstipant, Humido Radi- cali nutrimentum suum subtrahunt, & Ignem vi- talem magis ac magis debilitatum tandem peni- tus extinguunt.

Quibus removendis & disjiciendis nullum re- medium est aliud, quàm ut viscerum internorum meatus aperti & puri conserventur, aut jam ob- structi aperiuntur, & referentur.

Hoc perfectè effectui dare novit meum Au- rum Potabile, quo hand facilè melior, & ad cor- poris humani obstructions omnes rescandas, & ape-

& aperiendas aptior medicina reperiri poterit. Naturâ enim suâ subtilis, penetrans, & ignea est essentia quæcunque frigida calefaciens, crassa attenuans, tenacia incidens, ac cunctos humores consumens, & exsiccans; adeò ut in usum adhibita omnium obstructionum generationem quamcunque inhibeat, & impediat, ipsasque jam natas & ortas emolliendo, & incidendo penitus amoliat. Huc accedit, quod in Humido Radicali, & Spiritu Vitali corroborando; & incolumi conservando omnibus aliis medicamentis idem præstantibus palmam eripiat; ideò dignissima, quæ omnium Medicamentorum Centrum Concentratum & appelletur, & æstimetur. Etenim omnes virtutes, quæ in Vegetabilium, Animalium, & Mineralium quovis simplices & diversæ inveniuntur, & particulari efficacîâ morbos adoriuntur, in meo Auro Potabili concentratæ, & in unum collectæ universales suas vires exserunt, ac ideò illud *Vniversalis Medicina* titulo jure ac meritò insigniendum arguunt. Nam in corporum humanorum curatione hoc Medicamentum cæteris cunctis medicamentis celerrimâ virtutum suarum operatione non modo antecellit, sed & in Vegetabilium ac Mineralium emendatione iisdem planè viribus admirabilibus pollet, eâ de causâ, præ cæteris omnibus, summis laudibus extollendum, & cunctis aliis præponendum.

Si autem in morbis hominum domandis & debellandis longè nobilioribus & efficacioribus vi-

ribus polleret, quàm jam pollet, & è contrario in Vegetabilium, & Mineralium emendatione iisdem viribus nihil efficeret, *Vniuersalis Medicina* appellationem vendicare sibi neutiquam posset, sed in particularium Medicamentorum censum solummodo veniret, utpote solum Animalium morbis mederi sciens. At quoniam, ut suprà modò diximus, meum Aurum Potabile non solum hominibus in Animali regno, sed etiam Vegetabilibus & Mineralibus cunctis, extra quæ tria Regna, Vegetabile nimirum, Animale, & Minerale in tota Natura nihil aliud reperiri potest, potentissimè succurrit, ac summa cunctorum Medicina est; Idèò etiam *Vniuersalis Medicina* nomen & titulum jure sibi arrogat.

Philosophi quidem Vniuersali suæ Medicinæ adscribunt, quod cunctis humani generis, & imperfectorum metallorum morbis, & defectibus mederi, & hæc in perfectum aurum transmutare queat. Quod autem & Vegetabilium Medicina summa sit, tacent. Silentio cur prætereant, accuratè dicere non possum, nec illud aperire necessarium duco. Me ulterius progredi, & in Vegetabilibus idem præstare eandem, manifestare sufficit.

Rectè tamen quivis me intelligat velim, nec adèò simplicem æstimet, quod *Aurum Potabile* meum, magno illi *Philosophorum Lapidi*, per projectionem Metallorum imperfectorum grandem copiam in purissimum Aurum convertenti æqui-

parem.

parem. Tantas enim Medicinæ meæ vires, quæ in ipsa non sunt, non adscribo, sed tamen dicere etiam non possum, an temporis progressu quid melius ex ea emerfurum non sit. Eum terminum hæcenus non attigi, nec unquam forsan eò progressurus sum. Non est in mea, sed Dei potestate situm, qui id concedere & largiri, cui vult, potest. Interea Deo Patri cœlesti meo gratias maximas ago pro dono illo tanto, quod mihi largitus est, mihi (inquam) non digno, cui Regius iste Infans tam parvus donetur. An verò prorogatam suam gratiam Benignus ille Pater diutius mihi largiturus sit, ut infantem dictum ad virilem ætatem deducam, & ipsi honoris & gloriæ coronam imponam, mihi non constat. Penes ipsum hoc est, qui, quandocunque vult, omnia dare & adimere potest.

Quæcunque hîc literis mandavi, ea omnia putæ putæ Veritati congruunt, nec alium finem respiciunt, quàm gloriam & honorem Dei, ac admirandorum ejusdem Operum patefactionem; postea verò & miseri ac egeni generis humani incolumitatem, & salutem corporalem, ut ita Talentum mihi à Deo concreditum fructus debitos reddens, proximi commodo impendatur.

Porrò Medicinæ suæ Philosophi attribuunt, quod ex omnis generis silicibus variorum colorum lapides pretiosos naturalibus colore quovis respondentes conficere queat. Idem & à meo Auro Potabili requiret forsan aliquis, cui, ut ali-

quoties, itā & hac vice iterum respondeo ; Aurum Potabile meum adhuc imperfectum esse , & in infantia sua versari , quod ignis beneficio ad perfectionem deductum forsan illud idem effectui daturum esset . In eo autem statu, in quo jam versatur , & ad quem à me deductum est, in præsentia constitutum, trium horarum spacio in crucibulo testō in lapidem pellucidum , sanguinis instar rubentem , & rubino similem mutatur , de quo si frustulum parvum vitro fuso injiciatur , illud viride, flavum , cœruleum, aut etiam nigrum reddit, prout majore vel minore quantitate injicitur, aut diutius in fluxu conservatur. Si hæc nondum fixum, & maturum operatur , quid operaturum sit , si ad perfectam in igne constantiam deductum fuerit , facili conjecturâ unusquisque augurari poterit.

Cæterum nonnullas ex silicibus albis species aliquot horis in igne detentas variis coloribus tingit , ipsumque Sulphur in optimum aurum transmutat, quod verissimum & certissimum , ex omnibus iis, quæ unquam auditu percepi, in summam me admirationem maximè rapit. Quo autem pacto mihi hoc innotuerit, in præsentia indicare operæ precium erit. Imposueram aliquando arenæ aliquot dicti mei Auri Potabilis uncias patellæ , seu porcellanæ , ut vocant, immissas , ut phlegmate evaporato illud in Salem reducerem. Calore ignis , me absente , nimis aucto, bona liquoris pars ebulliendo patellâ excessit, ac in arenam

nam se effudit. Accedens aliquando, ut inspicerem, ex patella effusum liquorem se in arenam calidam abdidisse deprehendi. Arenæ, quæ quasi in unum corpus cum Auro Potabili coiverat exemptæ, atque vitro immissæ affudi aquam pluviam, vitrumque arenæ calidæ imposui. Aquam, quæ Salem extraxerat, postea cum arena sale liberata infudi infundibulo, atque ita per filtrum liquorem sale imprægnatum, qui colore & sapore non mutatus, ac pellucidus transivit, ab arena separavi. Hæc autem prius alba, nunc verò colore subrubro vestita summam mihi admirationem movit, quod arenam etiam Aurum illud Potabile tingeret. In cupella vero examini subjecta aurum purum mihi reddidit, id quod majori admiratione me affecit: Admiranda enim est transmutatio, qualis nunquam ad aures meas pervenit. Hinc mihi persuadeo, frustum CrySTALLI aliquod digestionem solâ in hoc Auro Potabili in lapidem pretiosam digeri posse, quamvis ejus rei periculum non fecerim; facturum tamen, si mihi Deus vitam prorogaverit.

Periculo hoc facto, mox conjeci arenam, cui herbas infeveram, & quam meo Auro Potabili madefeceram, plenas auri virtutes, & qualitates herbis insitis non impertivisse, sed potiorem partem ad sui emendationem sibi retinuisse, & minimam herbis portionem concessisse. Hæc conjectura me non fefellit, utpote qui, occasione negotium hoc investigandi arreptâ, rem ita se ha-

bere expertus sum. Ea de causa, ut in posterum herbis aureas facultates & virtutes plenius conciliarem, arenam non amplius adhibui, sed in ejus locum substitui lignorum ramenta, quibus herbas cœpi inferere. Tam fortibus enim viribus lignum non est præditum, ut, æque ac arena, ex Auro Potabili auream essentiam extrahere queat. Hoc pacto igitur lignum aliquod patrefactum, aut ipsa lignorum ramenta ad opus hoc plantationis aptiora erunt, quam arena ipsa, quæ sibi potissimas Auri Potabilis vires attrahit, iisdem se emendat, & Vegetabilibus reliquas paucas concedit, communi hominum more agens, quorum quisque sibi proximus. Nisi casu hoc comperissem, multum commodi arena mihi subtraxisset, Vegetabilibus parum reliquum fecisset, & sibi de potissimâ virtutum parte prospexisset.

Scitu etiam dignum hoc hîc non prætereundum est, quod, mei *Auri Potabilis* adjumento, quæ herbæ nascuntur, ex omnes majores & robustiores vulgaribus evadant, & colore, sapore, odore ac virtutibus omnibus vulgares longè superent. Ratio est, quia dicta *Medicina Vniuersalis* merus est ignis, Vegetabilibus & herbis igneum suum vigorem impertiens. Nam satis superque notum est, quod, quò calidiores fuerint regiones, eò efficaciores etiam herbas producant. In Belgii regionibus humidioribus herbæ nascentes iis, quas Germania superior sicciore, & calidior solo & aëre prædita edere solet, nec odore, nec

sapore,

sapores, nec viribus respondent. Germania superior autem tantæ efficacix & magnitudinis herbas non suppeditat, ut Gallia, cujus aër calidior est & siccior, quàm Germaniæ, in qua Rosmarinus ab injuria hyberni temporis ægrè tutus manet, cum tamen in Gallicis desertis crescendo ita luxurietur, ut etiam in arbores excreseat, ramis suis succedentes contrà pluvias defendere solitas, id quod in frigidioribus nostris regionibus fieri non consuevit. Optimum profectò mel *Marsi-
liæ*, ubi illud apes ex rosismarini floribus exsugunt, in Germaniam, Belgium, aliasque regiones defertur, ut ex illo optimum mulsu conficiatur, aut eodem alii fructus, & flores conferventur. Mel verò illud, quod in Hollandia, & Frisiâ per humida prata, & campos uliginosos volitantes apes ex floribus colligere solent, odore quidem ferè caret, sed tamen bonitate illi præstat, quod ex graviter olentibus ferarum arborum floribus, aut iis, quæ in sterilibus erycetis repiuntur, apes colligunt. Ex quibus patet, magno herbarum virtutes discrimine inter se distare, & eos haud parum hallucinari, qui sine omni discrimine cunctas herbas Europæas in eodem censu habentes septentrionalium Regionum, ut Daniæ, Norwegiæ, Sueciæ & Poloniæ herbis easdem virtutes attribuunt, quas Antiqui Medici suis adscripserunt. Faciunt hoc recentiores Galenici, qui humiditas suas herbas in frigidis his regionibus viribus suis iis æquipollere asserunt,

de quibus Veteres Medici mentionem fecerunt. Quid autem suis efficiant, & quantos errores committant, experientia testis est.

Avicenna, Averroës, Ægineta, cujus compilator Galenus, non fuerunt Germani, Sueci, Dani, aut Poloni, utpote qui calidas illas inhabitavere regiones, in quibus solum interdiu & noctu solaribus radiis calefactum, & aureâ proprietate pollens, herbis miras virtutes, & efficaciam admirabilem conciliat. Vehementer igitur errant, qui nostrarum frigidarum regionum herbis eadem vires attribuere audent. Artis autem beneficio fieri potest, ut herbis etiam in frigidissimis nostris terris eadem virtutes impertiantur, quas Arabicis suis authores isti acceptas ferunt. *Vbi Natura desinit, ibi artificibus artis nostra incipiendum esse*, asserunt omnes Philosophi, *Hermes* cum primis omnium Philosophorum quasi pater, qui clarè & apertè illud in *Tabula sua Smaragdina* testatur, inquiens: *Verum sine mendacio certum, & verissimum. Quod est inferius, est sicut quod est superius, & quod est superius, est sicut quod est inferius, ad perpetranda miracula rei unius, &c.*

Ac licet hæc verba diversis explicationibus illustrentur, sensus tamen eorum generalis nihil nisi superiorem, & inferiorem Solem spectant, qui omnia generant, & ad perfectionem deducunt. Superiorem Solem nullâ vi ad nos pertrahere, multoque minus præcipere ipsi possumus, ut nostras terras calidiorum radiorum participes reddat,

reddat, & herbas ipsis innatas iisdem virtutibus impleat, quibus Arabicæ dotatae sunt. Nos non audit, nos non novit, sed consueto cursu pergens munere fungitur, quod ipsi à Divina potentia impositum est. Si Naturæ dona nobis concessa emendandi desiderio tenemur, *Artem* adeamus, & videamus necesse est, an ipsa *Natura imitatrix* nobis opem ferre velit. Id quod facile præstabit, ut videlicet Europæa nostra terra æquè efficaces herbas edat, ac Arabicum solum, & quidem exiguis sumptibus & laboribus, adeò ut meo Auro Potabili sumptuosiore ad eam rem efficiendam non opus sit. Idem enim aqua Sulphurea falsa, & fluida effectui perfectè dabit, cum in Sale & Sulphure solares radii cumulatè concentrati, & coagulati reperiantur. Hic Terrestris est Sol noster, cujus virtute cuncta vegetantur; Quem si Vegetabilibus debito modo aptare sciremus, idem profectò Artis adjumento effecturi essemus, quod Superior & Naturalis Sol naturali suo modo in herbis operatur. Quicumque hæc non intelligit, nec percipit, Philosophis neutiquam annumerandus cæcos ductores sequitur, & alios secum in tenebras præcipites agit. Sol in firmamento cursu suo consueto pergens nec major, nec minor reddi potest. Inferiorem Solem in manibus nostris habemus, eumque pro lubitu nostro, & quidem eâ copiâ, quâ volumus, herbis nostris accommodare possumus. Hinc *Arts Naturam longè superat*, & hanc ejus ope superare nobis

bis integrum est, si ipsam habemus, & eadem uti novimus. Sed dissertatio hæc mea, præter opinionem meam, longius se extendit, &, ut eadem acquiescam, aurem mihi vellicat. *Sapientibus sat dictum* esse arbitror. Asini aures longæ, multâ verborum ambage, breviores non redduntur, nec indefinente lotione *Æthiops non dealbatur*; quod per 'arenthesin indicare & volui, & debui.

Veruntamen ut clarius, & magis perspicuè cuncta proponam, quo unusquisque videat & perspiciat, me puram putam Veritatem ob oculos posuisse, adhuc nonnulla in medium afferenda censeo, siquem de his periculum faciendi lubido incesse-rit, ut veritatem reipsâ experiri queat. Aurum Potabile meum in rubrum Salem coagula, ejusque grana 3.4.5.6.8.12. aut plura vel pauciora vitri CrySTALLINI uncia dimidiæ in crucibulo fusæ injice, ut in superficie jacentia fundantur; Hoc facto vitrum mox Tincturam attrahet, coloremque hyacinthinum induet, adeò pulchrum, ut Hyacinthi naturalis colori minimè cessurus sit. NB. Si diutiore igne fusio urgeatur, vitrum aureo, viridi, cœruleo, ac tandem, si nimis diu in igne relinquatur, nigro colore tingetur. Qui Rubinum conficere desiderat, Aurum Potabile coagulatum solum sine ullius rei peregrinæ additione puro & tecto crucibulo immit- tendo, & per horas aliquot in fusione relin- quendo, sanguinei coloris vitrum adeò pulchrum consequetur, ut vel solo aspectu hominis ali-

cujus

cujus curarum, molestiarum, & laborum multitudine debilitatam naturam recreare possit.

Quo animo sit ille, qui post plurimos labores frustra exhaustos, ac maximam Divinæ Benedictionis expectationem, tandem aliquando oculis suis aspicit, quod fieri illud possit, quod tam incredibili desiderio tamdiu quæsit, facile quivis conjecturâ suâ providere potest. Proculdubio *Mosen* Promissæ Terræ, quam tamen non intravit, conspectus ineffabili gaudio affectit. Quanto gaudio exultavit pius ille senex *Simeon*, cum Divino Instinctu templum ingressus infantem *JESUM* ulnis complexus, est, & dixit, *Domine! jam servum tuum in pace dimitte; Nam oculi mei Servatorem tuum viderunt.* Neminem in malam partem interpretaturum spero, quod hac comparatione utar. Infans enim meus lutum est, & cœlum: Ille verò in *Simeonis* ulnis cœli ac terræ Dominus. Quemadmodum verò infans *JESUS*, cum parvus adhuc esset, nondum loqui, & concionari poterat, nec miracula edebat, sed aliis infantibus externo aspectu similis erat, nec quiskquam adhuc videbat, qualis & quis futurus esset, donec ad virilem ætatem perveniens infans in infantia sua non mansit, verum maxima miracula edidit. Idque ideò quia Divina Essentia ab æterno in ipso occulta temporis progressu in ipso manifestata est. Cui enim ex semine aliquo manifestatur, quos colores, & quam figuram planta ex ipso emersura habitura sit? Nascens debito modo

modo enutrita tandem patefacit, quæ prius occulta in se continuit.

Pari ratione verum *Ens Primum Auri* in meo Auro Potabili occultum oculis non conspicitur, multò minus, quid Ars ex eo paratura sit; aut parare queat, priusquam ignis opera constantem suam fixationem, aut fixationem, ut Chymici loquuntur, consequutum fuerit. Expectandum igitur patienter, donec hic infans adolescat, & ad virilem ætatem perueniens, viriles actiones edat. Quis unquam crederet, in ovo aliquo totam avis essentiam cum omnibus membris, plumis, & reliquis ad eam pertinentibus, occultam latitare, nisi res vulgo notissima extaret? Vini mustum, si ejus nimia copia exhauriatur, stomacho nocet, cum debilitat, & colicos dolores excitat; Idem, postquam vinum clarum & forte evasit, stomachum, & totum corpus corroborat, & eas demum vires exferit, quas, cum mustum esset, occultas gessit. Cui Vegetabile semen, Animale ovum, aut Minerale Primum Ens innotuit, ille demum novit, quod ex semine herba, ex ovo avis, & ex Primo Ente Mineralium *Medicina Vniuersalis* oriri debeat. Cujus autem captum hæc superant, ut abjectum semen, ovum, & *Primum Ens Mineralium*, Salem videlicet Sulphureum, contemnat, ille etiam inscius occultam herbam, avem, & Medicinam Universalem repudiat. Ideò nemo contemnere debet ea, quorum cognitio ipsum fugit. Ut res probè percipiatur,

piatur, primum Ens Auri veram Medicinam Universalem occultit, quam *Tempus, Ars, & Natura* realiter in lucem producunt. Ideò non est, cur aliquis Aurum meum Potabile sulque deque habeat, aut contemptui ducat, quod adhuc in infantia sua versetur, ac vulgari alicui aquæ salisæ similis sit; sed potius cogitet, quod albi ovi instar, vitellum suum temporis progressu pulcherrimam avem progeniturum, in internis suis penetralibus occultum contineat.

Sed hæc de mei Auri Potabilis natura, & proprietatibus dicta sufficiant. Medicinalis ejus Usus inter præcipua mea medicamenta luculenter descriptus, propediem typis vulgandus lucem videbit. Quicumque verò illud intereà in usum adhibere desiderat, tutò & sine omni periculo illud facere poterit, cum nihil nisi ea, quæ corporis humani bonæ valetudini conducunt, operetur, debile nimirum Humidum Radicale, seu Spiritum Vitalem corroborando, & confirmando, ut hominis vita alatur, augeatur, & multos annos in optatæ valetudinis statu conservetur, perinde ac olei affusione lampas, aut lignorum appositione ignis vigor conservatur, ut nec extinguui, nec mori queat. Cautè tamen & cum judicio ejus Usus admittendus est, eo quod purus putus ignis existens modicè vult adhiberi. Ab initio una aut duæ guttulæ in vino, cerevisiâ, alioque potu, commodissimè verò in Spiritu Vini ægro propinandæ sunt: sequente die guttula

tula una addenda, ac deinceps unius guttulæ additione singulis diebus dosis augenda est, donec sudoris & urinæ expulsionem, ac quandoque etiam lenes aliquot sedes operetur. Hac operatione factâ, eodem planè modo unius guttulæ omissione doses quotidianæ iterum diminuendæ sunt, donec ægritudo feliciter sublata ulteriore ejus usu ægrum superfedere jubeat. Cunctis ritè peractis manifesto innotescet, quasvis ægritudines, etiam occultas hoc medicamento expelli, & quasi consumi, sicut lignum ab ardente igne consumitur, itâ ut præter fixum Salem nihil omninò remaneat, & cuncta in nihilum redigantur. Omnes enim morbi, ut suprà indicavimus, ex humoribus humidis ortum trahunt, quibus nihil est, quod commodius & tutius medeatur, quam Aurum hoc Potabile, quod omnibus humiditatibus nimis vehementer resistit, easdem aperiendo, incidendo, consumendo & dispellendo, haud secus ac Sol aquam in vase aliquo consumit, & evaporando dispellit. Hinc *Lepram, Morbum Gallicum, Quartanam*, & omnes alias *Febres, Scorbutum, Epilepsiam, Apoplexiam, Melancholiam Hypochondriacam, Calculum in renibus, & vesicâ, Podagram*, omnesque tam notos, quàm ignotos *Matricis morbos*, & *Mulierum varias ægritudines*, ut & horrendam *Pestem*, cum omnibus affectibus malis ex ea ortis curatione sua tollit, & præservatione suâ avertit. Nihil enim corruptioni, & interitui obnoxium depre-

hendi-

henditur, quàm nimium Phlegma, five immatura humiditas, quæ citissime in putrefactionem abire solet. Hinc dilucidè patet, quod sanguineus aliquis sicciore temperamento præditus longe meliore fruatur valetudine, quam humiditate abundans Phlegmaticus. Saccharum siccum multos annos durat; humectatum verò acefcit, & mucidum evadit, licet Sal sit, & aliis Vegetabilibus corruptibilibus misceatur, ut eadem conservet.

Hinc videre est, quod superflua humiditas morti januam aperiatur, per quam vitam adoriatur. Calida & temperata siccitas autem è contrario cuncta in statu incolumi conservat, & cuivis corruptioni aditum occludit. Pulchræ, & eleganti structurâ superbientis domus tectum hinc inde pervium & rimarum plenum pluviam admittit totam structuram ubique humectantem, & putredine corrumpentem; Si vero tecti foramina obturantur, aut fenestræ, per quas pluviae aditus patuit, occluduntur, ac è contrario aliæ aperiuntur, ut per eas admissus calidus aër ubique conceptam humiditatem exsiccet, & putredinis progressum inhibeat, totum ædificium sartum tectum conservatur, quod alias in putredinem abiens corrumpetur. Homines in uliginosis, & paludosis locis habitantes, & aquoso cibo ac potu victitantes Phlegmatico, & minus sano fruuntur plærunque temperamento, catharris ut plurimum & scorbuto

buto divexati: E contrario illi, qui alta, & excellsa loca, sicciore & puriore aëre gaudentia, incolunt, ac cibis valetudini magis conducen-
tibus vescuntur, aquosas illas ægritudines ne-
sciunt, robustis corporibus florent, ac carnem
duram, densam, & optimè constitutam habent.
Discrimen hoc non in hominibus solis, sed &
in omnibus aliis rebus animadvertitur. Etenim
non modo panis, caro, fructus, & quæ alia ejus-
modi ad quotidianum cibum adhibentur, mul-
tò citius in humidis locis mucescunt, & corrup-
tionem subeunt, verum etiam metalla ipsa,
ut ferrum, cuprum, stannum, & similia humidi
aëris corruptionem non effugiunt, sed rubigine
obducuntur, quam in aëre sicco non ità facile
contrahunt. Ex his omnibus, superfluum humi-
ditatem omnibus rebus semper noxiam corrup-
tioni fenestram aperire, adeò clarè liquet, ut ne-
minem fortè credam, qui contrarium quid oppo-
nere sit ausurus.

Quandoquidem igitur hoc meum Aurum Po-
tabile inter omnia medicamenta, quocunque
etiam titulo insigniantur, in corruptionibus tol-
lendis maximè excellit, & tam in præsertione,
quàm curatione quàm tutissimè adhiberi potest;
Jure ac meritò etiam *Vniuersalis Medicina*, cui
nulla alia præponenda, haberi, & æstimari
debet.

Hæc pauca de mei Auri Potabilis usu, effica-
cia, & virtutibus in Vegetabilium, Animalium,
& Mi-

& Mineralium curatione hîc describere volui. Plura in descriptione usus meorum præcipuorum Medicamentorum proximè sequentur.

Restat, ut de dicti mei Auri Potabilis præparatione paucis mentionem faciam, licet jam sæpius in plurimis scriptorum meorum locis id fecerim, & dilucidè admodum eam monstraverim; Philosophico tamen more, nullo *Recipe* posito expressè, sed hinc inde particulatim, ut in *Miraculo Mundi*, ejusdemque *Expositione*, & *Continuatione*, ubi breviter descripta est, ut idèò ulteriore illustratione non egeret. Cunctis tamen abunde satisfactorius loco auctarii unumquemque moneo, ne opinetur, subjectum hoc alicunde ex peregrinis & longè remotis locis multorum sumptuum & impensarum adjumento petendum esse. Etenim materia, ex qua meum Aurum Potabile paratur, ubique locorum, & quidem pauperrimo æquè ac ditissimo ferè gratis, & sine sumptibus se offert, tridui spacio ad perfectionem deducendam. Ad eam dico perfectionem, ut rectè mens mea percipiatur, ad perfectionem (inquam) eam, quam infantia ejus requirit, ut nimirum *Lac Virginis*, aut clara Aqua Universalis & Medicinalis evadat, quam ego *Aurum Potabile* nuncupo, & in qua *Draconis sanguis* preciosissimus absconditus latitat, certi & definiti temporis spacio per fixationem in constantem *Salamandrum* trans-

mutandus ; id quod hactenus nondum consequutus sum , ac ideò verbis pluribus uti superfedeo, in meo Auro Potabili acquiescens, de quo multoties operâ meâ parato hîc ago , & de majoris momenti rebus plura verba facere desino. Interea nullum mihi dubium est , si tempus & labor impendatur , quod hoc Aurum Potabile tam siccâ quàm humidâ viâ fixationis & constantiæ suæ terminum consequuturum esset. Præterea inficias neutiquam eo , quod idem Aurum Potabile ex omnibus totius mundi rebus confici queat , ex uno tamen Subjecto facilius & citius, quàm altero. *Nullus infans tam pauper nascitur, qui non necessario illo Subjecto fruatur, & sine ipso vitali aura vesci queat.* Ideò Veterum Philosophorum nonnulli scripserunt , *Adamum & Evam in Paradyso eandem Materiam habuisse* , cum tamen vestibus induti non fuerint , ut ex Sacris colligitur , sed arborum foliis verenda sua texerint, postquam Dei vocem audivissent , & se nudos esse comperissent : Extrâ Paradysum enim ex animalium pellibus Deus ipsis demum vestes paravit.

Cum senex Eremita *Morienus de Vniuersali Subjecto* cum Rege *Calid* sermocinaretur , & hic ejusdem detectionem ab illo postularet , ille respondit : *Tu ipse, ô Rex, Subjectum illud penes te habes.* Absoluto opere vasi, quod Lapidem continebat, hæc verba inscripsit : *Qui omnia secum portat, alieno auxilio non indiget ;* quibus significabat,

cabat, quod ubique iterum *Materiam Vniuersalem* consequi posset, nec ullius hominis auxilio ad ejus acquisitionem indigeret. *Maria* Prophetissa Mosis soror *Trium horarum Opus* nominat; alius *Philosophicum septem dierum Opus* appellat. Ego Glauberus novitius Hermetis discipulus verissimè assero, quod hoc meum Aurum Potabile, de quo in hoc scripto agitur, non solum *Trium dierum*, sed & *trium horarum intervallo* perfici queat, & quidem ex ejusmodi subjectis, quæ ubique reperiuntur, & quibus nemini ignotis unusquisque utitur, & in vivendo carere nequit. Puram putam veritatem indico nullis similitudinum, aut verborum tectorum involucris absconditam. Imò ne quis autumet, quod hæc mea scripta non secundum literam intelligenda sensui tecto cuncta involvant, tertiâ vice affirmo, quod Aurum Potabile, de quo scripsi, ex quovis Vegetabili, Animalis, & Minerali, sed tamen ex uno citius, & facilius, quàm altero, parari possit. Quamvis enim ex quovis ligni, panis, aut carnis frusto, & straminis, foliorum, aut graminis manipulo parare cuivis integrum sit, facilius tamen ex Salis, omnium Vegetabilium & Animalium quasi centri concentrati manipulo parabitur, id quod tanquam veritatem infallibilem toti Mundo relinquo. Rectè tamen quis me intelligat velim, qualis Salis hîc indicium faciam; nullius nimirum aliûs, quàm illius, qui in omnibus rebus invenitur.

Ut adhuc longè clarius & apertius meorum verborum sensus patefiat , parvam sed fundamentalem dissertationem subjungam. Artis studio alicujus boni consequendi cupiditate ardenti non sufficit hujus aut illius Philosophi lectio, ex qua nuda sibi mox persuadeat, quod illicò Artem clarè & dilucide traditam deprehensus sit : Sed accuratè meditari ipse debet, quid illud sit, quod quærît, unde originem suam traxerit, & quo pacto, aut quâ viâ id sibi consequi liceat. Nam si ab ultimis, & extimis oris usque ad intima penetralia res cunctas investigaverimus, comperiemus, Deum solum & unum fuisse ab æterno, usque ad illum terminum, quo ipsi placuit visibilia ad gloriam & delectationem suam creare. Hoc facturus dixit : *Fiat*. Ut primum hoc *Fiat* à Deo pronunciatum est, se incipit movere, & in quatuor Elementa mutare, ex quibus Elementis postea emerferunt cuncta, quæ oculis cerni possunt, & sine quatuor Elementis nec esse nec consistere queunt, sine quibus & natura ex se ipsâ prodire nescit. Si verò quid purius & melius iis, quæ ab Elementis generantur, quis acquirere conaretur, *Ars* ipsi adeunda esset, quæ *Naturam superans* eo tendit, quo pervenire Naturæ non datur, & operationem suam inde ordiri debet, ubi Natura ulterius pergere nescia suam finivit. Tunc enim acquiritur *Quinta Essentia*, quæ gradu uno Naturam superans ab Arte ulte-

ulterius promoveri nequit. Si verò ipsâ Essentiâ Quintâ melius aut majus quid aliquis consequi cuperet, aliâ viâ procedendum esset, siquidem arti, sicut diximus, ultrâ Quintam Essentiam progressus ulterior non datur. Ideò necessitas postulat, ut ad *Centrum* redeatur, ex quo Elementa ortum suum trahunt. *Centrum* hoc est Divinum illud *Fiat*, seu *Sal Vniversalis Hermaphroditicus*, naturæ utriusque particeps, qui, verum *Primum Mobile*, in se occulta continet duo contraria, quæ in se invicem agentia, tria Principia trium Regnorum, *Vegetabilis*, *Animalis*, & *Mineralis* pariunt, & per quatuor Elementa eadem nutriunt, & multiplicant, quem cursum communem Natura sequitur. Ars verò longè ulterius progreditur, *Circumferentiam* ad *Centrum* reducit, ac illi *Centro* seu *Primo Mobili* non permittit, ut duobus illis contrariis in se mutuo agentibus *Patiens* ab *Agente* vincatur, & in tria ista Regna, Vegetabile nimirum, Animale, & Minerale tanquam *Circumferentias* suas transeat; sed primum illud Mobile vincit, ac compescit, ut vires suas non dividat, & largo ambitu explicet, verum quasi in se deglutiat. Perinde ac si *Draco* propriam suam caudam venenatam sibi ipsi morſu aufert, & eodem se nutrit, quando alius cibus ipsi non suppetit, atque hoc pacto summa Medicina evadit. Ideo sapientissimè *Hermes*, *Draco noster*, inquit, *non moritur nisi per F. & S.*

Neceſſe eſt, ut unus ignis alterum vincat, & in nobiliorem eſſentiam tranſmutet. Talis ignis eſt Arcanum meum *Alkaheſt*, ſive *Aurum Potabile verum*, quo admiranda effici poſſunt. Aqua eſt pellucida, & clara, in qua ignis color, & forma latitat, & intrò verſa eſt. Facili autem negotio, & celeriter iſte ignis internus manifeſtatur, & in conſpectum oculorum, igne duplici, ſicco nimirum, aut humido, educitur. Siccus modus vulgarium ligni carbonum calore, & igne perficitur. Ad humidum modum adhibendus eſt Spiritus Vini probè rectificatus, & omni ſuo phlegmate liberatus. *R.* Ignis ficci & concentrati \mathfrak{z} j. eam impone \mathfrak{z} iiij. humidi ignis, ſive Spiritus Vini, qui, ut humidus ignis, ſiccum mox deglutiet. Uterque aliquot horas in phiola longum collum habente, ignis calore debito digeſtus, ſanguineum colorem induet, concentratas vires cum coloribus pulchris, ac jucundo ſapore, & odore, quibus cor corroborantibus, omnes alias Aromaticas Eſſentias cordis corroborationi inſervientes, longè antecellit, manifeſtabit, & oculis ſubjiciet. Nam quæ antea intrò conuerſa, ac in imis penetralibus concluſa fuerunt, ea omnia foràs eliciuntur, ac viſibilia redduntur, inque ſenſus externos incurrunt. Hoc pacto abjectus & parvus infans, qui albo colore veſtitus eſt, eloquens, fortis, & prudens vir evadit, ipſumque *Lac Virginis in Draco-*

ni sanguinem efficacissimum mutatur. Verissima hæc est *Aqua Vita*, & verissimum *Vinum Salutis*, cujus aliquot guttulæ saltem quotidie in usum adhibita, valetudinem bonam conservant, & longam vitam largiuntur. Hujus *Aquæ Vitæ*, ut & veri mei *Auri Potabilis* sæpius dicti admirandam & celerrimam in Medicina, & inprimis in imperfectiorum metallorum transmutatione operationem, & efficaciam multi homines honesti apud me oculis suis aspererunt.

Si cui igitur gravibus morbis divexato, & nulum auxilium in vulgaribus, & notis illis Medicamentis Galenicis inveniendi hujus mei *Auri Potabilis* adjumento opus foret, ejus tantum, quantum ad recuperandam pristinam valetudinem requiretur, ex Christiana dilectione lubens ipsi largiar, idque propterea eò lubentius, ut his temporibus ultimis, in quibus omnis malitiæ & omnium scelerum sentina verissima mundus hic perversissimus evasit, admiranda Divinæ Potentiæ miracula innotescant, & osoribus hujus nobilissimæ artis, qui ex mera invidia, & ignorantia Philosophos veros contemnunt, & mendaciorum ac fallaciarum accusant, impudica ora obturentur. Nullum mihi dubium est, haud paucos repertum iri, qui in *Auro Potabili* conficiendo vestigiis meis insistent, & illud temporis progressu ad majorem perfectionem deducere

conabuntur, quibus ego felicem successum non invideo, si Deus tanto dono ipsos dignatus fuerit. Plura iis, quæ hinc inde in scriptis meis de hoc Auro Potabili abscondidi, nemo ex me expiscabitur. Unicuique sufficiat, quod Medicinam paratam apud me invenire possit, quod ex centum vix unus facturus esset, si ejusdem possessor esset. Causas, quæ me impulerunt, ut publico scripto eam divulgaverim, & ægris consolandis ac restituendis obtulerim, suprà jam satis prolixè indicavi.

Conclusionis igitur loco iterum firmiter assero, omnia ea verissima esse, quæ de hâc meâ Medicinâ, & de viribus ejus, quas in Vegetabilium, Animalium, & Mineralium emendatione exferit, hoc meo scripto prodidi, Nemo autem eo audaciæ procedat, ut ea contemnat, aut tanquam vana, & impossibilia repudiet. Periculum pro lubitu facere unicuique integrum est. Medicina parata, quamdiu vixero, in promptu semper apud me erit. Eam nemini denegabo; Imo & usum ejusdem æquè in emendandis Vegetabilibus & Animalibus ac ipsis Mineralibus nonnullis amicis ad oculum demonstrabo, ut Dei miracula & Artis possibilitas manifestentur, & in apertum veniant.

Deus Omnipotens, omnium rerum Principium, & Finis calefacientem scintillam suæ sanctæ,

sanctæ, æternæ, infinitæ, & omnia corrigen-
tis Lucis nobis in nostra frigida, & tenebris op-
pleta corda ex mera sua gratia, & misericordia
inferat, ut in eo tanquam in salsa & sulphurea
aliqua terra, instar seminis alicujus parvi, nu-
triat, augeatur, & in animarum nostrarum
omnium salutem millecuplos fructus producat:
A M E N.



ADMONITIO
AD
LECTOREM.

VT Benevolus Lector opusculi huius sensum accuratius assequatur, & contenta ejus melius percipiat, brevi anacephalæosi ejus argumentum repetitum hîc subungere operæ pretium duxi.

Totius autem rei cardo in eo versatur & consistit, quo pacto videlicet ex Vegetabilibus, Animalibus, & Mineralibus, quæ ubique reperiuntur, Medicina Universalis negotio admodum facili paretur, & quod eadem ideò Universalis nuncupetur, quod trium Regnorum, Vegetabilis puta, Animalis, & Mineralis defectibus & agritudinibus medeatur. Et enim cuncta Vegetabilia hujus Medicina adjumento multò celerius & efficacius crescunt, ac multò suaviorem odorem ac saporem nanciscuntur, quam illa, quæ vulgari pecudum fimo stercoreantur. Pari ratione in maribus & fæminis fertilitas Animalis augetur, humidum radicale corroboratur, & omnes totius corporis obstructions reserantur, & auferuntur. In Minerali Regno efficacissimum est remedium imperfectorum Metallorum, dum ea

emen-
An-
vitr-
cint-
mile-
com-
verf-
tur
lis
ran-
Med-
debi-

ADMONITIO AD LECTOREM.

emendat , Mercurium Vivum in perfectum Aurum transmutat , & silices , crystallos , ac vitra crystallina in pulchros rubinos , & hyacinthos , colore sed non duritie naturalibus similes , tingendo transmutat . Ha virtutes commemorata omnes in dicta Medicina Universalis , seu Auro Potabili perfecte inveniuntur , ob quas etiam jure ac merito Universalis Medicina nominari debet . Hæc Admirandorum Divinorum , & bonæ , salutarisque Medicinæ studiosos celare nec volui , nec debui .

F I N I S .



